



2° minor. 31

Mem. 31. fol.

Beringer

Cirr 43



109.

Th² 2143

261



EDIDIT INUMERAS SPECIES PARTIMQUE
FIGURAS
REDDIDIT ANTIQUAS, PARTIM NOVAMON-
STRA CREATIT. OVID. L. i. METAM.

BRITISH LIBRARY
MANUSCRIPTS
COLLECTION
1950.10.1

LITHOGRAPHIÆ WIRCEBURGENSIS,

DUCENTIS LAPIDUM FIGURATORUM, A POTIORI
INSECTIFORMIUM, PRODIGIOSIS IMAGINIBUS EXORNATAE

SPECIMEN PRIMUM,

Quod

IN DISSERTATIONE INAUGURALI PHYSICO-HISTORI-
CA, CUM ANNEXIS COROLLARIIS MEDICIS,

AUTHORITATE ET CONSENSU
INCLYTÆ FACULTATIS MEDICÆ,
IN ALMA EOO-FRANCICA WIRCEBURGENSIUM
UNIVERSITATE,

PRÆSIDE

Prænobili, Clarissimo & Expertissimo Viro ac Domino,

**D. JOANNE BARTHOLOMÆO
ADAMO BERINGER,**

Philosophiæ & Medicinæ Doctore, ejusdémque Professore
Publ: Ordin: Facult: Medicæ h.t. DECANO & Seniore, REVE-
RENDISSIMI & CELSISSIMI PRINCIPIS Wirceburgensis Consiliario, &
Archiatro, Aulæ, nec non Principalis Seminarii DD. Nobilium
& Clericorum, ac Magni Hospitalis Julianæi
primo loco Medico,

Exantlatis de more rigidis Examinibus,

PRO SUPREMA DOCTORATUS MEDICI LAUREA,
annexisque Privilegiis ritè consequendis,

PUBLICÆ LITTERATORUM DISQUISITIONI SUBMITTIT

GEORGIUS LUDOVICUS HUEBER

Heripolensis, AA. LL. & Philosophiæ Baccalaureus,
Medicinæ Candidatus.

IN CONSUETO AUDITORIO MEDICO.

Anno M. DCCXXVI. Mensē Mayo, Die

Prostat Wirceburgi apud Philippum Wilhelmum Fuggart,
Bibliopolam Aulico-Academicum.

Typis Marci Antonii Engmann, Universitatis Typographi.

LITHOGRAPHY

AIRCRAFT ENGINEERS



PRO SPLENDIDA BIOCATORIS MEXICANARUM

GEORGES LUDOVICUS HUGGER
Hanswurst und Brotkasten

THE COUNCIL OF THE UNIVERSITY OF TORONTO
APPROVED THIS DAY THE TWENTY-THREE
MAY MDCCLXVII

IMMORTALI GLORIÆ
REVERENDISSIMI
ET
CELSISSIMI
S.R.I. PRINCIPIIS
^{AC}
DOMINI,
D.CHRISTOPHORI
FRANCISCI,
EPISCOPI
WIRCEBURGENSIS,
FRANCIÆ ORIENTALIS
DUCIS,
PRINCIPIS AC DOMINI
NOSTRI CLEMENTISSIMI.

D. C. O.

REVERENDISSIME
ET
CELSISSIME
PRINCEPS,
DOMINE, DOMINE
CLEMENTISSIME.



On tem, quem D. Præses
meus fronti Dissertationis
suæ Lithographicæ præfi-
xit, rectè novum Patriæ
Nostræ Parnassum appell-
o, in quo sine concentu Musarum, atto-
nito ad rei novitatem Apolline, diserti
Lapides Franconiæ felicitatem, & Tuam
præci-

præcipue PRINCEPS CELSISSI
 ME gloriam loquuntur. Vix ortus
 eras Sol Franciæ Eoæ Novus, cum Sa-
 pientiæ, Clementiæ, Æquitatis, cætera-
 rumque Virtutum Principalium radios
 persentiscens neglectus ille & sterilis ha-
 etenus terræ saxorumque congestorum
 tumulus, inaudito subditis indigenis pro-
 digio, Rhodij Colossi facundiam imitari,
 & salutare cepit Nascentem Phœbum
 suum, tot linguis, quot Lapidès, lectissi-
 marum ex triplici Naturæ regno imagi-
 num figuris insignes effudit. Hærent
 adhuc suspensa Eruditorum judicia, &
 pensatis æquâ lance in partem utramque
 rationibus incerti fluctuant, an exoticos
 montis annosi partus Naturæ mirificè
 operantis, an Artis Antiquæ laboribus
 adscribant. Illud tamen unanimi consen-
 su & gratulatione publicâ mecum affir-
 mant universi, saxeis hisce cimeliis auspi-
 catissimi Regiminis Tui exordia illustra-

)(

re,

re, & Sapientissimo, ac consummatæ Literaturæ PRINCIPI, Litteratorumque Favitori Statoriique Maximo, admirabili petroforum animantium, florum, plantarum & testaceorum Hecatombe inutilem alias montis inculti glebam litare voluisse. Si ad Artis Antiquæ industriam reflectere liceret oculos, dicerem fortassis, æmulam fuisse olim Ægypti veteris Franconiam, colosso magnifico Ducum suorum sumptu erexit, Hieroglyphicis aut Heroicis symbolis undique inscriptos ornatosque, quorum hodie fragmента & reliquiæ superstites eruantur: sed, cum Barbara Pyramidum tantum miracula Memphis notis Hieroglyphicis insignire, more, cæteris Europæ, quâ ab Oriente remotior est, Gentibus inusitato, consueverit, omitto conjecturam nulli solidæ rationi subnixam: A vero tamen minimè me aberraturum arbitror, si multiplici imaginum petrosarum varietate,

tate, Tuas **PRINCEPS CELSIS-**
SIME Dotes adumbrari, & Colosso
vertici montis detecti imposito graphicè
insertas præsentari dixero. Obelisci bu-
jus apicem ineffabile Dei Nomen Jehova,
in grandiusculo Lapide, transpositis licet
litteris elegantissimè expressum occupat,
ut, quo Duce, quo Auspice, Nobilissimi
Episcopatus & Ducatus Antiquissimi
clavum capessiveris, sub Cujus Præsidio
regas, quām sublimem sanctumque Prin-
cipalium curarum scopum, nempe Divi-
ni Nominis agnitionem, exaltationem,
& gloriam præfixeris, demonstretur.
Reliquam Obelisci faciem Solis, Lunæ
crescentis, & Stellarum pulchræ imagi-
nes serenant, Kyriologicæ Virtutum Tu-
arum tesserae, è quibus salutares Benefi-
centiae, Justitiae, Providentiae, & inde-
fessæ pro bono Patriæ publico Vigilan-
tiæ influxus, ac Familiæ quoque Huttoniæ
antiqui in Majoribus Tuis Glo-

riosissimis splendores elucescunt. Nec
Cometæ desunt: non quidem bellorum,
funerum, aut cæterarum calamitatum
publicarum ferales indices (quis enim
stellata hæc aërearum & ætherearum
regionum phænomena ad terrorem so-
lum & cladem subjecti orbis, non ad pro-
spera quoque portendenda, nata & accen-
sa esse dixerit?) qui radiosso luminis ex-
pansi syrmate longam secuturorum au-
reorum temporum seriem post se trahant.
Conchylia in basi hinc indè sparsa, subdi-
torum corda & animos exhibent, quibus
Amantissimum Principem, ceu Mar-
garitam & pretiosum affectuum suo-
rum Unionem arctissimè stringunt, Ejus-
démque Celsissima Merita palmis, & di-
versarum plantarum frondibus, foliis,
floribus ac fructibus coronant. Invide-
bant quippe suam Floræ Wirceburgensi
prærogativam Oreades Eivestadianæ,
& quia in Horto, quem Principali mu-
nifi

nificantia exornas & amplificas, Botanico, Asiæ, Africæ, Americæ, & quæ in Europæ nostræ viridariis rariores plantæ sunt, incredibili copiâ & fæcunditate efflorescere, ac in salutem corporum, oculorum oblectamentum, ac studij Medici eruditum illicium augeri & conservari suspiciunt, Ipsæ pariter non minore CEL-SITUDINEM TUAM colendi ardore, quidquid in plagiis mundi, quâ latè patet, universi Petrifera tellus in lapidibus idiomorphis prodigiosum tulit, è collis unius sinu erutum, in Pyramidem, & perenne gloriæ monumentum ædificant, quod nec aestivi soles, nec hyemis asperitas cum plantis evertat, quia durissimo silice aut marmore fabrefactum.

Familiare insuper Ægyptiis erat non Heroicas solum perfectorum animalium, sed insectorum quoque vilissimorum species in Hieroglyphicorum ordinem assumere, & iisdem præstantissimos

Deorum, Geniorum, Astrorum, & Elementorum effectus significare. Facile proinde erat, serpentes, humbricos, scarabaeos, cancros, vespas, pisciculos & reliqua lapidum insectiformium ectypa Laudibus Tuis accommodare, nisi rerum gestarum, & à CELSITUDINE TUA porrò feliciter gerendarum Magnitudo & Gloria, suaptè claritate in oculos incurreret, quam reconditis istis ænigmatum Canopicorum involucris occultari non oportuit, & obscurari magis quam illustrari. Quodsi nonnemini visis Lapidum idiomorphorum, Litteratorum maximè & grammaticarum icunculis in mentem venerit, eos priscis ethnicorum amuletis, aut mysteriosis Hebræorum Telesmatis adnumerare, non equidem hic obluctabor: Quia tamen prophylactica hujusmodi superstitione vetustatis inventa jam pridem erudita Christianorum pietas & religio proscrispsit, TE REVERENDIS.

DISSIME & CELSISSIME PRIN-
CEPS ceu *sacrum Patriæ Amuletum*
veneror, singulari Numinis Providentiâ
Franconiae concessum, quo incolumi & su-
perstite, malorum & adversitatum omni-
um fulminea tempestas procul à subditi
Ducatûs finibus arcetur, aut si quæ taci-
tè serpere cepisset, contagio, ceu efficacissimo
antidoto extinguitur & sanatur.
Quidquid autem de Lapidum Idiomor-
phorum indole vel origine viso specimine
nostro statuent Eruditi, nobis contra om-
nia imitatrixis ac sculptricis æmulationis
molimina scutum inexpugnabile & irre-
fragabile testimonium est, quod præsentes
Lithographiæ Wirceburgensis primitias
CELSISSIMO NOMINI TUO inscribi
Clementissimè patiaris : qui Principalis
favor, ut eas in Disputationis Inauguralis
argumentum assumerem, & singulare
Historiæ Naturalis Franconiae studium,
uti Doctore Magistróque Cl: D. Præside

meo,

meo, jam ab annis aliquot ceperam, dein
ceps etiam pari fervore & industria prose-
quar, fortissime me incitabit. Intuere LIT-
TERATISSIME PRINCEPS conatum
hunc meum Gratiissimis oculis, quibus
omnes politioris Litteraturae cultores Cle-
mentissime soles, diuq; & Patriæ, & Mu-
sis Franconicis Incolumis vive, ut, quem-
admodum Lithographiae paucis hactenus
inter nos cognitæ, & ideo à plurimis ne-
glectæ, ita reliquarum bonarum Artium
studia Te Fovente, Te Protegente, Te
Amplificante novum accipient incremen-
tum. Ita demississimo affectu precatur

**REVERENDISSIMÆ
CELSITUDINIS TUÆ**

Servorum Infimus & Devotissimus

Georgius Ludovicus Hueber
Herbipol. Medicinæ Candidatus.



PROEMIUM.

Curiosi rerum naturalium vitæ & sensūs expertum scrutatores in duas potissimum classes dividi posse videntur ; quorum altera inferioris mundi aspectabilis pertæsa , toto vultu & animo in cœlum abripitur , siderum , aliorūmque corporum cœlestium motibus & indoli unicè intenta : Altera verò eorum , qui fixis in solo magis propinquo oculis , tantam rerum admirandarum copiam terrâ reconditam , marique advectam sedulâ investigatione reperiunt , ut non minore jucunditate & fructu iis considerandis se se impendant , quàm in observandis stellarum fixarum ac errantium cursibus , conjunctionibus , oppositionibúsque Astrologi occupentur . Præclari utrorūmque conatus , præter ingentem , quam orbi litterato æquè ac Politico utilitatem afferunt , hanc quoque præ cæteris laudem merentur , quod velut facundi Operum Divinorum Interpretes , summam Opificis rerum potentiam & sapientiam in tām stupendis effectibus sole clariùs eluentem , omnibus adorandam & deprædicandam (qui Scientiæ Naturalis præcipuus finis est) exponant .

Quodsi tamen instituenda inter partem utramque es-
set comparatio , nescio sanè , an Astrologis major à sublimi
occupatione suâ accedat commendatio , quàm in eos re-
dundet , qui terræ mariūmque sinus rimati , manifestius Di-
vinæ laudis argumentum solerti industriâ indè depromunt .

A

Præter-

Præterquam enim, quod immensa cœlorum à terris distan-
tia, nebulosa aëris intermedii phœnomena, siderum sub
aspectus nunquam venientium absentia, humani visûs im-
becillitas, labores & successus in studio arduo, inter insom-
nes noctes, sub Jove frigido penè insuperabiles reddant,
sæpiùsque sperato eventu destitutos, accedit, quod curio-
sus sciendi & futura dignoscendi ardor ad illicitas nonnun-
quam divinationes, ad scrutanda Divinæ Providentiæ ar-
cana consilia, ad libertatem humanam fatalibus influxi-
bus subjiciendam, ad secuturos eventus fortuito judicio &
inani non raro vaticinio conjiciendos periculosè inducat,
habet hoc suâpte naturâ cœlestium corporum pulchritu-
do, ut supremam Conditoris sui Majestatem nativis splen-
doribus citra commendationum elogia prodat, & tot lin-
guis, quot radiis eloquatur.

Illi verò, qui Naturæ, ut ita dicam, inferioris & terreæ
arcana detegunt, palpant manibus, propius admotis ocu-
lis penitiùs inspiciunt, & sæpiùs examine tantùm non Anatomo-
& Chymico, sed & cæteris Philosophiæ experimen-
talibus adminiculis scrutantur, illi, inquam, Maximum in
parvis Deum, in humilibus Altissimum, in vilibus Pretio-
sum eò majore hominum admiratione citra splendidæ cu-
riositatis discriminem proponunt, quò magis Mysteria hæc
rudibus aut parùm curiosis abscondita nesciebantur.

Horum numero jure merito accensendos existimo Li-
thologos, quo nomine minimè tamen intellectos velim
gemmarios tantùm, qui guttam coloratam & in illustrem
lapidem concretam summo studio & pari pretio conqui-
runt, ad majus forsitan opum & Gazophylacii, quàm eru-
ditionis incrementum : Lithologos intelligo, qui Natura-
lis historiae sacratori ardore succensi, nullâ materiæ nobi-
lioris præ ignobili habitâ ratione, stupendam lapidum fi-
guratorum supellectilem diversissimorum corporum figu-
ris supra Phidiæ aut Apellis artem insignitam, vel ex inti-
mo terræ sinu effodiunt, aut in extima soli facie repertos,
at neglectos, attonito ad rei novitatem & elegantiam orbi
osten-

ostentant. Inveniunt in altissimorum montium jugis, in cavernis rupium, in stratis lapideis, in profundis fodinarum recessibus, in agrorum sulcis, aut viarum præruptarum hiatibus, in medio Germaniæ, tantis ab Oceano intervallis dissipatae, testaceorum innumerabiles species, coralliorum ramunculos, piscium & monstrorum marinorum, aut belluarum, quas sola Asia vel Africa parit, induratas in saxa reliquias. Producunt descriptas in solidissimis petrarum fissilium corticibus, pratorum, nemorum, Arcium, urbium, florum, plantarum, ac brutorum animantium imagines, suis quandoque coloribus discretas. Nec imagines solum, sed ipsa piscium, altilium, quadrupedum, ac hominum etiam & densissimarum arborum ac fruticum corpora, ceu objecto Medusæ aut Gorgonis capite in lapidem congelata demonstrant. Nova hæc & prioribus saeculis incognita naturæ, citra figmentum, Metamorphosis est, in quâ non Daphnides lauri, non Narcissi aut Hyacinthi florum, non alii aliorum corporum formas ingenuo Poëtarum commento induunt, sed quidquid in tripli suo Natura regno speciosum protulit, specifico salis, terræ, succique petrifici glutine in lapidem transivit, inversâ tandem Pyrrhæ & Deucalionis fabulâ, ubi non rejectus post tergum lapis in hominem, sed hominis aut animantis cadaver vel skeleton in rupem solidatur.

Vix ulla Germaniæ Provincia est, ut exteris regiones silentio præteream, quam Lithophilorum indefessa industria non detectis ejusmodi naturæ petrificæ prodigiis nobilitavit. Austria, Silesia, Carinthia, Suevia, Helvetia, Bavaria, Thuringia, Wirtembergia, Hassia, Misnia, Saxonia, Noricum, Westphalia, & complures in recensitis Provinciis agri, Specus, Montes, fodinæ feraces sunt figuratorum lapidum, campumque hodie dum uberrimum appearunt, Eruditorum ingenii in explicandâ tot memorabilium genesi exercendis & fatigandis. In solâ Franconiâ aut agro saltet Herbipolensi, præter nativam soli præstantissimi fertilitatem, hæc ad præsentem diem felicitas desi-

derari videbatur, cum tamen in reliquis omnibus libe-
ralis in illam natura aut potius naturæ Conditor Deus ple-
nissimâ Manu effuderit opes suas. Hic vina è collibus flu-
unt generosissima tantâ abundantia, ut, si deficientibus
undis Moenus aresceret, siccum alveum affuso dulci & co-
pioso nectare Bacchus occuparet: Hic lætæ segetes inau-
rant agros, & in pagis Oxoviensi & Schweinfurtensi non
Patriæ solùm, sed & exteris regionibus suffectorum instru-
unt granarium: Pinguia pascua frequentes nutriunt gre-
gum armentorumque exercitus; rivi & flumina placido
per valles cursu labentia, ut undis, sic piscibus abundant;
Animantur feris nemora, hîc salinæ scaturiunt, ebulliunt
salutiferi & medicati fontes, alibi in pratis silvisque Bota-
nicæ uberrima, rariorque messis succrescit, quæ aliisque
humanis usibus commodisque necessaria, licet cœli beni-
gnitas, fœcunditas glebae, aërisque moderati temperies in-
digenis pro vitâ ad luxum usque & opulentiam sustentan-
dâ largissimè suppeditet, Litteratis tamen, & Secretiorum,
sacratorumque Physices disciplinarum Cultoribus erudita
deficiebant pabula, quæ oculis, animisque libarent ipsi,
& jucundo Doctorum commercio exteris libanda propi-
narent. Naturam proinde in cæteris Franconiæ benefi-
cam laudantes, in fossilium portentis parcae tenacitatis
accusabant.

Colligitur equidem & in vitiferis, & in asperis incul-
tisq; montibus, in lapidicinis, Cornuum Ammonis, coch-
learum, concharumque maritimarum & fluviatilium pe-
trificatarum tanta frequentia, ut integri etiam parietes se-
pium loco vinetis circumstrui soliti, non aliis è Saxis coag-
mententur, nisi quæ densi conchilium lapidescentium cor-
tices incrûtarunt; Quæ tamen ceu pluribus terris com-
munia, & vix non ubivis locorum obvia variorumque
scriptorum sumptu ac studio, ære & typis vulgata, novo
examine aut sedulâ conquisitione minùs digna censui:
Rariora verò & selectiora, cum in Franconia non inveni-
rem, vel prece vel pretio, vel Amicorum & Fautorum
bene-

benevolentia ex omnibus fermè Europæ plagis compara-
ta, intuli lithophylacio meo, peregrinis interim dives mer-
cibus, donec domesticas (quod serius ocyus futurum esse
præfigâ mente ominabar) ipsa mihi Patria subministra-
ret. Nec spem fefellit eventus : singulari enim Divinæ
Providentiae nutu, quam flexo poplite gratus adoro, mons,
frequenter mihi tritus & aditus, sed tam exacto scrutinio
non observatus, thesaurum primò in superficie sparsim ac
temerè projectum, mox adhibitâ fossorum operâ intimius
etiam reconditum aperuit, quo uno, ceu pleno copiæ cor-
nu ea omnia continentur, quæ inter aliarum Provincia-
rum fodinas, cavernas, & receptacula Natura partita est.
Hic ex omni Naturæ regno animali præcipue & vegetabi-
li, aviculæ passis & contractis alis, papiliones, perlæ, li-
bellæ, scarabæi volantes & repentes, apes & vespæ vel in-
sidentes floribus, vel suis domunculis ac nidulis inhæren-
tes, crabrones, muscæ, culices, testudines marinæ & flu-
viatiles, pisces marini & fluviatiles, lumbrici, serpentes,
hirudines maritimæ & paludosæ, pediculi œstrique, ma-
rini cancri, sive Astaci aquatici, paguri, ranæ, bufones,
lacertæ, erucæ, scorpiones, araneæ, grylli, formicæ, locu-
stæ, forbicines, limaces, cochleæ domiportæ, cum sex-
centis aliis exoticis rarissimisque insectorum planè pere-
grinorum figuris ; hic nautili, cornua Ammonis, stellæ
marinæ diversissimarum sed lectissimarum specierum, co-
chleæ, turbines, strombi, buccinitæ, pectines, pectuncu-
litæ, aliæque nobis hucusque incognitæ testacearum figu-
ræ : Hic folia, flores, plantæ, herbæque integræ cum - &
sinè radicibus, cum - & sinè floribus : Hic Solis & Lunæ,
stellarum & cometarum caudato syrmate radiantium il-
lustres imagines : Hic denique (quod ceu supremum
prodigium stupentes venerabantur mecum spectatores ad
unum omnes) tabellæ nitidissimæ characteribus Latinis,
Arabicis, Hebraicis, ac una alterâve reliquis nobilior, inef-
fabili Dei Nomine Jehova insignitæ, locupletissimum to-
tius Germaniæ Lithophylacium tot sæculis absconditum,

meâ demum curâ, ac investigatione continuâ Propitio
Numine repertum, & sumptu ac labore non modico re-
seratum esse demonstrârunt.

Nescio, an Viro Scientiæ naturalis studioso spectacu-
lum jucundiùs incurrire in oculos unquam potuerit, cum
præprimis figuræ omnes non ductis solum extremis lineis,
aut umbrâ pictoriâ designatæ, sed formâ summè specta-
bili, ceu opere plastico aut sculptorio elevatæ, ita emine-
ant, ut justam suspicandi ansam habere se existimaverint,
Eruditi plerique ac summæ Dignitatis ac litteraturæ Viri,
latere sub inopinatis & insolitis Mysteriis imposturam ali-
quam, fictitious esse lapides, occulto fraudis avaræ artificio
contextos, &, quod in re nummariâ fieri non rarò afolet,
falsariorum dolis suppositos. Meticulosam hanc solitudi-
nem, ut ex eorum mentibus depellerem, comites duxi
amœni itineris, adhibui laboris non jucundi minùs, quàm
curiosi, nec in molli gleba difficilis socios, ubi suis ipsimet
manibus portentosa hæc rerum naturalium symbola effo-
derunt. Quis inde plausus! quàm communis assensus
omnium & approbatio, Lector ipse judicabis: liquidissi-
mum verò gaudium, quo sub prima thesauri hujus inven-
ti exordia perfusus sum, novâ solatii non mediocris acces-
sione ex testium omni fide dignissimorum præsentia, est
cumulatum. Sic demum diuturnam multorum sæcu-
lorum moram, quà terrea hæc cimelia, luteis, limosis,
margaceis, arenosisque montis inculti sordibus tecta & se-
pulta delituerunt, manifestavit senior Dies novitate, penè
dixerim insolenti, & raritate Depositi, expensas pariter
meas, curásque pervigiles irrito per annos non paucos
successu suscepas, magno fœnore compensavit.

Quapropter Reipublicæ Litterariæ gratissimum me
præstitorum obsequium existimavi, si ea quæ Divina Bo-
nitas, ceu diuturnæ inquisitionis studiique laboriosi non
vile præmium in manus dedit, ex adytis Musæi domestici
producta, orbi spectanda proponerem, atque de objecto
novo, Scientiæ Naturalis Cultoribus antehac ignoto, non
tam

tam sententiam meam dicerem, quam sapientiorum sensus & judicia post sedulam lapidearum imaginum contemplationem & indaginem deprompta expectarem.

Quidquid enim de figurorum lapidum origine ex Diluvii Noëtici reliquiis, ex succi petrifici & salium terrestrium mirificâ vi, ex Archæi subterranei, aut Panspermiaæ, sive auræ seminalis virtute seminali & plasticâ, ex fortuitis naturæ ludentis erroribus differitur, illis neutiquam convenire videtur, quæ mons noster prodigiosus protulit; Fortè in ætatem hanc ultimam fero partu dilata, quâ Lithologiæ arcana innumeris commentariis & lucubratio-nibus penitus detecta ac ita exposita credebantur, ut novi nihil citra delicati palati offensam obtrudi posset. Ecce autem novam discendi docendique materiem, & in difficultatibus nondum penitus sublatis, vel exhaustis novum disceptandi argumentum. Scivimus simiam Naturæ Artem: in præsentibus sintne lapides nostri Artis, & aliis sic dictæ Naturæ imitatrixis opus, investigabimus: Quidquid enim in plantis aut sensibilibus aut testaceis fixxit, & aliæ animavit, ista modo phrygio fermè vel sculptorio opere, veluti pulchras, sed exanimes viventium prototyporum Ideas & Ectypa in luto ac lapide efformâsse vide-tur: Quin etiam limites egressa suos, scriptoriam professa, variarum sacræ potissimum linguæ characteres ad exactissimas Orthographiæ Hebraicæ regulas ita exculpavit, ut litteræ in sensum collectæ, ex peritorum Interpretum judicio, Sanctissimum Dei O: M: Nomen, Potentiam, Vi-res, Sapientiam, disertis Titulis extollant, & vel sic unicum forsan tam prodigiosorum lapidum Authorem & Artificem manifestent.

Inspicie Tabulas, quas ut ederem, præter indefessum Publico serviendi studium, præter vota & desideria, & vestræ & Amicorum plurium, nativus Patriæ FRANCO-NICÆ Amor fortibus stimulis incitavit, cui ex figuratis montis antea obscuri partibus non minor gloria, quam ex vitiferorum collum dulci massico promanabit, novaq;

Agro Herbipolensi fama etiam ex hoc, quantumvis sicco Lapide succrescit.

Accessit REVERENDISSIMI & CELSISSIMI PRINCIPIS Nostri, quæ pro summo mihi Imperio est, Clementissima Approbatio. Quid enim morarer diutius offerre ea conspectui publico, quæ PRINCEPS Sacrarum ac profanarum Scientiarum Apparatu Instructissimæ, digna luce, supremus Arbiter Suo Calculo judicavit, & Clementissimæ Voluntatis suæ significatione, ut ederem, approbavit.

Abscondit tot præterlapsis sæculis FRANCONIA Nostra, quasi moræ impatiens, & Tanti PRÆSULIS ac DUCIS expectatione suspensa, stupenda in lapidibus suis miracula, & nuper eo ipso tempore, quo REVERENDISSIMA CELSITUDO Sua debitum à subditis devotissimis Herbipoli homagium inter continuatam totius Patriæ gratulantis lætitiam exciperet, singulari Cœli favore, quasi porrectâ mihi ad Lithophylacium Franconicum clavi detexit, hoc ipso pretioso ab arcâ origine Xenio Litteratissimo PRINCIPI ac litteratorum Fautori Maximo & Munificentissimo, juratæ cum reliquis indigenis fidei obsequium præstitura. His characteribus pri-
mum auspicati Regiminis Annum, felicius, quâm Consulares olim Tabulas aut Dypticha notis aureis candidisque Romana sive in Occidente, sive in Oriente Antiquitas in-
signivit, in his posuit, sparsitque per Orbem ære perennius, Principalis Gloriæ Monumentum; Sed & incitamen-
tum efficax Medicinæ Cultoribus, Naturæ Mysteria pari Constantiâ ac Sedulitate, cum pari successûs optati spe alacriter prosequendi.

Est hæc Inclitæ Facultatis Medicæ, quod citra invi-
diā dixero, eximia Laus & Prærogativa, quod ex ipsa
instituti ac studiorum suorum ratione in patenti totius
universi Pantheo, Naturæ Mysteriæ, Ministri & Interpretes
sint, ac nominentur: Nec ex aliarum Disciplinarum Se-
ctatioribus facile reperies, qui Naturam coluerint sanctius,

perti-

pertinacioréque solertiâ scrutati, pluribus scriptis illustrârint, ac Medici, qui vel ideo honoratissimo. Physicorum Titulo, antonomasticè, ut ita loquar, appellantur.

Quotquot igitur ad hujus Aram Deæ litâstis Medicinæ Candidati, fanum vobis & fodina nova reserata est, pressa, imo effossâ humo altè impressa sunt vestigia ; multa prior ætas tulit : plura præsens detexit, nec pauciora vobis secutura inter infinitas regni Naturæ opes reservat. Obsecundate vocationi vestræ, & operam juxta Majorum exempla date, subministrabunt necessarios sumptus, aut Amor, aut fortunæ vestræ, aut Mecœnatum liberalitas, Deus verò, ad Nominis sui Gloriam ex mirandis Manuum suarum Operibus propagandam, optatam, quam mihi supremæ Majestati devotissimus gratulor, & vobis precor, in successu felicitatem.



Excl.

C

CAPUT

CAPUT PRIMUM.

Refellitur opinio eorum, qui Lithologiam, ceu studium inutile & vanum insectantur, tum ratione, tum exemplo Authorum celeberrimorum, tam Antiquorum, quam Recentiorum, qui hanc Scientiæ Naturalis partem tractarunt, & editis scriptis illustrarunt.

Justa Virorum gravium querela est, nostrâ ætate, litteris & moribus supra rudium saeculorum asperitatem exultâ, reperiri homines, omnis politioris litteraturæ osores tam acerbos, ut eas solum artes, scientiasque civitate donari, inter Academiarum porticus recipi, & tractari velint, quæ pani lucrando deserviunt, cæteras vero ceu vanas & inutiles perpetuo exilio multandas. Harum in numero primo fermè loco ponunt Rerum Naturalium Cognitionem, ejusque nobilissimam partem, quam *Lithologiam* dicimus, virgâ censoriâ præ reliquis perstrictam, inter otiosa ingeniorum ludibria rejiciunt, & ex orbe eruditio judicant eliminandam. *Cui usui*, inquiunt, lapillos quosdam & figuratos silices, montium, fluminumq; quisquilias, repertas casu fortuito inter luteos sabuli, aut saburræ marinæ, vel terrestris aggeres, animantium, testaceorum aut vegetabilium icunculas irretortâ mente & oculo contemplari, multo labore & pretio conquisitas examinare, vastis quandoque voluminibus describere, descriptas, ac æneis insuper tabulis incisas in orbem spargere, & spissis argumenti inutilis codicibus, cum temporis, & præstantiorum studiorum dispendio, litteratorum ingenia, nucibus hujusmodi & vanis crepundiis pueriliter irretita, fatigare. Quid hoc est aliud, quam sepositis Imperii curis, captare muscas, aut ex collectis bellicosissimi

Exer.

Exercitū manu conchiliis, in gloriose expeditionis præmium, adornare triumphum testaceum, aut fanum construere, cujus Mystra Physicus, Idola saxeæ bestiolarum imagines, Incensum & victimæ, vires, ingenia, & sumptus insanientium Doctorum. Piscari uniones, pretiosos coralliorum frutices ex imo Mari decerpere, gemmas, metalla, ac marmora eruere ex visceribus montium, aut ab extremis mundi oris, per immensa oceani & peregrinæ telluris intervalla, per mille tempestates & discrimina nautico Adminiculo advehere, hoc opus, hic labor est, Virorum Principum expensis, magnarum mentium curis & industria dignus, quo locupletantur æraria, crescunt privatorum opes, utilitati publici consuluntur, & acti laboris non pœnitendi fructus colliguntur. Ita curvæ in terras animæ, quas sola cupiditas sacrâ & insatiabili auri lucelliq; fame excruciat, sublimiorum scientiarum pretium & præstantiam ex solo proventu & commodo, contra omnes Philosophiæ sanioris regulas & præcepta metiuntur.

Ea enim jam olim fuit Sapientium Ethnicorum laudata opinio, rectæ rationi conveniens, & Christianæ legis sanctitate confirmata, illorum, qui vel Patresfamilias rem privatam, vel publicam, ut Magistratus & Princeps salubriter administrant, primas curas conatusque eò potissimum collimare, ut omnia, quæ ad subjectorum vitam, fortunas, statumque conservandum, tuendum & sustentandum, prudenter judicaverint, convenientibus ad hunc scopum adjumentis sedulò procurent : Quodsi vero liberalior impensæ solitudini, Deo laboribus benedicente, proventus respondeat, si accrescant opes, repleantur arcæ, & gazophylacia locupletentur, animum neutquam affluentibus divitiis apponendum, ut possideri ab ipsis potius, quam eas possidere censeamur. Mens quippe humana ad finem altiorem condita est, non ad saginam abdominis, ad luxum, ad delicias corporum, aut, quâ nulla curarum stultior excogitari potest, ad pallidi æris, aut fulvæ

glebæ custodiam , quām Draconibus & monstribus , non Viris fortibus Mythologi inter fabulas committebant . Avara cupiditas est , id solum sectari , quod non tam usum , quām usuram sapit : Servile , mercenarii , non animi liberalis & ingenui consilium , culinaria quæstuosæ œconomiaæ machinatio , Lycæa Sapientum in Mercatorum tabernas , & mechanicorum officinas convertere , & pulpita Eruditorum mutare in mensas Numulariorum . Non hi Boni Veri sinceram indolem perspectam , habent , quod non sola utilitas , sed jucunda honestas , & honesta jucunditas amabile facit . Unde Bonarum Artium studiosi minimè vocantur , sordida lucri , & desideratæ utilitatis mancipia , sed nobiles animæ , quæ ad purissimam , quæ ex scientia nascitur , voluptatem percipiendam , ipsâ rerum scibilium & operæ laudabilis honestate inducti , Vires , & non raro sumptus suos impendunt .

Est honestas totius Ethicæ Christianæ Cos , & omnium virtutum moralium norma ac anima , sine quâ in via transeunt vel aperta , vel larvatæ virtutis involucro palliata . Quis autem actionis humanæ finis honestior excogitari potest , illo , quo ex mirandis naturæ effectibus veluti per totidem gradus ad agnoscendam Creatoris potentiam ascendimus , & elevamur ? Maxima sunt Authoris Naturæ miracula , solem oriri indies , & occidere , & cum reliquo siderum & cœlorum , quibus continentur , ambitu , ordinatissimo & nunquam perturbato cursu terræ circumvolvi ; Terram ex minimis diversissimisque sementibus , herbas , plantas , flores , fructus , silvásque vastissimas non deficiente fœcunditate producere , statas esse temporum & tempestatum alternantium vices , ire & redire , fontibus nunquam aresentibus flumina , innumera rum animantium species terrâ marique , ac inter regiones æreas conservari & propagari , & id genus sexcenta alia , quæ cum obvia sint , & quotidiana , non apud ingratum solummodo vulgus , sed apud peritiores etiam , at Dei oblitos ,

oblitos, ex suâ frequentiâ ita viluerunt, ut inter miranda Conditoris opera ægrè admodum numerentur. Damnable huic mortalium vecordiæ remedium allatura Dei Sapientia, ex absconditis potentiaæ suæ thesauris, & incognitis terræ Gazophylaciis, Virorum proborum & solertium studio, nova indies Naturæ Dædalæ prodigia vel portenta in lucem protrahit, quibus inescata humana curiositas, dum singula perlustrat, & insolitâ Novitate perculsâ, attonitis oculis animisque contemplatur, sensim supra se ipsam erigitur, & tandem ad Creatoris, Cujus effectricem Dexteram in similium genesi agnoscere cogitur, Thavmaturgam virtutem deprædicandam & adorandam honestissimo & sanctissimo assultu exsurgit. Horum è numero Lapidés figuratos esse, si non omnes, complures saltem, atquè eos præcipue, quos Franconia nostra, & Ager Heribolensis parit, tanto facilius palam fiet, quò difficilior rem explicatu eorundem originem, & humanis rationibus altiorem esse, in ipso decursu præsentis Dissertationis demonstrabimus.

Jucunditatem studii Lithologici si desideres, pictoriā & sculptoriā, nobilissimas Artes attende : Harum beneficio rerum emortuarum & præteritarum imagines restituuntur, & vix non immortalitate donantur, oblivious tempori subducuntur, heroum, parentum, amicorum, & charorum vultus, ac suis è cineribus à putredine vindicantur, eriguntur Virtuti & Meritis trophæa & colossi, horti, palatia, portæ & viæ publicæ ad amoenissimam oblationem exornantur. Simili artificio operans Natura uitur, & licet inter recessus & cavernas montium nec collossæum tibi aut Pantheon aperiat, lectissimam tamen Iconolithorum congeriem nil tale sæpius opinanti offert, quam nec inter Musaica ævi prioris & artis penè extinctæ opera, nec inter hortensium cryptarum fictiles cameras, nec inter pyramidum Ægyptiarum hieroglyphicas sculturas reperies. Hic forma mirabilis rudibus saxis pretium facit,

facit, & tantum quidem, ut pari solitudine inferantur, non privatorum tantum, sed & Regum ac Principum Technico-thecis, quâ gemmæ & uniones coronis & annulis inseruntur. Horum considerationi solutos tristioribus curis, aut profundis speculationibus animos litterati admovent, digerunt in classes, in diversarum specierum series ordinant, redigunt in pulpitorum & sacratiorum scriniorum strata, & totius Naturæ regnum saxeis imaginibus descriptum, jucundiore spectaculo ob oculos ponunt, quâm detectas terrarum antea incognitarum Provincias suis in tabulis Geographi depingant. His illecebris pascitur eruditio, quæ, si ad Misosophorum palatum non faciant, non Scientiæ Naturalis, quam honestissimam jucundissimamque diximus, sed genii & indolis abjectæ, nec ad recondita Naturæ mysteria indaganda natæ, vel idoneæ vitio tribuant, oportet.

Longè alius Virorum per omnem Europam præstantissimorum sensus est, qui in aulis Magnatum, in Curiis & Magistratibus Rerum publicarum, in sublimioribus celeberrimarum Academiarum Subsellis, Sapientiâ, primis honoribus & opibus florentes, tanto in amore & pretio non Physiologiæ solum generalis, sed Lithologiæ, de quâ hic agimus, studium habuerunt, ut suscepit longinquis itineribus, non minore labore, quâm sumptu, incredibili alacritate & constantiâ omnes, quas incolebant, aut aliunde sibi commendatas acceperant, Regionum latebras excusserint, ut petrosa Naturæ arcanæ miracula eruerent, eruta communicarent publico, & vastis commentariis illustrarent. Omissis Plinio aliisque Anterioribus, quorum solertiam Recentiorum felicior industria multùm superavit, juvat hic brevem Lithographorum, quos inter cæteros Doctorum partus in Musæo domestico obvios habeo, Synopsin ordine alphabeticò attexere, ut vel sola Tantorum Virorum Nomina, numularium illud & rude Academicorum vulgus ignaviæ condemnent, qui Lithologiæ studium tanquam inutile explodunt. Agri-

SPECIMEN PRIMUM. 15

- Agricola *Georgius*, de re metallicâ, de Naturâ eorum,
quæ è terra profluunt, & de fossilibus.
- Aldrovandus *Ulysses*, de Simiâ in lapide.
- Affaltus *Petrus*, in notis ad Metallo -thecam Vatica-
nam Mercati.
- Bajerus *Joannes Jacobus*, de Orychtographiâ Noricâ.
- Balbinus *Boheslaus*, in Miscellaneis Regni Bohemiæ.
- Bauhinus *Joannes*, de Fonte & Balneo admirabili
Bollenfi.
- Bauschius *Carolus*, de unicornu fossili.
- Becanus *Goropius*, in originibus Antwerpiaæ.
- Behr *Hennigius*, in Herciniâ curiosâ.
- Bel *Mathias*, in Hungariâ antiquâ & novâ.
- Boccone *Paulus*, Recherches & observations Naturelles.
- Büttnerus *Daniel Sigismundus*, in Tractatu, cui titulus,
Rudera Diluvii testes, & in Dissertatione de Co-
rallis fossilibus.
- Columna *Fabius* de Purpurâ.
- Coringius de antiquo statu Helmstadii.
- Crollius de Signaturis.
- Erhard *Balthasar*, in Dissertatione de Belemnitis Sue-
vicis.
- Fabricius *Georgius*, de metallicis rebus ac nominibus
in Georgium Agricolam.
- Gesnerus *Conradus*, de omni rerum fossilium genere,
gemmis, earumque figuris.
- Guericke *Otto*, de Quedlinburgensibus.
- Helwingus *Georgius Andreas*, in parte primâ & secundâ
Lithographiæ Angerburgicæ.
- Heræus C: G: in Dissertatiunculâ oblatâ Illustriss: Gall:
Scientiarum Academiæ.
- Hiemerus *Eberhardus Fridericus*, de capite Medusæ.
- Kentmanus Ber: Jo: de Calculis, qui in homine ac
membris nascentur.
- Kircherus *Athanasius* in Mundo subterraneo.
- Lachmundus *Fridericus*, in Orychtographiâ Hildeshei-
mensi. D 2 Lam-

16 LITHOGRAPHIÆ WIRCEBURGENSIS

- Lambecius, in appendice Bibliothecæ Vindobonensis.
Lancisius, in Notis ad Metallo-thecam Vaticanam.
Langius *Carolus Nicolaus*, in historiâ lapidum figurato-
rum Helvetiæ, & de origine lapidum figurato-
rum.
Leibnitius *Godefridus Guilielmus*, in Dissert: de figuris
Animalium, quæ in lapidibus observantur, & Li-
thozoorum nomine venire possunt.
Leigh *Carolus*, in Historiâ naturali Langastriæ.
Luidius *Eduardus*, in Ichnographia Lithophylacii Bri-
tan: Major *Joh: Daniel*, in Dissert: Epist: de Cancris & Ser-
pentibus petrefactis.
Mascardus, in suo Musæo de fungorum petricosorum
matricibus lapidescentibus.
Mercatus *Michaël*, in Metallo-thecâ Vaticanâ.
Monti *Joan: de Monumentis diluvianis Agri Bononiensis*.
Mylius *Godefridus*, in memorabilibus Saxoniam subter-
raneæ.
Rueius *Francisc: de Gemmis*.
Sachs *Philip: Jacob: à Löwenheimb* Gammaralogia.
Scheuchzer *Jacob: Joannes*, Oryctographia Helveti-
ca, Specimen Lithographiæ Helveticæ, Herba-
rium Diluvianum, Piscium querelæ & vindiciæ.
Scilla *Augustinus*, al vana speculazione dissingannata
del senso.
Spenerus *Christ: Maximil:* Disquisitio de Crocodilo in
lapide scissili expresso, aliisque Lithozois in Mis-
cellaneis Berolinensibus Anno M. DCCX.
Sponius *Jacobus*, in Itinerario Hispanico de Regno
Valentiaæ.
Steno in Prodromo de solido intra solidum.
Tenzelius in Colloquiis menstruis.
Valentini *Bernardus*, in Musæo Musæorum.
Volckmannus *Georg: Anton:* in Silesiâ subterraneâ.

Welschius, Hecatost: in observatione XLIV. pag: 60.
& 62. de variis Astroitæ nec non Cometitæ, si-
vè lapidis Cometen caudatum referentis, effigi-
em præsentantibus.

Winckelmannus, in Descriptione Hassiæ.

Wodwardus Joannes, in specimine Geographiæ phy-
sicæ.

Wolfardus Petrus, in Descriptione Hassiæ inferioris.
Wormii Musæum.

Zahn Joannes in Mundi mirabili Oeconomia.

Quodsi huic Catalogo eorum Scriptorum nomina
adjungerem, qui à laudatis modò Authoribus per decur-
sum lucubrationum suarum allegantur, neque à me ha-
etenus comparari potuerunt, integrum Lithographorum
exercitum conscriberem, quorum vel unus, Davidis in-
star, sufficeret, unico limpidissimo lapide ex Naturæ pe-
nu deprompto, gigantæam objectionum & satyrarum
molem elisâ fronte prosternere, & studii nobilissimi præ-
stantiam à calumniis vindicare.

Ita nimirum comparata est humana mens, ut,
quæ à Viris omni virtutum & litterarum genere
Clarissimis cum communi sapientum consensu & ap-
plausu geri ac tractari conspicit, eadem pari appro-
batione sibi imitanda & sectanda esse, prudenter ar-
bitretur, quidquid perpauci, iisque obscuri nominis og-
ganiant: & licet laboris ejusmodi pretium non primò
statim in oculos incurrat, non posse tamen non Disci-
plinis optimis, ac utilissimis eam accenseri, cui se omni-
bus ingenii viribus addixit Doctorum Flos, quam Sum-
mi Maximique suppeditatis sumptibus promovent, quam
amabilem sua honestas, gratam jucunditas, & ipsa utili-
tas facit fructuosam: Quæ quidem omnia Lithographiæ
nostræ convenire & exempla docent, & experientia de-
monstrat. Ex quo enim illius amor latius propagari
cœpit, amplificata illicò sunt litteraria Academiarum com-

mercia, institutæ frequentiores societatum Eruditarum Consultationes, comparata accuratior sub diverso cœlo diversissimarum regionum Descriptio, penitus inspecta & cognita terræ ex tam multiplici materiâ congestæ indoles, ostensa salium terrestrium, & mineralium fontium in petrificando Virtus, demonstrata corporum vel vegetabilium, vel testaceorum in faxa & petras transmutatio, aucta Musæorum & Technico-thecarum ornamenta, mirabilem Naturæ copia, novâ specie multiplicata, & quod his omnibus longissimè antecellit, Divinæ Sapientiæ Potentiarumq; clarior agnitus, & quæ illam consequitur, major supremæ Majestatis Laus & Gloria est propagata. Sacrae insuper Scripturæ Veritas, & quam in illâ de generali diluvio Hagiographus Deo dictante refert, historia, contra Atheorum impietatem, aut Scepticorum ambiguam hæsitationem, aut Ludionum commenta invictis, ac ipsis, ex quibus desumuntur lapidibus magis solidis Argumentis stabilitur. Meritò igitur tot virorum sapientum exemplis & nos, licet postremi accedimus, eorum sententiæ & concepto de Lithographiâ judicio subscribimus, ac novum inquisitionis specimen è Patriâ nostrâ productum sequentibus capitibus & Tabulis exhibemus.



CAPUT



CAPUT SECUNDUM.

**Situs Montis, Lapidumque ex eo effosorum
Natura & Compositio describitur.**

Ducatus Franconici regio, ea potissimum, quam Mœnus placido cursu alluit, in montes longo tractu dispositos, & modicis interjectis vallibus discretos assurgit, quibus vallata amnis ripa, intumescentes verno & autumnali tempore aquas intra sinum alvei ita coërcet, ne in agros & prata cum incolarum damno sese effundant, quin potius inter angusta montium septa, conclusæ, sinuosis flexibus & longo circuitu campestrem Franconiae planitiem declinent. Montes hi nec prærupti sunt, aut nimia altitudine porrecti in nubes, neque tamen adeo depresso ac humiles, ut citra difficilem ascensum superari possint. Providit enim Naturæ benignitas, ut dorso mediocriter declivi, accessum & culturam vinicolarum, licet arduam & laboriosam admittant, altitudine verò suâ solaribus radiis propiores, eosdem perducendis ad maturitatem fructibus, uvisque excoquendis liberalius exciperent, & à Mœno reflexos, vallisque profundo gremio conclusos arctius diutiisque retinerent: Hinc, quâ Meridiem & Orientem respiciunt, vitibus ad apicem usque consiti, & ad stipitum palorumque æquabilem mensuram falce vinitoriâ attonsi, aut virides thoros, aut diadema formant Bacchicum, quo Mœni præterfluentis littora coronantur.

His unâ vel alterâ ab Urbe Wirceburgensi leuca collis interjacet, incultus omnino, nullis usibus idoneus & non tam continuis rupibus, quâm saxorum fragmentis, te-

20 LITHOGRAPHIÆ WIRCEBURGENSIS.

merè dispersis, & hinc inde prominentibus asper & difficilis. Non proceris arboribus, sed arbustis tantum, non herbis aut pascuis nedum vitibus apta tellus, sed nudâ calvitie sterilis, & quia contiguis montibus depressoꝝ est & inferior, majore in illum impetu vis imbrium incubit, & collectæ in jugis propinquis aquæ, ac in varios torrentes, quâ data viâ diffusæ, in varios ipsum anfractus, hiatus, fossas & fissuras dilacerant, donec in proximam vallem præcipites, in tantam quandoq; altitudinem intumescunt, ut onerariæ ferendæ provehendæque sufficerent: Eâdem tempestatum violentiâ magna lapidum grandiusculorum copia in dictam vallem devolvitur, non sîne gravi viarum impedimento, & incommodo viatorum: Huic quoque continua loci sterilitas, & tam diversa particularum limosarum, margacearum, arenosarum, lutescentium, & terrestrium lapidibus variæ magnitudinis intermista compaginatio, imò & montis ex continuo multiplicis fabuli affluxu conservatio, & incrementum adscribi posse videtur. Ad dexteram enim vitiferis, sed lutosis ac limosis montibus, iisque altioribus adhæret, lævâ dehiscit in vallem; vertex in amplam sese planitiem explicat, arenosam & terram, unde copiosa alluvione perpetuo reparatur, quidquid absorbuit vallis, & aquarum pluvialium illapsu abrasum vel avulsum fuit: Rudis hæc indigestaque moles in apice lutea, in umbilico non solida strata, sed singulos separatosque lapides, materiæ limosæ, terreæ, margaceæ & arenosæ implicitos habet, quibus ad pedem montis eodem contextu locus redundat, adeo, ut eversi aut successu temporis fortuitò coacervati montis tumulum, non montem diceres, nisi continua hujus tractûs altitudo mœnanæ valli circumjacens, hunc quoque sub numero & nomine montium contineret.

Pro diversa montis regione, lapides in eo delitescentes colorem, indolem, firmitatemque diversam induunt; Qui in vertice eruuntur, flavedine tincti sunt, & de na-

turâ lutosorum, licet debiliore consistentiâ, multùm participant, in superficie asperi, minúsque politi. In me-
dio effossi, ex limoso-arenosâ materiâ concreti, & albi sunt, & ut colore margaceo, & quasi cretaceo, ita &
fragilitate & mollitie gypsum imitantur: Qui demùm ex imâ montis basi protrahuntur, ad densitatem & firmi-
tatem saxeam & siliceam accedunt, solis enim radiis libe-
rioribus expositi, faciliùs indurantur: colorem, quem
habent subcinericeum, ubi à terreis sordibus, ad digitî al-
titudinem plerûmque incumbentibus, probè mundati,
eloti & exiccati sunt, in albescensem permутant.

In tres igitur, quatuórve classes, pro materiæ, ex qua coalescunt, diversitate distribuendos esse censui, nimirum in arenosos, lutosos, limosos, imò & calcarios, qui omnes, licet vel magnitudinis, vel soliditatis, aliarûmque qualita-
tum defectu, nec substruendis ædificiis, nec calci coquen-
dæ adhiberi possint, prærogativas tamen sibi proprias, singulares, & à fossilium petrificatorum, cæterorûmque lapidum figuratorum plexu & indole alienas habent, & obseruatu dignissimas, quas hîc per partes enumerandas duxi. Et

Primo, quidem lapides nostri, ubi aquæ immersi, & ab adhærente terreo coagulo terci ac mundati fuerint, ex superiore sui parte à potiori adeo glabri, plani, lævésque conspi ciuntur, ac si adhibitâ cote vel pumice diligentior eos ars ad summum nitorem polivisset: quæ quidem læ-
vitas, non figuratis solùm sed & informibus; & omni fi-
gurâ destitutis montis nostri lapidibus, licet non omni-
bus ac singulis, communis est. Ex altera verò & infe-
riore parte, vel à tergo, quo terræ adhærent, crudi, im-
politis & prominentibus tuberculis asperi deprehen-
duntur, similes iis, quos linguâ patriâ *Wasser-Stein*
dicimus.

miri Secundò : Lapidibus ex gypsea cretaceâve materia compositis , illud insuper singulare est , quod in eruendo maximam fossorum cautelam & sollicitudinem requirant ; adeo enim nonnulli eorundem , præsertim verò limosi & ad cretaceam substantiam accedentes , molles sunt & flexiles , & Naturæ figuræ manibus quasi noviter formati , ut vel importunâ manu , aut ligonum dentibus duriuscule impæctis offensi , dehiscant ; Indurescunt quidem cœlo & aëri liberiori expositi , sed firmitate tam instabili , ut aquæ paulò diutiùs , & ultra debitam ablutioni moram immersi , non secus , ac calx viva effervescent , ebulliant , & dissolvantur . Neque flexilem hanc lapidum nostrorum mollitiem cariem cum quibusdam dixeris , fixas solidiorésque particulas sensim arrodentem , neque putredinosæ eorundem dispositioni adscriperis : Cum enim in loco suo nativo & proprio , ac à Natura sibi determinato asserventur ac foveantur , nescio sanè , quo ex fonte putredinem in illos derivare præsumas .

33. Tertiò : Figuræ in lapidibus expressæ , insectorum præcipue , subjecto lapidi tam exactè commensuratæ & accommodatæ sunt , ut sculptoris , formam ad materiæ capacitatem & amplitudinem juxta regulam determinantis operâ effigiatos jurares : vix enim ullum reperies , in quo figuræ pars vel excedens , vel deficiens longitudinem latitudinemque suam substratae tabulae nesciverit attemperare .

Quartò : Inter plurimas animalculorum & insectorum species , quæ ad idem genus pertinere censentur , fossores , licet attenti , & de hoc opere sufficienter instructi rarò detexerunt alias , quæ proportioni reliquisq; partibus figuram constituentibus ad amissim respondeant , quin potius ea , quæ præsto sunt in his , desiderantur in aliis , & quibus aliæ redundant , his illæ destituuntur .

Quintò :

Quintò : Rariores in nostris lapidibus figuræ sunt, quæ per impressionem, & quasi incumbentium corporum matricem formantes, cuius plurima exempla Cl: Scheuchzerus affert, effectæ cernantur; sed super tabellas lapideas elevatæ, teretes, & quasi excisæ prominent, ita tamen cum reliquo saxo continuæ, ut minimè aliena manu aut materia assutæ, agglutinatæ, aut super injectæ dici possint.

Sextò : Plurimæ insectorum, conchilium, cornuum Ammonis imagines, in singulis articulationibus, & concamerationibus suis completæ, licet non semper regulibus & æqualibus striis, tam in prona, quam in supina eorundem parte notantur, ac præterea nulli saxeæ basi, aut tabulæ, quod de cæteris modò diximus, superstratæ, sed solitariæ inveniuntur, ita ut lapis integer, una integrissima figura sit, citra materiæ informis excessum, suis numeris absoluta.

Septimò : Figurata animantia & vegetabilia sive solitaria sint, sive lapidibus inhærent, sive integra, sive fracta, & contusa, aut quovis alio scissionis aut resolutionis experimento inspecta, & examinata, nihil prorsùs de nativo plantæ, insecti, testaceique colore, materiâ, exuviis, armaturâ, aut omni eo, quod ipsis congenitum dici potest, vel continere intra se, vel lapidi subiecto communicâsse, deprehenduntur, quin potius lapidum, quibus incumbunt, suamque originem ac natales debent, consistentiam, materiam, & colorem exactè referunt.

Octavò : Animalcula & insecta singula in eo semper, quem Naturâ Magistrâ amant, situ recto, rariùs obliquo vel inverso collocata videntur, tam concinno omnium articulorum ordine, licet non in omnibus ad reliqui corporis dimensionem proportionatè extenso, & in singulis partibus completè formato, ut intuentes in summam rapiant admirationem.

Nonò : In plerisq; figuris nulla notari aut reprehendi potest partium à se discessio, nulla distorsio, incurvatio nulla, aut deturpatio, nulla declivitas, nulla fossularum aut rimarum deformis cavitas, violentiae autem nec umbra quidem, sed nitidus decor & elegancia per omnia æqualis.

His aliisq; lapidum nostrorum eximiis proprietatibus describendis cum verba & calamus minus sufficient, pictoris & chalcographi peritam operam adjungimus, quorum accurata & fideli manu ultra duas centurias imaginum juxta prototypon expressas, ærique incisas Lectoris Benevoli oculis in viginti duabus tabellis considerandas exhibeo, pluribus aliis secuturo tempori reservatis, ubi primum Lithographiæ Wirceburgensis Specimen Eruditorum Censuram subiverit, eorumque sensa vel judicia aut typo aut calamo fuerint communicata. Nondum enim exhausta est fodina nostra ; locus amplius & spatiösus, pluvia præterlapsæ æstatis tempestate opportunè detectus, quod imbrium, glebam incumbentem abluentium frequentia, ve- lut mota cortinâ aperuit, fœcundo sinu majore copia concludit : acceditur operariorum, de modo quærendi bene instructorum industria liberali stipendio, tolerabilem laborem fecit Annonæ caritas, facitque hodie dum lucri spes : urget & mea, & Virorum honoratissimorum ad opus quandoq; invitatorum præsentia, quos occurrentibus fortassè de suppositione aut artificiosâ imposturâ, suspicionibus & dubiis Testes adhibere placuit, suis suffragiis & no minibus appositis, veritatem rei, ubi opus erit, comprobatur. Nomen loci studio silentio tegere tantisper libet, dum Musæo doméstico, sufficienti apparatu instructo, inventionis primitias mihi vindicavero. Patebit advenis Lithophylacium meum, Mons ipse monstrabitur, ubi coram intueri in Natura libebit, quod nunc in effigie ostendimus : Jucundus labor erit, ex amoenitate itineris inter vitiferas Mœni valles, & ex Montis tot portentosis fœtibus gravi curiosâ lustratione.

CAPUT

CAPUT TERTIUM.

Diversas & celebriores Authorum Sententias
de Lapidum figuratorum origine & genesi
succinctè exponit.



Riginem & genesin petrificatorum & figura-
torum fossilium ex ipsis operantibus Naturæ
principiis ita exponere, ut Viri cordati af-
fensem indubitatum extorqueat, hoc opus,
hic labor est, tentatus à multis, & in vario-
rum Iconolithorum natalibus explicandis secundo eventu
& plausu probatus, nondum tamen ita dilucidè perspicue-
que confectus, ut contradictionem, solidisque ex argu-
mentis gravissimis oppositiones effugerit. Imò, si ausim
dicere, quod res est, in opiniones tam diversas Naturæ mi-
rificæ, vel cujucunsq; causæ efficientis virtus, lusus aut error
plerisque deduxit, ut Sententiarum varietas, rem ex se
obscuram & reconditam, dum lucem affundere moluntur,
fecerit obscuriorem. Refero, brevi, ut ajunt, manu,
famosiora Doctorum placita, summâ, quam celebratissi-
mis Scriptoribus debo, veneratione: Nec is ego sum,
qui sapientissimis eorum assertionibus per omnia detra-
ham, quam evidentes ad oculum demonstrationes & ex-
perimenta merentur. Id solum contendō, nullam opi-
nionum omnium adeo generalem & universim veram es-
se, ut ad singulas figuratorum fossilium classes, citra anci-
pitem aliorum hæsitationem applicari, nedum lapidibus
Wirceburgensibus, quos producimus, convenire possit.

Primum Genealogorum Lithographicorum locum
obtinent antiquiores ex Peripato Philosophi, quibus plus
æquo familiare est, non obvia palpantium manibus Ná-
turæ arcana, ut Magnetismum, Sympathiam, & Antipa-
thiam

thiam inanimatorum & animantium, æstum maris fluentis & refluentis, ventorum ex variis mundi plagis alternantium virtutes contrarias, & innumera hujuscemodi, *qualitatibus occultis* attribuere, de quibus, si ultra aliquid rogas, petis principium, quia hæc eorum natura, &, ut ajunt, essentia est, esse occultas. Ab his igitur causis tam incognitis, dum lapidum figuratorum natales petunt, frustra querui silicem africas, quia vapes & tenebras affundunt, ubi lucem & scintillas expectabas.

His proximè affines ii sunt, qui ad influxus siderum, & tacita cœlestium cum terrestribus commercia recurrunt. Quasi verò ideo Hydrus, Scorpio, Cancer, Tauri cornua, Spica, caput Medusæ sunt in lapide, aut lapis sunt, quia hæc constellationibus nomina affinxit Poëta Astrologus, aut quæ ignorabat Physicus, è longinquo, viâ rudibus non emetendâ, ab astris petebat. Rectè Phaëton-tæum hoc ad cœlos stelliferos effugium præcipitat Doctissimus Langius, dum *cap. i. De Origine lapidum* ait : *Cum influxus astrorum sit universalis, & plerūmque omnia corpora sublunaria simul afficiat, sequeretur, quod omnia corpora regnante tali Aspectu nascentia, mediante ipsius influxu eâdem figurâ donari deberent, & magis adhuc ipsa vegetabilia, & animalia, quam terrea & mineralia, utpote quorum materia multò fluidior est, & influxui astrorum magis exposita, quād fossilium sub terrâ sepultorum.* Faceant illustres næniæ, quæ toto cœlo aberrant, dum id, quod in terris novum & mirandum est, inter sidera, quidni & in concavo Lunæ, viâ sibi & aliis inaccessâ inquirunt.

Saniore consilio terrestrium rerum incunabula in terris quæsivit, & invenisse arbitratus est Plotius in *suâ historiâ naturâ Oxoniensi*, causam lapidum figuratorum effectricem statuens vim quandam plasticam salium in visceribus terræ delitescentium. Ad quam opinionem, licet modo explicandi nonnihil diverso proximè accedit Cl:

Hel-

Helwingius in *Lithographiâ suâ Angerburgicâ*, in quâ nimiam salibus virtutem graphicam, plasticamque attribuere videtur. Sed offensus meritò Aristotelicus, quæret: Quæ illa salium terrestrium vis plastica, certior vel apertior, quam occulta qualitas Peripateticorum? Fortiorem se adversarium opponit Doctissimus Rajus in epistolâ Luidii, *Lithographiæ Britannicæ* fol: 130. *De fossili marino-rum, & foliorum mineralium origine*, ubi sanæ mentis homini incredibile existimat, quævis *Salia* quasi uno consilio & Spiritu ducta ita semper conspirare, ut quædam mucronem *Glosopetræ*, alia radicem, & fragmenta mandibulæ, quædam siliquastri convexum & expolitum latus repræsentent; Addam ego contra *Helwingium* in nitidissimos characteres è lapidibus assurgent?

Cl: Luidius loc: citat: pag: 139. cum *Salia Plotii* minùs sapient, ad alium, eumq; amplissimum fontem mare ipsum recurrit, prima figuratorum fossili principia inde hausturus. Dico, inquit, me suspicari, qui ex mari feruntur vapores, & formâ pluviae aut nebularum superiora terra strata ad requisitam altitudinem pervadunt, testaceorum & multorum pisium seminio sapient imprægnari, atque exinde pro datâ seminii portione, & pro matricis congruentia formari alias pisces integros, alias eorum tantum lineamenta, alias dentes, mandibulas, vertebras, aut alia ossicula, atque inter crustacea, nunc integra animalia, quandoque eorum articulos, inter testacea non nunquam univalvia, & sapient bivalvia &c. Ita toto divisus orbe Cl: Britannus cum lapidescentium animalium causas in Patriâ insulâ non deprehendit, ad circumfusum, cui innat, mare respiciens, inde cum vaporibus & pluviis in terram defterri existimat. Explodit hanc opinionem non eruditè minùs, quam falsè & acerbè Cl: Scheuchzerus *Herbar: Diluv: pag: 29.* ad quem Ben: Lectorem remitto.

A Luidio, paucis mutatis & additis, sententiam suam hausisse videtur Cl: Carolus Nicolaus Langius tractatu de

lapidum figuratorum Origin: lib. 2. cap. 8. ubi docet lapides figuratos corpora marina referentes, è feminibus per terram diffusis generari, atque ita differit: *Semen sensibile & formatum viventium marinorum, cum parvum sit & leve, vel etiam insensibile & non formatum, in partibus corporum mortuorum adhuc relictum, aut in ipsâ mucidine partium jam putrefactarum superstes, hinc inde mediante aëre, vaporibus & aquâ, levi negotio elevatur, & per apertos terre poros diffunditur, in subterraneis verò, partim mediante ipso calore subterraneo, aliisque latentibus succis fluoribûsque, excitatis è mari aliisque locis, in quibus delitescit, attollitur, & per hiantes suhterraneos meatus, saxorum fissuras stratorûmque pervia foramina distribuitur, ita ut sapius tali modo ad extimam terræ superficiem penetret, usquedum in aliquam congruam matricem intra terram, vel etiam in ejus superficie existentem incidat, cui ob innatum Magnetismum intimè unitur, firmiterque inhæret, donec accidente calore subterraneo, latens vis plustica excitetur, materiamque fluidam proportionatam, mediante Spiritu lapidifico, cum aurâ seminali quasi identificato, taliter efformet, atque in tale corpus lapideum figat, quale in mari è materid testacea produxitset &c.*

Systema hoc tantis verborum ambagibus propositum, & ea omnia, quæ ad generationem & formationem corporum conducere possunt, unum in cumulum coacervans, præter Scheuchzerum, Büttnerum, & complures alios strenuè impugnat & dissolvit Vir Clarissimus mihiique maximè colendus Petrus Assalti, in Archi-Lycæo Romano Botanices Professor celeberrimus, Amicus & Fautor meus integerrimus, in eruditissimis notis ad Michaëlis Mercati Metallo-thecam Vaticanam Armario 9. pag: 220.

D D: Woodwardus, Scheuchzerus, Wolfardus, Büttnerus, Mylius, Volckmannus, aliique magno numero Viri Litteratissimi & Sagacissimi, pleraque, si non omnia petrificata, Diluvii universalis reliquias, & communis Naufragii

fragii certa rudera esse, irrefragabilibus documentis ostendere, non incassum laborant. Cum enim apertis cataractis, laxatâ abyssō, diductis fontibus, mare & flumina ex continuo densissimorum imbrium accursu transiliissent littora, & orbem universum terribili inundatione submersissent, accedente vehementi ventorum impetu, facta est ingens rerum confusio & commixtio, ita ut innumera, quæ tellus antehac & continens servabat, provolverentur in maria, & quæ suo sinu complexus esset Oceanus, per terreas regiones dispergerentur. Hinc contigit, ut animalia, testacea, crustacea, vegetabilia, recendentibus non sine fluctuum tumultu aquis, ingestâ humo, aut montium saxorumque stratis consepulta, successu temporis debito sale succoque lapidifico condita & tincta in saxeam denique substantiam concreverint, quæ tum præteritis temporibus effossa, tum nostrâ potissimum ætate rerum naturalium studio florentissimâ eruuntur.

Sententiam hanc, veritati naturalis historiæ, Religioni Christianæ, & Sacrarum Scripturarum Oraculis maximè consentaneam, licet in petrificatis exoticis ambabus ulnis amplectamur, ad dilucidandam tamen lapidum nostrorum, qui singuli petrificatis accensi non possunt, originem usui esse vix potest.

D. Fridericus Lachmundus *in Oryctographiâ Hildesheimensi*, & Joannes Bauhinus *de Fontibus & Balneo admirabili Bollensi lib: 4.* cum sequacibus suis, quos Ludiones, Archæistásque, mutuato ab opinione suâ nomine, passim appellant, quidquid in Iconolithis mirabile & speciosum conspexerint, id pulchris Naturæ erroribus, vel Archæo per mundum inferiorem ab ipso sui exordio diffuso adscribunt; In hos non sine stomacho invehitur Cl: Büttnerus *Coralliographiæ subterraneæ fol. 3. 4. 5. præsertim paragrapho 7.* ubi in verba sequentia erumpit: *Quasi verò Majesticus & Gravissimus Essentiator actuosissimâ causarum ordinatione sive direc-*

directione ordinis Naturalis nunquam non effectivâ ludat ! sanè hic ordo sive Archaum, ac Spiritum mundi, sive Naturam naturatam, imò naturantem sobriè dixeris, ab operosissimâ sapientissimi & severissimi Numinis Mente ac Voluntate unicè dependet, nihil ex se intendit, neque à ~~roo~~ intendere, destinare & efficere potest. Ideo quotquot lusum insimulatur Natura, tot imputari Directori Gravissimo sciant & vereantur Assertores, præsertim qui Christiano Nomine superbiunt. Ita expostulat Vir Eruditus. Nihilominus cum Cl: Bajero Oryctographiæ Noricæ cap: 5. fol. 31. statuendum judico, Naturæ Lusum in sensu latiore sumptum è Genearcharum numero, quibus figuræ lapidum tribuuntur, non esse excludendum, quin tamen Agens aliud extraordinarium à Deo Naturæ Authore distinctum intelligatur, vel statuatur. Inveniuntur lapides, qui, sive sui generis figuram exhibeant, sive aliorum corporum formas imitantur, minus tamen perfectè id præstant, sed aut mole, aut extensione, aut notis characteristicis aliis deficiunt, ita, ut è rebus, quibus utcunque assimilantur, ortum traxisse, nullatenus ostendi possit. Horum texturam picturamve, cui alteri principio, quam Naturæ artificiosè ludenti adscribas ?

Celebrioribus hisce, ac jam vulgatis inter Eruditos Lithographorum Sententiis, novam planè, eamque singularem & lapidibus Wirceburgensibus unicè accomodata tam subjicio, quam Vir in variâ re litterariâ, eâ maximè, quæ ad historiam pertinet, longè versatissimus, & in eruditis è Monte Franconico lapidibus nostris oculatus Testis ex monumentis historicis protulit. Ut enim pensitatis maturâ deliberatione omnibus, probè intellexit, fossilia nostra ad nullam petrificatorum communium classem, nec aliquam earum, quas pro opinionum diversitate retulimus, causarum efficientium reduci posse, non, inquietabat, Naturæ, sed Artis hoc opus est, & quidem impiæ ac superstitionis. Solebant enim Germani adhuc Ethnici plantarum, Arborum, Animalium, licet fœdissimorum ima-

gines

gines rudi quantumvis manū sibi sculpere, easdēmque
ceu sacrum quoddam Palladium secum servare, & dam-
nabili cultu venerari: erant præterea superstitiones huic
impietati tantā pertinaciā addicti, ut simulacra ejusmodi,
licet jam sacro Fonte Christo initiati ægerrimè dimitte-
rent. Unde in Synodo Germanicā Anno 742. sub Ca-
rolomanno Duce celebratā canone 5. statutum est, ut
Episcopi, auxilio & Authoritate Gravionis sive Comitis,
qui Defensor Ecclesiæ ejus est, suffulti curam gererent,
ne Populus Dei Paganas faciat, sed omnes supercitas abjiciat,
& respuat &c. Idem Decretum est in Synodo Liptinensi
Anno 743. sub eodem Carolomanno habitā, canone 4.
his verbis: *Decrevimus quoque, quod & Pater meus ante*
præcipiebat, ut qui paganas observationes aliquā in re fecerit,
multetur, & damnetur quindecim solidis. Episcopi igitur
pro Pastorali sollicitudine suadebant subjectis fidelibus,
aut Comitum Defensorum Authoritate & multis inten-
tatis urgebant ethnicae superstitionis reliquias, simulacra,
& sortes in loca deserta, & à consuetudine hominum
remota abjicere & æternā oblivione sepelire. Talis
mons est iste, lapidum ad ritus paganos adhibitorum
tumulus, & infame receptaculum, ex quo aperta hæc
abolitæ superstitionis vestigia hodie effodiuntur. Hoc
Viri præcellentis judicium est, cui aliud in lapides Wür-
zburgenses commentum ab Amico, in familiari collo-
quio, animi potius, quam seriæ disceptationis causâ pro-
positum superaddo, qui sic arguebat:

Lux, ut suppono, est effluvium corpusculorum solarium,
quæ cum naturæ ignæ sint, aërem ceu corpus liqui-
dum & diaphanum pervadunt, fovent & illuminant: substan-
tia proinde corporea est, forte non distincta
à primigeniâ luce, quam ante solem & sidera creavit
Deus, imò ex quâ solem & sidera postmodum compe-
git. Hæc rerum omnium, in quas externè incidit, for-
mas ac figuræ induit, unde nascuntur species visibiles,

quas in Camerâ Obscurâ, in Lucernâ magicâ, in limpidae & tranquillæ aquæ crystallo, quas in speculis ac oculorum pupillis recipimus. Conceditur luci facultas verè admirabilis pingendi, repræsentandi, & effigiandi imagines corporum, quas superfusa induit, quidni & virtus activa quædam & plastica easdem, quibus modificata est, formas materiæ aptæ imprimendi? Nota est vis radiorum solarium, in terram subjectam agentium: notum est Atmosphærā innumerarum atomorum elementarium, quarum plurimis vis quædam effectrix inest, colluvie imprægnatam, quæ junctis cum luce viribus operantes tam varias insectorum, plantarum, quin & stellarum (nam sua noctibus, sereno aëre, lunâ plenâ vel crescente lux est) figuræ, limosis, luteis, arenosis ac mollibus saxis impresissent. Species profectò visibiles repentini objecti in oculos mulieris gravidæ illapsæ, momento, Matre licet reluctante, & attonitâ fœtui impriment florū, fructuūque formas, quandoque membra & artus belluarum. Si dicis forte, monstrosas has in fœtibus tenellis notas non solâ specierum ocularium, sed plantasiæ simul & sensûs interni operâ efformari: Contra est: hæc ipsa sensûs interni operatio à specie impressa ortum dicit: Cur reluctantia & contrarius nîsus matris actionem sensûs interni non impedit? Cur non detur Analogia quædam inter uterum matris & uterum terræ, quæ communis omnium Parens est, & licet inanimis, concipiendis tamen ac gignendis fœtibus idonea? Cur substantia aëræ lucis sic modificata, & fœcundæ telluris activitati, accedente salium, seminii, aut Panspermia regimine conjuncta, hanc determinare, imò adjuvare nequeat, ut insecti vel plantæ figura in lapide aut limo tractabili, postea in lapidem indurescente efformetur?

Hâc ratione explicari posset, cur in lapidibus quibusdam monstrosæ, & ex nostratisbus ac peregrinis com-

positæ, imagines quædam supra debitam à Naturâ magnitudinem spissæ & extensæ, tenuiores aliæ, telæ aranearum tam grossæ appareant? nimirum ex refractione, distorsione, confusione lucis specificæ, ut fieri videmus in speciebus, dum in speculum polygonum, cylindricum, concavum, aut convexum incurront. Si lapides objicis characteribus hebraicis insignitos, ad antiquum Hebræorum sepulchretum altero teli jactu à monte hoc prodigioso dissipatum, & ante annos non ita multos, dum iudæi ex oppidis vicinis exturbarentur, disjectum confugio, ubi ex monumentis & inscriptionibus sepulchralibus pro more gentis erigi solitis, incuba lux & characteres, & integra vocabula inducere, & aliò pro extensione suâ transferre didicerit. Ita somnium suum, ut ipse nominare voluit, Philosophicum exposuit, quod minimè prætermittendum censui, ut vel ex hoc pateat, quām se torqueant præclara ingenia, ut verisimilem aliquam lapidum nostrorum figuratorum causam & originem undecunque conquirant. Ego singulas summâ observantiâ veneror, nonnullis circa alias petrificatorum species sinè hæsitatione assentior, id solum sequentibus capitibus demonstrare aggredior, tam insolitam esse lapidum nostrorum indolem, ut opiniones, quas retuli, omnes documentis & experimentis exploratissimis stabilitas, novitate suâ eludent.



I

CAPUT

CAPUT QUARTUM.

Lapides figurati Wirceburgenses non sunt reliquiae & Vestigia Paganismi, adeoque superstitiones Ethnicorum Germanorum Arti nequeunt adscribi.

Nescio, quibus rationibus inductus Vir Eruditus, sibi aliisque persuasum velit, Lapides nostros *superstitiones esse Paganismi reliquias*. Quidquid enim vel in Synodo Liptinensi, cui Synodus Germanicam anno uno citius celebratam addidimus, de *Paganis* è Neophytorum manibus extorquendis & extinguendis statutum est, minimè convincit, fossiles faxorum nostrorum imagines ex earum numero esse, quas Carolomanni Pietas, & Virorum Apostolicorum zelus abolere, & fidelium oculis, animisque subducere, unicè cupiebant. Inspiciamus utriusque Synodi Canones fidei manu excerptos, quorum V. in Synodo Germanicâ ita habet: *Decrevimus quoq; ut secundum Canones, unusquisq; Episcopus in suâ Parochiâ solitudinem gerat, adjuvante Gravione, qui Defensor Ecclesiæ ejus est, ut Populus Dei Paganas non faciat, sed omnes spurcitas abjiciat, & respuat, sive profana sacrificia mortuorum, sive sortilegos & divinos, sive phylacteria & auguria, sive incantationes, sive hostias immolatias, quas stulti homines juxta Ecclesias ritu pagano faciunt, sub nomine Sanctorum Martyrum & Confessorum, Deum & Sanctos suos ad iracundiam provocantes, sive illos sacrilegos ignes, quos nedfratres (nodfyr vel nodfeyer) vocant, sive omnes, quaecunque sunt paganorum observationes diligenter prohibeant: In Synodo verò Liptinensi, Canonis IV. hæc verba sunt: Decrevimus quoque, quod & Pater meus ante præcipiebat, ut, qui paganas observationes aliquâ in re fecerit,*

fecerit, multetur & damnetur xv. solidis. ^{viv} Huic è monumentis Paderbornensibus subjungitur indiculus superstitionum sive Paganiarum triginta prohibitarum, quas singulas, si cum præcitatibus Canonibus attentè consideres, ad nullam earum classem lapides nostros reduci posse deprehendes: Non ad *Sacrificia* sive *hostias immolatias*, cum nec Idolorum, nec, quibus ista colebantur, victimarum vices subierint: quis enim lapides pro sacrificiis oblatos, aut expressas animantium imagines, hostiarum loco immolatas observavit? Non ad auguria, divinationes, fortilegia aut incantationes: Refutator Domini Van Dale, ac Defensoris hujus, Domini Fontenelle, longè alios vaticiniorum, auguriorum, divinationumque ritus ex Ethniciis Christianisque vetustissimis Scriptoribus allegat, in lib: de silentio Oraculorum, nullâ similiūm superstitionis lapidum factâ mentione: Non ad phylacteria sive ligaturas: Quis enim saxa ligaturis aut philacteriis adnumeret? Quis scrupulose hâc saxonum congerie fasias ac subligacula vel farta, vel gemmarum loco distincta & exornata fuisse credat? Quæ de tempestatibus, cornibus, & coquileis ibidem vetita sunt, itidem nihil commune habent, cum tantâ insectorum omnis generis varietate, quæ tum in tabellâ præsenti, tum in sequentibus expressa dedimus. De Amuletis Ethnicorum laudatae Synodi, vel Paganiarum catalogus, altum silent, nec molis tantæ, tamque informis lapides appendi collis infantium contra incantationes, aut fascinum poterant, nisi suffocare parvulos & opprimere, appenso ex annulis aut catenulis, quarum nec vestigium rudis figura lapidum gerit, non exigui ponderis saxo parentes impii voluissent. Si hæc barbaræ & imperitæ gentis Idola fuisse contendas, fateor equidem non barbaris modò incultisque nationibus, sed & Græcis Ægyptiisque, &, qui Gentium omnium superstitiones imitabantur, Romanis belluas quoque, & ferarum immanissimas Deorum loco habitas cultasque fuisse. Verum quis gryllos, araneas, lumbricos, testudines, & si

quæ alia sunt, viventis naturæ ejectamenta, aris impo-
sita, & inauditâ hactenus apotheosi donata fuisse me-
minit?

Et verò Scriptorum Franconicorum de paganiis in
unum montem consepultis silentium pro disertissimo no-
bis testimonio est, nihil ex præscripto laudatarum Syno-
dorum contigisse, quod novissimæ hujus opinionis
Author intendit. Refert quidem Ms: Herbiopolense
Chronicon superstites fuisse ex veteri Gentilismo Palladis
& Martis statuas Græco more & habitu expressas, eás-
que in gradibus ad Porticum Ecclesiæ Cathedralis, qui
locus hodie vulgò zur Greden dicitur, ornatûs aut anti-
quitatis conservandæ causâ expositas, demum in proflu-
entem Mœnum, ad abluendam omnem priscæ impieta-
tis memoriam abjectas fuisse: nullius autem alterius eth-
nicæ sculpturæ vel abolitæ, vel conservatæ mentionem
facit.

Alluebat Wirceburgum Mœnus temporibus S. Boni-
facii, S. Burchardi, aliorūque Præsulum & Apostolorum
Franconiæ nostræ, profundo satis alveo, in hunc demer-
gi, aut flammis absumi poterant infames illæ Ethnicismi
reliquiæ, quas Christianis indigenis vel Episcoporum ze-
lus, vel dictatæ à Ducibus Francorum multæ timor sub-
duxit. Cur in montem potius congestæ sint, facili ac-
cessu omnibus obvium, & viæ regiæ ad Mœni ripam
proximè contiguum? Ad loca deserta, ad abditos syl-
varum densissimarum, quibus Patria nostra hodie dum
undiue vallatur, recessus, ad inhospita Franconiæ Boreali-
s faxa, ad antra subterranea amandari debuerant illæ,
de quibns Synodi loquuntur, Spurciitæ, si puritati Reli-
gionis consultum volebant solicii Antistites, non verò ad
montem, locumque in oculis omnium deportari, undè à
populo, sub id tempus ad avitas superstitiones adhuc val-
dè proclivi nocturno furto repeti, & tanto periculosius,
quod cautiùs occultiusque poterant retineri.

Adhæc

Adhæc eā tempestate non sola Heripolis, aut ager Wirceburgensis indigenis habitatus erat. Numerabat Franconia frequentes pagos & oppida divisa in Parochias, quorum incolæ in pietate, moribúsq; Christianis instruebantur : nullibi tamen tot sacerdorum intervallo, inter continuas agrorum vinearūmq; culturas, inter sylvarum excisarum latebras, vel unicum extirpatæ superstitionis vestigium occurrit. Quod de Franconiâ idem pari jure dixerim de Bojoariâ, Thuringiâ, Hassiâ, Saxoniâ, quæ omnes amplissimæ Provinciæ latum Apostolicis laboribus campum S. Bonifacio ejusque sociis aperuerunt. Exscindebantur luci, evertebantur Idolorum delubra & fana, Idola igni eremabantur, nihilque prætermissum fuit, quo omnis pristinæ superstitionis recordatio è cogitationibus & aspectu hominum evelleretur. Suffulciebant Christianissimorum Francorum Principum studia Sanctorum Præfulum industriam, qui non minore ac olim Constantinus & Theodosius Magnus in Oriente fecerant, industriâ conatûque Franciam orientalem, quacunque versùs patet, Ethnicorum spurcis erroribus liberam expurgatamque cupiebant. An nullibi in memoratis Provinciis Paganiae Neophytis sublatæ, in aliquem terræ cumulum tumulūmq; congestæ, postremâ hâc ætate nostrâ detectæ & cognitæ fuerunt? Nemo ex omni Virorum Litteratorum numero, qui laudatarum Regionum terras ad viscera usque ingenti solertiâ scrutati sunt, & plura Naturæ petrificæ miracula in lucem producta doctissimis commentariis ediderunt, nemo, inquam, est, cui in mentem venerit, ea Paganis aut superstitionis extirpati Gentilismi monumentis accensere. Inspicite, si lubet, relatum cap. i. Lithographorum solertissimorum Catalogum, Argumenta scriptio[n]is, ipsosque Commentarios evolvite, ne unum ex omnibus reperire est, qui Paganismo extincto figuræ hujusmodi exoticas adscribat. Quanquam & nullus mihi, aliisque Lithophilis visus, lectusque sit, qui in similes nostratis lapides post investigationem quantumvis se-

dulam inciderit. An fortè Thuringi, Bojoarii, Hassi, Saxonésque iisdem, quibus Francones Synodorum & Principum Francorum, de vetitis *Spurciis* Decretis & Legibus non tenebantur? An hi soli præ cæteris Germaniæ populis ita tenaces erant damnatorum rituum? An sola Franconia & modicus quidem tractus illius, ager nimirum Herbipolensis, tumulum aperuit, in quem congestæ veteris impietatis imagines sepelirentur, & ad ætatem usque nostram, præteritis sæculis incognitæ servarentur?

Si cælaturam figurarum attentè inspicias, illam in unâ eadémque tabellâ tam diversam distingues, ut seduli Sculptoris artem mirari possis in bestiolâ, quam in alterâ ejusdem faxi imagine ruditati illorum temporum, apud gentem artibus nondum exultam adscribes. Cur Paganorum Ethnicorum ars unius insecti formam tam dexterè assecuta, in alterâ defecit? Et, quod maximè ad rem facit, cur animalculorum extraneorum & maritimorum ectypa elegantiùs plerūmque & perfectiùs expressa conspiciuntur, præ domesticis & patriis, quæ indies ob oculos versabantur? Quo vento vel turbine ab Oceano & exteris regionibus in interiore Germaniam, in barbarorum Paganorum manus delata sunt peregrina & maritima animalcula, quorum effigies in profanis Idolorum sacris ad superstitionem cultum adhiberentur? Cur artifices aut Mystæ Ethnici ad opus venerationi Deorum, aut divinis, ut falsò rebantur, suprà naturam effectibus destinatum, vilissimorum saxonum, imò calcis aut luti indurati fragmenta elegerint, præ lapidibus melioris notæ, imò marmoribus, quæ montes vicini nutriunt?

Militat profectò contra hanc opinionem ipsa natura lapidum, de quâ supra cap: 2. egimus. Quamplures adeò molles tractabilésque demonstravimus, ut veherentiore attachu diffringantur: figuræ iisdem impressas
adeò





adèò recentes deprehendimus, quasi rotæ aut manui fìguli vel Naturæ (si tamen eam hîc artificem dicere possumus) plastico operi intentæ subducerentur. Plurimi aquæ immersi calcis in morem ebulliunt & dissolvuntur, quales ii sunt , quos *in Tabula 1.* hîc apponimus. Quâ ratione per præterlapsa integra decem Sæcula à cariosâ putredine & interitu integri conservati sunt , in monte, continuis imbrium alluvionibus exposito , & in sulcos ac hiatus complures scisso ac perforato ? Cur in istis aquarum pluvialium receptaculis sub modicâ incumbente glebâ , aut cœlo aperto dispersi , toties per anni tempestates grandinum torrentiūmque magno impetu illuc ruentium & in lacunas terræ sese insinuantium vi & incursu perpluti & probè tincti , non diffluxerunt in pulveres , aut in pristinas arenas reciderunt ?

Denique , quod omnem de Paganiarum reliquiis suspicionem penitus extinguit , sunt lapides non pauci , quos characteribus hebraicis (ut Arabicos , Latinos & Teutonicos præteream) notatos eodem in loco , quo cæteros , reperimus . In his Nomen Dei ineffabile , *Jehova* , *Virtus Domini* , *Misericordia Domini* , *Potentia Domini* , aliæque perfectiones Divinæ verbis disertissimis expressæ (quod infrâ cap: penultimo videbitur) uti veri supremiq; Numinis agnitionem laudésque loquuntur , ita profectò nihil communne habent cum Diis Deabúsque Gentilium , nec ad superstitiones errorum cæremonias ac maleficia unquam pertinuisse noscuntur . Dices fortassis non procul à monte hoc abesse sepulchretum judæorum , è quo lapides sepulchrales , pro more gentis hebraicis inscriptionibus notati , atque in hunc locum deportati ab eo tempore fuerint , quo judæi ex vicino oppido relegati , tumulique eorum eversi & dissipati sunt . Si ita est ; Non Paganorum , sed mortualia judæorum monumenta rectius dixeris lapides nostros ; quanquam nec hoc sustineri possit . Vivunt oppidani non pauci , qui judæos suâ ætate adhuc

incolas proscriptos expulsosque viderunt. Nullus autem eorum meminit epitaphiorum in alterum montem profundâ & præcipiti valle separatum, aut imbrium frequentiâ devectorum, aut vinicolarum operâ translatorum. Grandiora saxa sunt, quæ pro epitaphiis Hebræi adhibent, defunctorum & familiarium nominibus gestisque particularibus inscripta: Lapidès nostri eam magnitudinem ne latum unguem excedunt, in quâ ad amissim delineatos & æri incisos dedimus, lapilli potius & informes rupium aut faxorum particulae, in quibus præter ea, quæ Deum concernunt, nec nominis proprii, nec factorum particularium, aut anni temporisque Chronologicum vestigium, Viri linguae sacræ periti ac Rabbini Doctissimi hâc de re consulti observaverunt. Quàm vehementer judæi post ultimum Hierosolymorum excidium ab omni Idololatriæ umbrâ abhorreant, & vel ideo sculptas pictasque rerum creatarum imagines aversentur, neminem latere potest. Inveniuntur nihilominus in hoc ipso Lithophylacio nostro Cornua Ammonis, Peñtunculi, nota ignotaque animalcula characteribus Hebraicis, sacrisque Dei Nominibus insignita, cum reliquâ insectorum sexcentorum farragine, de quibus egimus. An credere fas est, haec sectæ judaicæ artefacta fuisse, ad mortuorum suorum sepulchra exornanda memoriâque ad posteros cum immortali superstitionis contra legem avitam patratæ & promeritæ execrationis notâ propagandam?

Liceat itaque cum bonâ Historicorum viâ, & singulari, quâ ipsorum Eruditionem suspicimus, observantiâ ab opinione Eorum recedere, Natalésque Lapidum nostrorum, nec ac Paganismi, nec à Judaismi in cœs meterio superstitis monumentis ac reliquiis derivare.

CAPUT

CAPUT QUINTUM.

Ingeniosum Commentum est, quæ de Virtute
Lucis plasticâ Lapidum nostrorum forma-
trice nonnemini in familiari colloquio placuit
suspicari.



Commentum appello ex ipsis Viri mihi amissimi verbis, quibus opinionem non tam suam, quam conceptum Philosophico-Poeticum expressit. Cur enim, inquietabat, mihi licitum non sit in argumento tam obscurō, tam inter Litteratos controverso Ideam aliquam effingere, si non ē puteo veritatis, saltem non ē concavo aut montibus Lunæ, aut cerebro Platoni, sed ex Naturæ fontibus haustam. Fuerunt apud Libavium *Lib. 5. de Bituminibus*, qui lapidum pictorum & figuratorum artifices, *Genios subterraneos* dixerunt, quorum operā ad fulciendam in hominum credulorum animis superstitionem formentur. Fuerunt alii qui cavernas, ex quibus omnis generis petrificata animalcula effodiuntur, sanctis olim Anachoretis habitatas referunt, quos rerum divinarum contemplationi immersos, ab omni hominum commercio abstractos, variis infestationibus in sancto otio turbare, inanibus terriculamentis percelle-re, & immissis insectorum turpissimorum & venenato-rum turmis ē sacris illis recessibus expulsos in mundi conspectum, pristināmque societatem hominum revoca-re, mali Dæmones tentārint : Sed Viros Divino præsi-dio tectos, solo salvificæ Crucis signo abegisse insidiatores pessimos, & quidquid stygiis eorum artibus animalcu-lorum adductum fuerat, in solidissima saxa convertisse, quæ hodie dum ad perennem miraculi memoriam ex subterraneis hisce cellis eruantur. Ita ad superos infe-

L


rōsque

rósque provocant pii Philosophi, ne in re incertâ, & explicatu diffílici nihil omnino dixisse videantur. Lux præplacuit osori tenebrarum, Fautori meo, cui pro illustribus terrei & obscuri partūs natalibus inter aureos serenosq; solis radiantis luménq; spargentis effectus feliciter repertis plurimùm obstrictus essem, si de lapidibus filios Lucis suscitare potuisset. Induit lux transeuntes rerum omnium visibilium imagines, eásque vel in speculis oculisque viventium depingit, vel vitris opticis, camerisque obscuris receptas, in tabulam aut parietem candidum ita reflectit, ut pari, quā fiunt, celeritate evanescant. Quandonam colore indelebili, novus hic artifex ita pictoram exercuit, ut vel umbram altius subjectæ materiæ impressam relinqueret? Innumera ubivis locorum esset Iconolithotum multitudo, nec infectorum tantum, sed præstantissimorum ex omni Naturæ regno corporum, urbium, arcium, nemorum, vinearum, ac denique cunctorum, quæ sub sole sunt, ectypa, si prothea lux, uti singulorum formas induit, sic fixâ reverberatione effigiaret. Quis Cometas finxit in lapide, raro & totius quandoque sæculi intervallo non conspicuos, prætermisis stellarum quotidie Hemisphærio nostro illucescentium formis? Exposita soli meridiano cera liquevit, sed ut fuit, informis, manet. Quid nive recipiendis impressionibus aptius, quid tractabilius? Lucem illa sereno cœlo admittit, undequaque reflexam & incidentem, sed sinè graphicis specierum notis. An unius Franconiae nostræ collis glebam parit cæteris Europæ plagiis incognitam, & recipiendis prodigiosis effectibus idoneam? Quām novum & insolens connubium, lucem inter & elementares atomos per aërem dispersos excogitat, quorum conjunctis viribus admirandi in duritie suâ formatâ partus progignantur? Quām lux ab elementis, aut ab utrisque terra fœcunditatem sortitur, ut in lapide grylum, muscam, lacertam, aut quocunque aliud insectum generet, aut in illud saxeam glebæ luteæ, arenosæ,

SUPROR

vel





vel margaceæ materiem transformet. An tacitè in Luidii opinionem inclinat, & quæ ille vaporibus, hic luci commiscet semina, cuius ope & inferantur terræ, & formas nativas induant? Analogia inter maternum ute-
rum & sinum terræ hîc maxime, ut omnis comparatio, claudicat. An inanimi terræ globo vim tantam acti-
vam tribuas, quam Principio vitali in matre prægnante
meritò adjudicant Physici, sed modum operandi subita-
neum, & ordinatæ naturalis corporis symmetriæ adver-
san tem necdum dilucidè citrà multorum dubitationem exposuerunt. Fiunt monstra, aut benè formato fœtui
nævi materni imprimuntur, non solo tamen specierum
visibilium ex objecto terrifico, aut insolito, conceptu,
sed & tactu, auditu, imò gustu quandoque. Quid luci
cum auditu vel tactu, quid terræ emortuæ cum sensibus
commune est? Lux sola corpora diaphana & perlu-
stria penetrat: densorum autem & opacorum, quale
terra est, externam solummodò faciem radit, non per-
meat, non ambit, non circumfunditur, tunc potissi-
mùm dum alteri corpori solido instrata incumbunt.
Quâ igitur viâ ad trium, quatuor, imò plurium cubito-
rum altitudinem terreos aggeres pervadit lux, quo juxta
multorum opinionem solaris ægrè calor diffunditur, ut
species propaget, & fortè ad glebæ molioris tabulam
allisas, cum imagine figat? Imò non solâ impressione,
sed opere, ui ita loquar, tornatili, concham numeris om-
nibus absolutam, non rudi luto inhærentem, sed quaquà
versùm continuato artificio eleganter spectabilem relin-
quat? Videatur *Tabula II.* ubi lit: A. prorsam lapidis fi-
gurati faciem, lit: B. aversam indicat.

Hâc unâ reflexione corruit, quidquid de specierum confusione, permixtione, diversâ reflexione, ceu defectu-
osarum imaginum monstrosâ causâ comminiscitur.
Frustra quoque characterum aut vocabulorum hebrai-
corum ideas ex Hebræorum sepulchralibus monumentis

44 LITHOGRAPHIÆ WIRCEBURGENSIS.

advocat, ac in lapides vehiculo lucis adducit; Si Judaicorum sepulchrorum inscriptionibus debentur tam dif- ferta Divinæ Majestatis, Messiæ, Spiritusq; Divini elogia, quod meritò cap. præced. in dubium vocavimus, cur vites, sepes, arbores, erecta Sanctorum per vineas trophæa & columnæ, non minùs, imò patentius luci exposita in lapidibus nostris locum minimè inveniunt? Cur dignior Hebraismus visus est, cuius in monte hoc relinquere- tur in saxeâ effigie vestigium, præ pluribus aliis, quæ de- fultorio pede transiliisse, & neglexisse non sinè delectu lux existimabitur?

Denique in vitri encaustici sinum colligi cum ra- diis solaribus lux ipsa potest, & in flamas Archime- dæo artificio, ad hostilis classis incendium diffundi po- test: Idem si de specierum propagatione & per virtu- tem Lucis graphicam impressione experimento irrefra- gibili monstrari posset, illustrem lapidibus nostris originem cum plausu gratularemur.



CAPUT SEXTUM.

Seminum testaceorum & animantium marinorum vaporibus ab Oceano ascendentibus immixtum, & cum pluviis in terras dispersum, non est origo Lapidum nostrorum Wirceburgensium.

Eduardus Luidius, Vir Doctissimus & laboriosissimus, quo ipsum elogio Cl: Büttnerus *Coralliograph: subter: cap: I. §. 17.* meritò honorat, sistema suum de fossilium marinorum origine, de quo supra cap: 3. egimus, subtiliter refert epist. 6. ad D. Joannem Rajum, tot tantaque argumenta in contrarium sibi ipsi opponit, opposita adeò leviter ac perfunctoriè solvit, ant transilit, ut non alio melius telo, quam proprio Authoris, paradoxam hanc sententiam confici posse existimem.

Quis enim semina tam longo per aëra tractu circumvecta, in matricem denique, genesi & nativo eorum incremento propriam aut proportionatam deportari dixerit? Quo duce, quam viâ, quo impetu durissimis saxis infunduntur? Quo artificio in tenuissimos densorum lapidum poros, patefacto aditu sese insinuant? Aut si virtute quâdam magneticâ attracta imbibitâque recipiuntur, undenam obsecro augmentum sumunt figuræ suæ specificæ obtainendæ & absolvendæ, ab Authore Naturæ determinatum? Quâ celeritate & frequentiâ non in Britanniam solum, mari undique circumfusam, sed in mediterraneas quoque Germaniæ interioris & à pelago remotioris plagas transferuntur? Cur partus marini non passim reperiuntur obvii, cum vaporess feminio gravidi, & in pluvias resoluti quaquaversum se effundant?

M

46 LITHOGRAPHIÆ WIRCEBURGENSIS

dant? Cur alicubi corpora effodiuntur integra, alibi particulæ & fragmenta tantum & imperfecta marinorum animantium, testaceorum aut vegetabilium rudimenta? Si semina illa (ut ex Doctissimo Assalto arguere licet) terræ rupiūmque penetralibus immissa ita ibi foveri posse existimet Luidius, ut animalcula edant, ut edita & exclusa ibidem nutriantur, crescant, vivant, perficiantur, quis non videt hæc à constanti rerum naturallium serie ac ordine à summo mundi Opifice instituto plurimū abhorrere & aliena esse? *Quis unquam in mari avem iis, quæ in aëre degunt, similem ortam observavit, aut animal formam quadrupedis, veluti equi, aut leonis &c. ad amissim referens; Aut quis volantes in aëre pisces confinxit, aut absolutam perfectāmque avem vel piscem, vel quadrupedem ex stirpibus germinare animadvertis?* Hæc ac similia evenire minimè possunt, quin immutabilis Naturæ ordo perturbetur, quod dicere aut credere absurdum foret ac ridiculum: Multò magis absolum erit, contendere ex intimis terræ rupiūmque visceribus à semine per pluvias illuc delato, gigni lapideos pisces, conchylia, omniūmque penè aquatilium genera, adeò veris animalibus eorumque partibus similia, ut motu solūm ac vitâ inter se distent. *Cum enim varia sit internorum organorum structura, ac varia humorum crasis, pro vario animalium aut stirpium genere, hinc sit, ut tantum absit, ut quilibet eisdem nutriantur, adolescent, & conserventur, ut potius sapè sapius, que unum summopere recreant, aliud ledant ac perimant: Quamobrem, quæ plantæ in montibus latè proveniunt, in oris maritimis contabescunt, & è converso, quæ locis palustribus turgent, in apricis ac siccis arescant, ac sic de singulis: Idem quoque in animalium genere observatur, ut alia aliis cibis, locis, temporibus aliisque circumstantiis delectentur, juventurque.*

Ex quibus porrò concludit Vir perspicacissimus, pisces, conchylia, testacea, crustacea, aliaque hujuscemodi in mari orta, si in semine alio transferantur, necesse

fore,

fore, ut corrumpantur & intereant, cum fieri nequeat, ut methodo ab Authore Naturæ destinatæ ubiq; conveniens fomentum, nutrimentum, & subsequens ex eo incrementum nanciscantur. Quin potius rationi consentaneum est, si semina hujuscemodi in lapidum aliorūmque fosfiliūm fodinas illabantur, ea à corrosivis mineralium salibus erodi ac dissolvi, aut à lapideâ vel metallicâ materiâ circumfusa ita opprimi, ut nec augmentum capere, vel dilatari possint.

Quæ de integris animantibus eadem de singulis eorum partibus separatim inventis laudatus Author disserit. Repugnat enim præfixo rerum naturalium ordini & manifestæ experientiæ. *Quis enim, inquit l. c. avium plumas seorsim ab ipsis, quis leonum jubar, aut Elephanti proboscidem, vel boum palearia, vel aprorum dentes, ab ipsis animantibus separatos gigni, aut fructus, semina, cortices, vel folia ab ipsis plantis remota crescere observavit?*

Non immoror ulteriori examini hujus fabellæ (sic Luidianam hypothesin Büttnerus nominat) id solùm affero, ut ut vera essent, quæ Doctissimus Anglus de Origine *ιειομέρων* lapidum ingeniosè excogitavit, ea lapidibus nostris minimè posse applicari.


Reperiuntur in monte nostro præter recensita in proëmio ac tabellis expressa insectorum simulachra, quam plurimæ aliæ Zoolithorum & Lithophytorum species, quemadmodum ex sequentibus speciminibus nostris patet. Has verè marinas esse, ejusdémque planè formæ, texturæ, soliditatis ac perfectionis cum iis, quas Cl: Scheuchzerus cum sequacibus suis reliquiis diluvianis accenset, piscium testaceorūmque marinorum exactissima expressio, armaturæ superstites, membrorum partiūmque articuli, succi petrifici adhærentes massæ, & ipsa lapidum durities, quæ diluvianis inesse solet, pyriten non rarò adæquans ac silicem superans, ad oculum demonstrant.

M 2

Horum

Horum ortum Luidius utique seminio cum vaporibus & pluviis in uterum terræ illapso adscribet. Verum longè ab his discrepant lapides cæteri , de quibus quæstio est , licet & horum multi marinorum insectorum & testaceorum figuram non inconcinnè imitentur ; Molles sunt , fragiles , à priorum elegantiâ multum remoti , nullâ articulorum compage , nullo structuræ interioris indicio spectabiles. Cur semen ejusdem planè infecti & animantis , eidem homogeneæ glebæ injectum , eodem in loco sub eodem cœlo & sole cum tanto formatorum effectuum discrimine operatur ?

Luidio de marinorum & testaceorum origine si non unicus , saltem præcipuus sermo est , hinc eorum natales è mari petit. Lapides nostri ~~is~~^{lumbricos} , lumbricos , lacertas , vespas , gryllos , muscas , bufones , ranas , scorpiones , aves quoque & plantas cum floribus exhibit , quorum semina non mari Britannico , sed fortè vaporibus è terrâ ejusmodi animantium aut vegetabilium patriâ exurgentibus , eadémq; secum elevantibus debemus : quod postremum necessariò dicendum est , ut systema Luidianum , marina solummodo respiciens ad lapidum nostrorum genesin possit applicari. Sed , cur cum iisdem vaporibus & exhalationibus terreis non pari motu attolluntur , & cum relabentibus pluviis humo illabuntur , majorum & perfectiorum animalium , sive altilium , sive ferarum in sylvis aut morticiniorum caveis putrefactorum semina ? Si eodem modo sursum deorsumque cum insectorum spermaticis effluviis feruntur , cur nullibi hæc matricem , cunásque sibi congruas reperiant , in quibus cervum , vitulum , aprum , petrefactum offendere liceat , uti cancrum bufonem , aut erucam ? Cur gleba montis nostri tam fœcunda præ aliis est , ut animantes non membratim infractas , aut earum partes tantùm aliquas , sed ferè semper omnes integras , ac ut plurimum secundum definitam sibi à Naturâ magnitudinem abs-



TAB. III.



lutas edat? An hunc in locum liberaliores pluviae non membrorum tantum partiumque aliquarum, sed integrum animantis collecta, minimaque diminuta aut divisa semina deponunt? Cur animalcula & vegetabilia, licet integra & absoluta, non tamen solitaria, & à matrice suâ exclusa procedunt, sed quasi dimidiâ sui parte lapidibus immersa, immò cum saxis continua & indivisa, in externâ solùm superficie protuberant, reliquâ ac inferiore corpusculorum basi unam cum substratâ materiâ informem massam constituunt? An seminis, an maticis in elaborando fœtu activa fœcunditas deficit? Cur vicini vitiferi colles, aliique Wirceburgo adjacentes, à me curiosè lustrati, & ex eadem cum monte nostro Lithophoro terrâ lutosâ, arenosâ, margaceâ compositi, iisdem imbribus seminum imbibitorum feracibus perfusi similes partus non producunt? Si non omnis fert omnia tellus, cur eadem saltem iisdemque causis ac principiis adjuta eosdem effectus non parit? Quis vapor glebae Franconicæ conchæ marinæ semen, quis eidem conchæ bufonis semen conjunctione tam mirabiliter intulit, ut uno eodemque partu lapis luteus aut calcarius inclusum benèque formatum Pectiniti bufonem enteretur?

Mitto hæc aliisque complura lapidibus nostris Idiomorphis propria & specialia, quæ in sequens caput rejicio; Id solùm seminalis hypothesis Authorcm consultum velim, an sua Soli, Lunæ, Stellisque cæteris inest fœcunditas? An semine propagantur, quod nescio, quo casu, fortè ex Luidianâ putrescentium stellarum mucidine ex æthere in montem nostrum præceps, amissâ naturâ igneâ, in faxeos asteriscos, Cometas, Solem & Lunam degenerârit? Risum teneatis Amici! Tunc nimirum terra feret stellas, simili cum Animantibus & vegetabilibus propagine natas, cum cœlum findetur aratro. Dic, præterea, & eris mihi magnus

N

Apollo,

50 LITHOGRAPHIÆ WIRCEBURGENSIS.

Apollo, dic quibus in terris nascantur Nomina Summi Numinis inscripti lapides, quos *Litteratos* appellant Lithographi, sacræ linguæ characteribus elegantissimè notati? An Artis, an Naturæ ludentis, aut per semina operantis, aut salium in figuræ characteristicas se se distorquentium opus sunt?

Deficit hîc profectò hypothesis Cl: Luidii, & quisquis primi hujus speciminis nostri Tabellam tertiam accuratiùs inspexerit, aliam Iconolithorum exhibitorum originem, ex aliis principiis petendam nobiscum judicabit.



N

CAPUT



CAPUT SEPTIMUM.

Semen in emortuis corporibus relictum, aut in putrefactorum mucidine superstes, ac per subterraneos meatus & faxorum fissuras distributum cum vi suâ plasticâ, vel aurâ seminali à spiritu lapidifico adiutâ, non est causa formatrix Iconolithorum
Wirceburgensium.



Uemadmodum Luidius Zoolithorum & Lithophytorum marinorum semina ex oceano per vapores in pluviam resolutos, sic eadem provehentibus undis per subterraneos meatus in continentem deducit Cl: Langius, per fissuras petrarum & fodinarum sinus distribuit, imò ad ipsam terræ superficiem in altissimos montes propellit, ibidémque ad faxi figurati genesin Magnetismo, aurâ plasticâ vel seminali, spiritu petrifico suppetias ferentibus, aut, si ita dicere licet, obstetricantibus, belluam, vel plantam lapideam in lucem protrahit. Impugnatur hæc hypothesis iisdem argumentis, quibus præstantissimi Lithographi, Scheuchzerus, cæteriq; oculatissimi Viri Luidianam non multùm absimilem convellunt. Horum præcipua paulò antè ex Celeberrimi Assalti notis *ad Armarium nonum Metallo-thecae Vaticane cap: 2. pag. 220.* excerptimus, quæ fusiùs relata ab Authore ibi invenies. Non possum tamen etiam hoc loco mirari ingentem virtutem Auræ plasticæ, vel Potentiæ seminalis, quam singulis animalium ovulis, ex quibus pleraque, ac ipsas plantas nasci statuit, inesse, & per omnes eorum partes expansam comminiscitur *cap: 1. de Origine lapid: figurat: pag: 42.* Hanc, ut ex mente Luidii Langiique refert laudatus Assaltus *l. c. singulis corporibus inesse existimant, quæ veluti quâdam susceptâ provinciâ ovulorum fluida impellat, tubulos patefaciat, ac nutrimen-*

tum aptum extrinsecus adveniens feligat, admittat, ac per omnes partes appositè distribuat: quo fieri posse existimant, ut dicta ovula non magis intrà maris undas, quām inter margam, arenam, & saxa, suscepto convenienti alimento salino nitroso, quo dicta loca scatere affirmant, ad eorum nutritionem apto, augeri, atque in perfectam animalis figuram adolescere, tum ob vim plasticam omnia disponentem, tum ob congruentem ovulorum structuram, tum ob alimenti particulas facile aptis partibus adhærentes. Quām stupenda facultas Auræ formatrix! Quæ animæ locum obtinens, non solam viventium in se ideam continet, sed eandem velut Architecta, & Artifex operis in rudem materiam inducit. Nova hæc metempsychosis est, Pythagoricā mirabilior, quod hæc animam spiritūmq; ad corpus jam formatum in meritorum pœnam vel præmium releget, illa verò ætheream animulam ovulo insitam, & saxeо terreōve durissimo carceri inclusam, suum sibi domicilium ex adscitiā eāque peregrinā materiā fabricare affirmet.

Aura hæc seminalis & plastica utiq; corporea est, & ita in partes divisibilis, ut neutquam sit tota in toto, & tota in qualibet parte ovuli aut seminis corporei. An omnes Auræ hujus mirificæ partes tantâ virtute pollent, ut singulæ, plantæ aut animali integro efformando sufficient? An singulis corpusculi animandi articulis, membris, partibúsq;, figurâ, situ, qualitate inter se dissidentibus specifica auræ plasticæ pars præsidet, cuius facultas ultrâ determinatam hanc foetus insoliti structuram ad alias se non extendat? Si primum asseris, cur dentes Lamiæ piscis, vel sic dictæ Glossopetræ, acephala plerūmq; Ammonis Cornua, spinæ aut pinnæ piscium, folia sinè ramis & stipite, trunci sinè radicibus, sinè arbore fructus reperiuntur? An cœpti laboris pertæsa ignava opifex ab opere destitit? An matrix congrua, & succus alimentitius proprius defecit pro reliquis inchoati portenti artubus? Cur dentem, linguam, folium aut fructum perfecit potius, aut pro Architecturæ suæ exordio delegit formatrix Potentia, præ capite, maxillâ,

arbore,

arbore, aut radicibus? Si secundum affirmas cum Cl: Langio l: c: cap: 1. pag: 37. ita differente: *Aura seminalis non in omnibus corporis viventis partibus eadem est, licet per omnes equaliter sit diffusa, nam probabiliter à Deo cuilibet parti peculiaris aura seminalis indita est, mediante cuius vi plasticâ, naturalis ejus substantia ac determinata structura ex succo nutritio per accretionem augetur, per nutritionem verò conservatur, quo fit, ut in animalibus v:g: succus nutritius in carne carni, in osse ossi, in membranâ membrane, in glandulâ glandulae, in sanguine sanguini assimiletur, in vegetabilibus autem in radice radici, in caule cauli, in flore flori &c. hâc semper lege, ut cuiuslibet partis tam internâ naturali structurâ, quam externâ formâ in omnibus ad amissim secundum innatam proprie naturæ exigentiam progignatur &c.* Hæc ille, quasi desumptâ à partialibus peripateticorum formis, vel aliorum fermentis particularibus metaphorâ, de Aurâ seminali in singulis partibus virtutem heterogeneam exerente. Verùm quo casu, quâve fortunâ contigit, ut in montem nostrum tot auræ seminalis particulæ cum ovulis & semine conjunctæ, nullâq; vel aëris, vel ventorum, vel aquarum per occultos telluris canales irrumpentium violentiâ separatæ ac disjunctæ illapsæ sint, & in singulis ejusdem montis hiatibus ac cavernis, tot, iisdémq; diversis in iis delitescentibus materiis, & lapidibus arenosis, lutosis, limosis & calcariis imò siliceis & marmoreis cunas matricémque, cum succo nutritio tam accommodam, & in adventum coloniarum & hospitum exoticarum ex providâ Naturæ solitudine reservatam invenerint, ut insecta, si paucissima excipias, animantia, ac testacea omnia integra, & in præfixa sibi ab Authore Naturæ magnitudine absoluta inveniantur? Cur in lapide limoso concham marinam, in conchâ bufunculum (ut proximè ostendemus) omisso proprio conchylii incolâ aberrans Aura plastica produxit? Quis ovulo conchæ semen bufonis intulit? Quâ ratione aut bajulis vaporibus & imbris, aut hydrophylacii subterranei ductu hunc in locum deportata sunt volucrum, quas hîc in tabulâ IV.

O

exhi-


exhibemus, ovula? Cur ovum non prius in lapidem transiit, quam pullus inde excluderetur? Cur succus petrificus in avem potius jam perfectam vim suam exeruit, quam in ovulum in cortice testaceo sibi jam proportionatum? An sensim sine sensu absoluta volucris fabrica naturam lapidis induit, an tota simul, quasi momento in saxum indurata est? Cur skeleton petrificari potuit praे pennis & carnibus, quas in hâc ipsâ Tabulâ diffluxisse conspicis? Cur Aura plasta in uno ovulo fœcunda pullum exclusit, in reliquis verò sterilis & iners cum ovo potuit lapidescere?


Hæ sanè difficultates systema *Langianum* in lapidibus nostris reddunt prorsus *admirator*, adeò, ut hoc loco necesse non sit provocare ad littératos & characteribus insignitos lapides, quos Tabula VII. ostendemus.

Ad observationes, quas Doctissimus Langius lib: 2. *De orig: lap: fig: cap: 1.* de generatione viventium in genere & *cap: 2.* de generatione testaceorum, quæ potissimum à lapidibus figuratis repræsentantur, & *cap: 3.* de eorum nutritione & accretione, ac demùm *cap: 5.* de viventibus à substantiâ lapidum longè alienis, & tamen intrâ saxa natis, item *cap: 6.* adducit, cum laudato sæpiùs celeberrimo Assalto respondeo: Ea, quæ de carne fossili, de cornibus animalium intrâ terram crescentibus, aliisque similibus à nonnullis narrantur, pleraque ad fabulas esse rejicienda: Sæpiùs enim accidit, ut apud naturalium rerum scriptores ut plurimum veritas, nonnunquam etiam fides desideretur; ii enim aut aliorum dictis temerè credentes, aut in suis observationibus non satis oculati ad falsa scribenda sæpiùs inducuntur.

CAPUT

TAB. IV.





CAPUT OCTAVUM.

Evidenter ostenditur, Zoolitha, Lythophyta & nonnulla testacea nostra, quantumvis marinis fœtibus simillima, à marinis undis, nec in diluvio universali, nec per occultos terræ meatus in montem nostrum deportata, & lapsu temporis petrificata esse.

Jam supra cap: 6. dixi, reperiri in monte nostro præter lapides controversos, insectorum & animalculorum imaginibus insignitos, ingentem etiam Cornuum Ammonis, Pectinatum, Pectunculorum, Musculturum, Ostrearium, Cochlearum, Concharum, Stromborum, Turbinum marinorum, testaceorūmq; lapidescentium frequentiam, quæ cum- & sinè armaturis suis partim solitaria, partim matricibus inclusa, ex quibus ope mallei facilè excutiuntur, partim in unam lapideam, massam durissimam compacta & coägulata (*ποιηλόσπερμον* græcè nonnulli vocant) videntur. Hæc ubi polita est, marmor elegantissimi coloris exhibit, cum conchis ipsis marmori immersis, sed ex politurâ lævibus, & venarum macularūmq; marmorearum vicem, cum magno oculorum oblectamento obeuntibus: Quæ omnia ultrà multorum millium numerum excrementia universali totius orbis inundationi, ceu tristes, certas tamen Diluvii testes nos debere, cum Cl: Scheuchzero, & integra Doctorum classe, quos Langius in tract: de orig: lap: fig: cap: 9. refert, iisque Tertullianum ipsum, textu aperto adnumerat, perlubenter fatemur. Quodsi tamen diluviana hypothesis de lapidum figuratorum origine non nullis displiceret, è mari nihilominus partus ejusmodi, quos nunquam fontes aut flumina domestica protulerunt, in montes, cryptas, fodinásque per meatus subterraneos delatos, cum laudato sæpiùs *Affalto* dicendum est, cuius dis-

cursum à systemate diluviano discrepantem huc transcribendum duximus. *Licet quis ultrò fateatur, inquit contra seminales plasticos, hujusmodi animalia ex Diluvio universalí reliqua fieri non potuisse, non exinde colligitur, omnino repugnare, alia etiam ratione nobis vel notā vel ignotā, hujusmodi corpora è patriis sedibus pulsa in alienas alegata fuisse.* Quod enim ad Insulas aliisque loca à mari non multū distantia attinet, in quibus prædicti lapides reperiuntur, veluti in Siciliâ & Melite, hisce rebus ditissimis, verisimile admodum est, ea quondam sub marinis aquis penitus latuisse, ut de Ægypto, déque Rhodo, Delo, aliisque Insulis scriptores gravissimi testantur, vel saltem aliquā particulari alluvione olim fuisse demersa. Quod quidem multis circumstantiis comprobatur: námque in iis locis, in quibus lapides isti effodiuntur cernere licet innumera testacea, pisces, plantas atque alia, quæ nonnisi in mari gignuntur, imò & ipsius maris fundi limosam materiam, Echinorum nimirū diversa genera, Conchylia, Cochleas, Ostrea &c. Corallia, Madreporas &c. quæ quidem inter se variis modis permista comperiuntur, partim integræ, partim in fragmenta comminuta, ita, ut facile cognitu sit, ex quibus prædicta fragmenta sint divulsa: Nam pañim reperiuntur cancerorum chelæ, echinorum fractorum modioli, aliisque hujusmodi non longè à cancris & echinis, quorum sunt partes, jaçentia. Quamobrem nihil probabilius esse videtur, quām omnem hujusmodi rerum congeriem à marinaram aquarum vario motu agitatam, atque invicem confusam, ac terris impactam quondam fuisse. Ad plagas autem longo intervallo à mari distitas, ac supra ipsius libellam extensas, hāc ratione marinā transisse probabile est. Communis fert sententia, marinas aquas, non solum externam globi terr-aquei superficiem occupare, verū per internos quoque terræ meatus ferri ac undeque, etiam ad remotissima ac mediterranea loca subterlabi, quod & ii, qui semina piscium, unā cum vaporibus efferri, atque ab aurā plasticā affectos in lapides idiomorphos crescere afferunt, concedant necesse est. Itaque fieri potuit, ut aquæ paulatim montium viscera pervadentes terram solverent, motuque subducerent, quam ob causam terrea moles aquæ superstans labefactatis denique summo-

summotisque veluti fundamentis corrueret : hinc aqua infrà posita terræ ruinâ compresa sursùm pelleretur, unâque secum magnam testaceorum vim aliorumque repento motu abreptam, ac confusam advehheret : aut terræ motu quacunque de causâ excitato omnia subverti, perturbari, atque ima cum summis permisceri ac confundi facile potuerunt &c. Ex quibus rectè inferre licet, quod à marinis undis sive in Cataclysmo universali sive ex Authoris Naturæ instituto terram per vias occultas intersecantibus (quod unanimi consensu admittunt ii omnes, qui origines fontium fluminumque oceano tribuunt) ad montes nostros testacei, imò pelagiani etiam ejusmodi fœtus sint deportati.

Longè aliter se res habet cum lapidibus controversis, qui verè *iδιόμορφοι*, id est figurâ peculiari, diverso ut plurimum colore, materiâ, soliditate, ac duritie, cæterisque attributis sese à reliquis marinis petrefactis distinguunt. Ea, quæ à diluvio universalis vel particulari alluvione aut subterraneis oceani effusionibus orta & relicta sunt, sive illa, quæ glutinum saliumque terrestrium operâ lapsu temporis in lapides transierunt, ita constituta sunt, ut plurima suas adhuc armaturas, testarum ac corticum particulas, ad quas succus petrificus non pertigit, illæsas retineant, interioris verò structuræ ubi illa perfregeris, manifesta vestigia deprehendantur. In illis enimverò Cornua Ammonis sive striata, sive undulata, sive tuberculis aut squamis non in pronâ tantum, sed & supinâ suâ parte sibi simillima sunt, undulis, striis, articulisque totum corpus intimè permeantibus, cum irrefragabili factæ petrificationis indicio : Econtrâ verò inter controversos ejusdem montis incolas, v.g. Cornu Ammonis non spinatum, quod Tab: 5. exhibet, in supernâ facie lave est (notas graphicas excipio, quas nec mari, nec diluvio adscribes) in inferiori suâ parte striis sulcisque distinctum, & anteriori structuræ prorsus dissimile, intus verò sine ullo articulorum, juncturarum, vel concamerationum vestigio, massa

58 LITHOGRAPHIÆ WIRCEBURGENSIS

lapidea est, & omnino informis. Idem notatur in cæteris omnibus Zoolithis & Lithophytis nostris, quæ dimidiâ suâ, & quidem superiore corporis parte figuram animalis aut plantæ exprimunt, reliquâ parte immersa lapidi, unam cum ipso homogeneam massam constituunt, ut suprà cap: 2. diximus : Non igitur marinis petrificatis accenserí posse videntur.

Bufunculi, Ranæ, Lacertæ, Vespa, Apes, Grylli, Scarabæi etiam cornuti, Scorpiones, Erucæ, & his similia insecta, ut facillimè nascuntur, ita pari celeritate diffluunt, & intereunt. Incredibile autem est animalcula ista putredini ac dissolutioni suæ tam obnoxia vehementissimâ marinorum fluctuum jactatione, sive diluvianâ, sive subterraneâ illæsa conservata, & sensim in lapides indurata fuisse. Aut, cum mare bestiolarum istarum Patria non sit, ac indè transferri non potuerint, quis prudens opinabitur, eas ab oceano quacunque demùm viâ in continentem effuso, fortuitò deprehensas, ac in solo nativo eum in locum projectas fuisse, ubi lapides induerent?

Diluvium, ut probabilior Doctorum tam Theologorum quam Lithographorum opinio à Scheuchzero in *Herbario Diluviano* relata habet, in Vere, & quidem Mense Mayo contigit, quod flores & folia, non fructus maturos parit. Quâ igitur ratione malum Armeniacum perfectum & integrum cum nucleo, membranâ & cortice, glandes maturas ex tenui querno ramusculo pendentes in Franconiam diluviana tempestas mirabili prodigo advexit?

Plantæ, Flores, Herbæ, quas in Tabula VI. conspicis, præterquam, quod domesticæ, non exoticæ, minùs marinæ sint, tenerrimæ nascuntur, & vel pruinâ, vel pluviâ vehementiore prostratæ ac enectæ laxant folia & intereunt. Has à Diluvio lapidi allisæ, tempus paulatim ultrà densitatem fibi debitam in lapides transformarit?





An adhærentem flosculo Apem, Vespámve tam violentus aquarum motus avellere à floridâ papillâ non potuit, quin fixo spiculo & acuti rostelli proboscide, ceu clavo trabali affixa, & immobilis cum ipso flore lapidesceret? Idem dixeris de cellis nidulísque vesparum, quæ structuræ fragilis, & tantum non cereæ superatis aquarum falsarum assaultibus, firmiores prodierint in solidissima faxa transmutatæ.

An cum apertis cœli cataractis depluæ stellæ in lapides nostros Astroitas, Heliophoros, Selenitas, & Comeditas abierunt?

Deniq; totum diluvianarum & marinorum aquarum impetum reticulatæ aranearum telæ non sistunt modò, sed & infringunt. Grossior textura est, ut in Tab: X. vides, quam ut Palladi moveret invidiam; Suspensam ad muscarum insidias aut alibi in telâ pertexendâ occupatam Arachnen sustinet. Huic, quam aër dissipat, quam Papilio & Musca dilacerat, pepercit undarum vis, imò ex aëre libero in tabulam faxeam situ tam ordinato, proportionato, ac lapidi commensurato transtulit, ut perpetuum fieret Arachnæi artificii monumentum?

Quid verba perdo! Nemo prudentum est, cui vel levis incidere possit suspicio, Iconolitha nostra marinis undis, sive in Diluvio generali, sive in canali ex oceano deductis esse petrificata. Ex hâc tamen, quam præsenti capite insinuavimus, lapidum nostrorum specificorum & controversorum cum veris diluvianis & maritimis in eodem monte repertis oppositione, scioli quidam, & in Studio Lithographicico peregrini ac hospites sinistre & perpetram inferunt, hos quidem genuinos diluvianos, illos vero manu artéque & quidem recenti factos & suppositos esse: quos ut confutem confundámque suo loco, suis ipsi cavillationibus, sparsisq; quaquaversum falsis rumoribus & narratiunculis, animo malevolo confictis, invitum me coegerunt.

.....:.....:.....:.....:.....:.....:.....:.....:.....:.....:.....

CAPUT NONUM.

Si Lapidès nostri non Artis, sed Naturæ opus sunt, in iis formandis nec Natura ipsa, nec fictitius Archæus per Geocosmum diffusus lusit.



Thanasius Kircherus Societatis JESU, in admirando opere suo, cui Titulum *Mundi subterranei* dedit, & ex quo ceu fonte non pauci Recentiores Lithographi suas de Origine lapidum sententias hauserunt, & amplificatas ediderunt, lib: 8. sect. 1. pag: 37. inter quatuor præcipuos modos, quibus figuræ in lapidibus oriri existimat, primo loco statuit *casum fortuitum*. Non injucundum Lectori erit, cui præstans & pretiosum opus ad manum non est, verba sagacissimi & indefessi in regno Naturæ investigando Viri apponere; *Noverit*, inquit, *Lector*, quod quemadmodum *phantasia hominum*, dum *cœlum* varietate *nubium obductum* videt, varia sibi, nunc *Dracones volantes*, jam naves, modò montes, urbes & castella, nunc cruces, modò humanae figuræ, & similia phasmata ex *nubium incomposita representatione* imaginantur: ita quoque vel in *sphero* in terram conjecto notamus aliquid figurari, quod modò huic, modò alteri rei simile est. Inò in itineribus videntes montium sub certâ figurâ protensionem nunc mensam concipimus, uti promontorium Bonæ Spei, nunc sub vultu humano, ut *Scyllæum* promontorium Siciliæ, nunc hominem supinè prostratum, ut in Apennini Camertensium monte , subindè saxa & frutices rupiumque fragmента effigiem humanam sub numismatis figurâ ostendunt, uti Panormi Mons, qui à figurâ vulgo dicitur, monte de medaglia . . . Videas & in rudibus laterum coctorum superficiebus varia insectorum, volucrum, aliarūmq[ue] rerum vestigia, que tamen nullo à Naturâ fine intenta sunt, sed ob similitudinem quandam rerum, homo sibi talia esse imaginatur. His itaque sibi propo-

propositis jam quæri meritò posset, unde tanta imaginum in lapidibus spectra originem suam sumpserint? Respondeo omnia hec nata esse ex fluore salini liquoris, qui ubi terrenam & appropriatam substantiam adhuc mollem, & siccitate jam ingruente in multas rimas & sinuosos ductus fatiscentem se insinuaverit, ut in marmoribus videre est, fit, ut ibidem spiritu lapidifico successu temporis omnia simul in duram & saxeam molem coalescant, ita pro rimarum fissurarumque constitutione fluor insinuatus, jam pulcherrima flumina, jam ramosas arbores, modo volucris aut infecti, aut quadrupedis formam, aut etiam humanam effigiem vel saltem aliquod humani corporis membrum, eo modo, quo potest, & pro dispositione materiae jam siccitate in varias & rimosas vacuitates fatiscentis, delineat Est & aliud hujus rei non leve argumentum, fortuito & casuali fluxu constituta esse similia phasmata, quod vix ulla ex iis, quæ animalis figuram mentiuntur, forma perfecta sit, sed semper aliquid ad integrum figuram requisitum (ut in capitibus vel oculus, vel nasus, in brachiis manus digitique, in tibiis pedes, quod pictorum ut plurimum industria emendat, deesse comperiatur) ita, ut non tam, quid revera sint, quam quid fantastica facultas ea esse sibi imaginatur, judicemus, quemadmodum paulò antè de nubibus, montibus, sputo, cæterisque rebus diximus. Ecce! genuinam & candidam Viri Eruditissimi sententiam de lapidum figuris, casu fortuitò natis, aut ex phantasiæ ludibrio ad hanc vel illam speciem determinatis, ex quâ suam in Ludiones censuram deprompsisse videtur Cl: Büttnerus *Coralligraph: subterrani: cap: I. §. IX.* & seqq: cum ait: *Fabula est, Naturæ?* retraho: *Phantasiæ humanae visu abutentis . . . à judicio deserta, confusa, præoccupata, vel etiam credula imò mimulae . . . quando imaginatio ex apparentiâ rerum fallitur & fallit.*

Quod casum fortuitum Kircherus, id Recentiores pasim *Naturæ*, gratiosè errantis lusum appellant, quem in marmore, achate, radicibus nucum, aliisque multicoloribus saxis lignisq; admittendum esse non diffiteor, tunc maximè, cum imagines aut pictæ, aut ductis solùm extremis

tremis lineis designatæ, ut in Dentritis Eichstadianis, aliisque à Doctriis: Kirchero exhibitis, & à Cl: Scheuchzero in Herbario suo Diluviano de Dentritis clariùs explicatis, non verò sculptæ, in altitudinem notabilem erectæ, aut solitariæ omnino figuræ, sive substratâ, cui adhærescant, tabulâ, deprehendantur. Sed quis in lapidibus nostris Naturam sic ludere dixerit, in quibus corporum ex omni Naturæ etiam superlunari regno collectorum (si corporis humani formas integras nondum haetenus repertas dempereris) ectypa ita expressa perfectaque conspiciuntur, ut non solæ lineæ, sed statuæ totæ vel undiq; consummatæ, vel saltem dimidiâ sui parte ita elevatae sese ostendant, ut scalpri artificiosi ductus, strias, scissurásque te in multis observâste jurares.

Naturæ lusus raro prominet, & vix attollitur, sed cum lapide æquabilis, lævis, & continuus est, ac in eâ solùm materiâ, in eo solo & patriâ reperitur, ubi colorum, tinturarum, salium, succorúmque diversitas in terræ siccæ hiatus & rimas insinuata, occasionem & ansam dedit, tam bellè aberrandi. Plerique nostri lapides, sive calcarii, sive lutosi, sive arenosi, unius texturæ & coloris præfatis lapidibus proprii, sunt, unde Naturæ, ludere aut ludendo pingere volenti, Kircheriani sales & tinturæ defecerunt. Marmorum, quæ pariter hîc magno numero invenimus, ut cap: præced: diximus, figuræ, ornamenta, & coloratæ maculæ, sunt concharum, cortici externo inhærentium, & ipsi durissimo marmori aut etiam silici immersorum, exuviae, reliquiæ, vestigia, ut ocularis experientia demonstrat.

Idiomorphi Lapidès, in quibus Natura lusisse dicitur, ejusdem omnino classis sunt, nec ubivis terrarum effodiuntur, sed iis solùm in locis, quæ similis materiæ, à Kirchero descriptæ, sunt feracia: Wirceburgensis ager, imò Franconia tota montem unicum habet (alium enim similiū portentorum feracem nondum in terris nostris, fortè nec in exteris detegere licuit) in quo præter marmoreæ





moreæ indolis, diversissimarum specierum lapides ex arenâ, limo, lutóque coagulati & compacti, iisdem tamen formis, animantium vegetabilium, characterum, nullo inter materiam factò discriminè notati inveniuntur. Quomodo hîc promiscuè, sinè delectu, sinè sufficienti apparatu, novo & Lithographis hactenus incognito prodigo Natura luderet?

Ad Tabulas, & expressas in iis Iconolithorum Wirzburgensium imagines, ceu apertissimas assertorum Testes, iterum provoco: Unicam Tabulam, eandémque Número VI. huic capiti apposuimus, Lithophyta elegantissimè referentem. An lusit Natura, dum *malum Armeniacum* omni ex parte perfectum, maturum, sed petrificatum protulit? Dum *Tussilaginem* in folio, *Ranunculum* & *Plantaginellam* in foliis, caule & radicibus tam plenè florescensem & germinantem effigiaavit? Dum *Vespam* dulcis pabuli illico ad florem radiatum *Chrysanthemi* aut *Bellitis* attraxit? Dum *querno ramusculo glandes* appendit? Cur colorem neglexit in his, quem aliàs in marmore, Achate, Dentrite qualicunq; tam sollicitè miscet & adhibet? Cur in cæteris lusibus suis teste Kirchero, deficiens & imperfectas figuræ delineans, in his aliisque nostris tam Zoolithis, quâm præsentibus Lithophytis, ultrâ debitam plantis ac foliis crassitiem excedens, nativam tamen magnitudinem diminuit, detractura in uno, quod in altero liberalius profuderat?

Raticonari diutiùs in argumento ad oculum manifesto piget, ne & ipse cum verborum & temporis jacturâ ludere videar.

• (o) •

Q₂

CAPUT

CAPUT DECIMUM.

Exhibitetur Decuria Lapidum nostrorum, characteribus potissimum Hebraicis insignitorum, eorūmq; succincta ex. mente nonnullorū expositio.

Inter figuratos lapides ii præ reliquis majorem attentionem, altiorēmque indaginem merentur, qui variarum linguarum characteribus notati, à Lithographis *Lapides Litterati, Grammatiae, Polygrammi, Grammitæ* vocantur. De his scribit laudatus Kircherus lib: 8. Mundi subterranei cap: 8. ubi ait, in agro Tolfensi repertum Lapidum quoddam genus cœruleum, in quo candidis, iisque subtillissimis lineis, quidquid figurarum excogitari poterat, à Naturâ descriptum conspiciebatur. *Inveni, inquit, non Græci tantum, sed & Latini Alphabeti litteras omnes, præterea omnia ferè ea simplicium figurarum schemata, quæ Euclides in suis Elementis Geometricis demonstrat.* Cl: Assaltus Armar: IX. locul: VIII. Metalloth: Vaticanæ adducit silicem procurum, candidum, teretem, litteris I. D. nigerrimo colore descriptum; Cui accenset Grammatiam Plinii, Smaragdo similem, & transversâ lineâ albâ præcinctum, ac toto fermè Oriente pro amuleto gestari solitum. His fortè annumerari poterunt Grammitæ micantes Cl: Langii, de quibus differit cap: 5. Historiæ Lapidum figuratorum Helvetiæ, qui characterum loco plurimis lineis variæ magnitudinis insigniuntur, quæ per superficiem lapidum modò separatae disperguntur, modò hinc inde plures colliguntur, & aliquando in medio etiam sese intersecant, appellanturque micantes, quia tota substantia eorum micis, splendore suo auro argentove simillimis instructa est. Fusiùs Cl: Helwingus Lithographiæ Angerburgicæ parte secundâ, cap: 2. per totum de Origine Lapidum figuratorum in genere, & cap: 2. de Lapidibus Little-



TAB.VII.



Litteratis in specie tractat, ibidemque unicè examinat Lapidem Resavensem, imagine Lunæ Orientis, & characteribus latinis majusculis L.V.R. insignitum, de quo varia præmiserat Lithograph: Angerb: lib: 1. cap: 5. §. 9. notatque singulariter, quod inter primam & secundam Litteram, Lunæ falcatae phasis cum suis corniculis, & circuli reliquâ parte apparente justâ proportione appareat, & reliquæ lapidis partes Pectunculis, Trochis, & Entrochis lapidi immersis repletæ videantur, ramo vegetabili à dextris assurgente. Ibidem alios adducit litteris I. C. W. & E. A. G. V. L. item G. E. V. L. inscriptos, quibus initiales characteres nominum Virorum, quos allegat, honoratissimorum exprimi arbitratur.

Hi omnes à Polygrammis Wirceburgensibus maximè in eo differunt, quod Lapes nostri characteres potissimum prominentes, elevatos, & quasi exsculptos, illi verò lèves, cum superficie lapidum planos, immersos, & quasi Naturæ scribentis manu pictos repræsentent. Quanquam laudatus Helwingus tum l: c: tum part: 2. Litho: Angerb: pag: 46. etiam characteres Latinos & Græcos in lapidibus prominentes, & debitâ proportione extantes recenseat.

Insipiamus nunc *Tabulam VII.* hîc appositam, & lapides singulos cum inscriptionibus suis eo ordine, quo collocati sunt perlustremus. Observandum occurrit 1º comparere hinc indè characteres solitarios, alibi integra subjectis aut omissis punctis vocabula. 2º Characteres alii exactè ad orthographiæ regulas expressi, alii ruditer, inconcinnè, ita ut difficulter dignosci queant, formati, quod an sic dictæ Naturæ vel Artis imperitæ vitio contingit, nondum decido. 3º Litteræ in vocabulis transpositæ, inversæ, & aliquando obliquè projectæ cernuntur. 4º Characteribus Hebraicis intermixti sunt Samaritani, Rabbinici sive, ut vocant, Babylonici, & in aliis lapidibus nostris Litteratis, quos numero non mediocri adhuc R dum

66 LITHOGRAPHIÆ WIRCEBURGENSIS

dum possideo, Arabici, Latini, cum notis numeralibus.
50 Varii characteres & vocabula non lapidibus nudis, sed Pectinitis, Conchitis, Turbinitis, Cornuum Ammonis, aliásque figuræ referentibus inscripti sunt, non semper extantes, sed aliquando incisi & profundi, ut in Tab: V. & præsente videre est: Quæ omnia expositionem obscuriorem faciunt & difficiliorem. Communicata sunt Viris Linguarum Orientalium peritissimis varia Grammaticarum Nostratium ectypa, qui, licet in expositione Literarum solitariarum, aut inordinatâ earum methatesi explicandâ, aut planè hæreant, aut sentiant diuersa, in eo tamen unanimiter conveniunt, Sacratissimum Dei Nomen, & Divinarum Perfectionum Titulos fermè in singulis elucescere: Ex multis duorum sensa in primo hoc Specimine publico exhibenda existimavimus. Prior illorum Rabbinus Hebræus est, non modicæ Eruditionis famâ celebris, qui visis duobus ejusmodi Lapidibus, sacro horrore percussus, post diuturnum silentium, venerari se dixit, ineffabile Dei Nomen in admirabili hoc Naturæ partu expressum: Explicationem characterum aliorum, & inordinatæ transpositionis rogatus, ad cabalam configit, meritò à me rejectam & improbatam. Transmisî nihilominus per Virum Judæo familiarem plures Lapidum Litteratorum delineationes, de quibus in verba sequentia ex Hebraico translata respondit: *Fateor, latet in lapidibus istis grande prodigium, quod humani ingenii captum transcendit. Invenio in plerisque Lapidibus Venerandum & Benedictum Dei Nomen יהוה, quod verò reliquos characteres concernit, nihil certi de illis statui potest.* Possent quidem juxta methodum doctrinæ & interpretationis nostræ, alia Divina Nomina significare, ut *Nomen Dei*, quod numerum 72. 63. 45. vel 52. complectitur, sed hoc aliarum clavium, linguarum, & Alphabeti inversi adjumento, nolo tamen plura scribere, quia consultum non esset ea typis mandare, que Christiani ad Religionem fidemque suam traducerent, adversarii verò (nimirùm Judæi) agerrimè ferrent. Hæc Rabbinus ille, quem perlubenter missum feci,

feci, quia vix aliud ab eo, quam vana & inania Cabalistarum commenta poteram expectare.

Majore integritate, claritate, & eruditione sententiam suam dixit D. *Philippus Ernestus Christfels*, Illustrissimi & Excellentissimi Domini Comitis ab Hohenlohe Schillingsfürst Castri Wilhermsdorffensis Praefectus, Judæus quondam, nunc sacro fonte Christo initiatus, singulos lapidum nostrorum apices operoso examine discussit, & longa dissertatione exposuit, ex quâ, prætermisso characteribus solitariis aut incognitis, & solo cabalæ superstitionis adminiculo explicandis, pauca quædam subjungo. In lapide primo, secundo & quinto Sacratissimum Dei Nomen Jehova manifestè expressum est, ita tamen, ut in fig: 1. Vau inversum loco Jod, quod eidem pariter inversum subscriptum, in fig: 5. Vau locum Jod, & hoc locum illius occupet: cuius quidem transpositionis causam nullam ex mente suâ, sed ex commento Rabbinorum dedit, qui more suo ineptiunt, docentque Nomen Dei Jehova peccatis judæorum inhonoratum dividi, ita, ut ־ Vau & he separatis, solum permaneat ־ Jah, quo nomine Deus tam in Pentateucho, quam Psalmis Davidicis saepius compellatur; Significare autem Jah Deum Judicem & Vindicem (quod ex ps. 93. v. 12. derivari posse existimant) qui ubi per preces, & pœnitentiam reconciliatus fuerit, coire rursus divisum Nomen in Jehova, quod Deum Clementiae & Misericordiae ostendat. Cæterum omnes hujus Divini Nominis characteres superstitione colunt & venerantur judæi, undè, cum singulæ alphabeti litteræ Numerum significant, quantâ possunt, cautelâ, cum numeros scribere volunt, eas litteras declinant. Sic quia decem ־ quinque valet, scripturi quindecim, loco ־, ponunt ־ ו, id est novem & sex, idque in numero 16. aliisque in reverentiam characterum Divini Nominis observant. De Imagine Solis in fig: 1. & Lunæ in fig: 5. more Rabbinis usitato suppositâ, credit, sub Sole Dei

68 LITHOGRAPHIÆ WIRCEBURGENSIS.

Æternitatem, Pulchritudinem, Beneficentiam, Providentiam & splendores æternos repræsentari; In Lunâ verò ceu Symbolo Parænetico Judæos admoneri, ne in fide & cultu Veri Numinis more Lunæ instabiles sint, aut deficiant.

Fig: 2. Rursùm exhibit Jehova superposito ۚ licet imperfectè expresso, de quo ex Rabbinorum Commentariis in librum Sohar, varias fabellas refert, nimirùm Nun significare numerum quinquagenarium, & appositum Divino Nominis, indicare quinquaginta annos jubilæos Dei, quinquaginta præcipuas cœli portas, & his similia, quæ prætermitto, uti & illud, quod de duobus characteribus suppositis, divinando asserit. punctum ultimo He subscriptum Symbolum esse putat Unitatis Divinæ indi-visibilis.

In Fig: 3. legit dimidiā partem Jehova nimirùm וָיַע & He, de quo varia iterum delirant Rabbini, dicentes has litteras esse basin Divini Nominis, significare Thronum & Tribunal Dei, esse Insigne Regis Regum, Notásque characteristicas, Labaro sive Vexillo Dei Exercituum inscriptas &c.

In Fig: 4. ex characteribus distortis, & imperfectis nullam vocem sensumq; eruit. Citatus suprà Rabbinus videns hunc lapidem ad cabalam pro expositione confudit, cui aliam opposuit D. Christfels singulis litteris vocabulum subiectens מֶשִׁיחַ רְבָנִי חַיֵּל וּמִן פְּרוֹתִין. Maschiach, Raboni chail, Damcha, pedutenu, id est, Christus Dominus & Magister noster: Virtus Sanguinis Tui est nostra Redemptio. Sed hæc arbitraria sunt, nec artem, nec ingenium sapiunt, sed copiam verborum; Quemadmodum arbitraria est expositio L. V. R. in Lapide Resaviensi expressorum, quibus singula vocabula apponit Helwings, totiesque repetit, ac multiplicat, ut integrum Dedicationem Libri primi Lithographiæ Angerburgicæ, Ludovico Von Rauter inscriptam effiant.

In

In Fig: 6. solas litteras earumque interpretationes cabalisticas juxta phantasiam Rabbinorum laboriosè proponit. Characterem ultimum similem ait esse Aleph Babylonico sive Rabbinico, quod cum ex Jod (in numeris valet 10.) & Vau (valet 6.) componatur, & הוה hova Deum semper extitum significans, eundem 16. numerus conficiat, Aleph illud Rabbinicum esse signum cabalisticum Deitatis. Similiter arguit de ס in hoc lapide primo loco posito. Componitur, inquit, ex duobus Jod, & Vau transversim interjecto, quæ numerum 26. complent. Idem numerus continetur in Jehovah, igitur Aleph est symbolum Deitatis. Quis non rideat insulsas Hebraeorum, lepidasque in numeris & characteribus observationes?

Figuræ 7mæ characterem primum inversum, & sursum erectum exhibere putat Schin Rabbinicum sive Babylonicum; Si transversim aspiciatur, habere formam Daleth. Appositum characterem esse Jod Samaritanum, ex quibus recte se legere putat יְהָוָה Schadai id est Deus Omnipotens, quo nomine invocasse credunt Patriarchas Deum, cum filiis benedicebant.

Figuræ 8væ litteras solum enumerat, nimirum Zain, Vau informe, He, accentum Zarcka, & coph, cum nungis Hebraeorum cabalisticis, quibus Lectori B. molestus esse supersedeo.


Figuræ 9næ characteres sequentes nominat, He, Aleph Rabbinicum, Theth Syriacum, Jod, & nescio, quem characterem Arabicum, He, Jod Samaritanum, cum Kamez uno in pectunculo, non aurito vel alato, & altero transversim apposito, quæ variis combinationibus rursum Divino Nomi & Perfectionibus applicat.

Hæ Viri de me benè meriti conjecturæ sunt & expositiones, quas in epitomen contractas minimè hoc loco

70 LITHOGRAPHIÆ WIRCEBURGENSIS

omittendas censui. Quodsi certis Argumentis demonstratum fuerit, Lapidès istos Litteratos, esse artefacta iudaicæ superstitionis monumenta, vix dubitari poterit, plurima à superstitione gentis Rabbini ex arte combinatoriâ & cabalisticâ in characteribus tam multipliciter variatis, inversis, distortis, transpositis expressa esse, quorum omnium explicationem ex sensu judæorum, licet fabulosam, pollicemur. Profectò lapides ad usus ejusmodi sacros judæis posteriorum temporum in pretio fuisse, refert Rabbinus Hispanus in celebri apud Hebræos libro de Antiquitatibus Templi, cui Titulus *Schilte Hagiborim*; Tum quòd Lapides à Majoribus suis in Lege Veteri, in Titulos, Testimonia & Altaria, aut facti prodigiosi memoriam erecti sunt, ut legitur lib: Gen: cap: 28. v. 11. & v. 22. lib: Josue cap: 4. v. 3. &c. Tum quòd Lex tabulis lapideis inscripta, & Tribus duodecim, totidem lapillis pretiosis in Rationali Pontificis repræsentabantur. Undè, eodem Rabbino teste, solebant varia Dei Nomina, Laudes, Benedictiones, Lapidibus insculpere, quos belli aut persecutionis tempore, ne in hostium suorum manus inciderent, calce aut luto obductos, & obliteratos in locis abditis vel inaccessis recondebant.

Verùm, cur hos ipsos Lapides Nostros, Naturæ Effectici, & quocunque demùm modo operanti non tribuamus? Quibus Naturæ Conditor Deus erudire nos voluerit, & Laudes & Perfectiones suas in effectibus tam admirandis elucentes, ut, cum homines Factoris sui obliti taceant, Muti, sed in figuris disertissimi Lapides loquantur.



CAPUT



CAPUT UNDECIMUM.

An Lapidē nostri Idiomorphi artificiosā olim
manu confecti, & casu incerto in montem fa-
mosum delati, an ex causis naturalibus, more cæterorum
fossilium petricosorum orti & figurati sint?

Problema esto.

Uæstionis hujus dubiæ & controversæ deci-
sio, quod sæpiùs in præsentis Dissertatio-
nis decursu innui, incerta adhuc & sub ju-
dice lis est. Pro Arte rationes gravissimæ
militant, nec levioris momenti pro Natu-
rà: utrasque hîc perpendendas expono, suspensâ interim
sententiâ meâ, quam tunc proferre non morabor, cum
progressu temporis altius in montem penetraverint fosso-
res, & apertiora indicia detexerint, quæ in alterutram
partem, hærentem in bivio trahant & inclinent.

Ingeniosæ ac Dædalæ Artis solertiâ exsculptos esse La-
pides nostros figuratos, docere videtur ipsa eorum, for-
marūmque ex substratis tabellis prominentium tersissima
lævitas, quasi affricto pumice inducta, dum pars eorum
aversa & informis congenitâ asperitate sordida est, & hi-
ulca. Jurares, deprehendi in multis scalpri ab iectu regulari
aberrantibus iectus, ac residuas hinc inde fissuras, ipsæ verò
animantium & plantarum figuræ ita testantibus conside-
rantium oculis comparatæ apparent, ut primâ statim fron-
te citra ullam ad causas naturales reflexionem, artefacta es-
se censeantur. Insectorum etiam exoticorum & marino-
rum ectypa, bellissimè in multis vivorum prototyporum
imagines imitantia artificis peritiam loquuntur; dum ea
econtrâ, quæ Naturæ opificio figurari solent, manca ut
plurimum & defectuosa, ægrè similitudinem aliquam

umbratilem referant eorum , quæ ex phantasiæ determinantis arbitrio repræsentare existimantur : Quanquam & in nostris Iconolithis multa à perfectâ verorum animantium effigie non parùm aberrent, ostendântque imperitam sculptoris manum , formam ideamque eorum , quæ imitari fatagebat , parum feliciter assecutam. Inter insecta non pauca reperiuntur, non tantum peregrina , sed ita incognita & monstrosa , de quibus cum Naturalium rerum Scriptores, Jonstonius, Gesnerus, Aldrovandus, cæterique recentissimi , nullam mentionem faciant , eodem ex cerebro , quo Chimæræ, Centauri, & Hircocervi, nata, conficta , & in Lapidibus excisa , ad faciendam multiplici bestiolarum varietate, oculis intuentium oblectationem existimari potest. Ad hæc , cur Natura , quæ in omnibus Europæ Provinciis Petrificatorum Parens dicitur , licet modo operandi partim adhuc occulto , partim manifesto , & Eruditorum industriâ demonstrato , cur , inquam , nihil alibi produxit hactenus simile iis , quæ in agro Wirceburgensi inveniuntur ? An in solâ Franconiâ tam prodigiosa Lapidès figurandi facultate prædita , eâdem in solo externo destituta est ? An nullibi ejusdem speciei mollis gleba , terrestria salia , succi Petrifici , atque alia Petrificationis adjumenta , præterquam in Monte Eivelstadiano reperit , quorum subsidio tam insolentes Zoolithorum & Lithophytorum partus efformaret ? Quod cum difficulter adstrui & sustineri possit , meritò inter officinas artificum prima monstrorum incunabula investigantur. Ipsa Lapidum figuratorum per pedem & dorsum montis temerè sparsorum frequentia justam suspicandi ansam præbet , non hoc natale Idiomorphorum solum , sed tumulum fuisse , quo artefacta , nescio quo casu delata , & lapsum temporis terræ immersa & consepulta sint. Quid de Lapidibus Litteratis sive Grammitis & Grammatiis ultra centenarium numerum repertis dicam ? quorum alii characteribus profundè incisis , plurimi eminentibus & protuberantibus insigniti sunt diversimodè , jam exactè ad orthogra-

thographiæ regulas, jam distortè, litteris inversis, transpositis, mutilis, aut formæ tam insolentis, ut, cui idiomatici rectè adscribi possint, etiam Doctissimi & Polyglotti ignorent, quæ Linguæ imperitiam in rudi sculptore aptè monstrant. Nec solitarios tantùm characteres in faxis istis videre est, quod ex causis naturalibus quandoque fieri Kircherus, Assaltus, Helwingus, aliique affirmant, sed integra, rarissimo in Lithophylaciis instructissimis & penè inaudito apud Lithographos exemplo, vocabula & Divinarum Perfectionum Encomia leguntur, non in nudo solum Lapidis substrati cortice, sed quod admirationem auget, in Conchitis, Turbinitis, Cornibus Ammonis, Cochleis &c. quæ vel profundè incisis aut elevatis modicè characteribus extollunt prodigium, si quod Naturæ operantis esset, vel ad Artem, quod cogitatu pronius est, attonitum spectatorem reducunt.

Sed nunc Oedipo nobis aut Alexandro opus est, qui gravissimæ difficultatis nodum solvat, & vel conjectando, vel hariolando edifferat, quo fine, quos in usus enumerata antiquæ Artis monumenta non finè impensis confecta sint? An Arcium, Castrorum & Palatiorum ornamenta fuerunt? Habitabatur olim Eivestadium à Nobiliissimis Franconiæ Familiis & Pappenheimiorum quoque hodie dum extant insignia. Solebant rudibus medii ævi sæculis Architecti capitella columnarum, arcus concameratum, fornices, & id genus alia, Dracunculorum, Serpentum, Simiarum, aliorūmque monstrorum statunculis exornare, quod in residuis illorum temporum ædificiis obvium est. Mos hodiernus est hortorum & fontium maximè artificialium cryptas iis animalculis incrustare, & factis veluti nidulis exornare, quæ aquatica sunt, lacus, rivos, piscinas, specusque sylvestres incolere solita, ex quorum genere, cum pleraque sint, quæ nuper inventa exhibemus, quidni mentem subeat cogitatio, paucas istas licet pretiosiores illustrium ædificiorum hortorūmque reliquias hoc in monte præ cæteris reperiri, quod incultus & intactus

tactus perseverârit hactenus, dum colles vicini omnes vitibus consiti, exultique sunt, è quibus vinitorum labioriosa sollicitudo, quidquid occurrit Lapidum, eliminat, & in secretos extra vineas cumulos coacervat, qui, si inspicerentur, inventam hucusque figuratorum artefactorum multitudinem non mediocriter augerent, sicuti ante nostras in montis istius Lithophylacium observatio- nes jam plures stupente vinicolarum ruditate reperti, nostram de Antiquitate sententiam, nobis tacentibus, confirmârunt. Quodsi verò ex Arcium, Hortorūmque ruinis eruere non libet multiformem Lapidum nostrorum apparatum, fortè ad reliquias Paganismi jam suprà expositas rejectásque relabimur? Non diffiteor sanè, quia pro Arte dissero; atque ne prætermittam aliquid quod opinioni à me reprobatae favere possit, ipsam Paganarum c. 4. in genere allegatarum synopsin subjicio, ut, quid ex illâ pro Lapidibus nostris inter artefacta computandis afferri possit, eorum quoque oculis pateat, quibus vel Tomi Conciliorum, vel Monumenta Paderbor- nensia non sunt in promptu. Sunt autem Paganiæ si- ve superstitiones in synodo Germanicâ & Liptinensi Neo- Christianis prohibitæ sequentes:

1. De sacrilegio ad sepulchra mortuorum.
2. De sacrilegio super defunctos.
3. De spurcalibus in Februario.
4. De Casulis, id est Fanis.
5. De sacrilegiis per Ecclesias.
6. De sacris sylvarum, quæ Nimidas vocant.
7. De his, quæ faciunt super petras.
8. De sacris Mercurii & Jovis.
9. De Sacrificio quod alicui Sanctorum.
10. De Phylacteriis & Ligaturis.
11. De fontibus Sacrificiorum.
12. De Incantationibus.
13. De Auguriis vel Avium, vel Equorum, vel Boum stercoribus, vel sternutationibus.
14. De Divinis & Sortilegis.
15. De

15. De Igne fricato de ligno, id est Nodfyr.
16. De Cerebro Animalium.
17. De Observatione paganâ, vel inchoatione rei alicuius.
18. De incertis locis, quæ colunt pro Sanctis.
19. De petendo, quod boni vocant, Sanctæ Mariæ.
20. De Feriis quæ faciunt Jovi & Mercurio.
21. De Lunæ defectione, quod vocant vince Luna.
22. *De Tempestatibus, Cornibus & Cochleis.*
23. De fulcis circa villas.
24. De Pagano cursu, quem Yrias nominant, scissis pannis vel calceis.
25. *De eo, quod sibi Sanctos fingunt, quoslibet mortuos.*
26. De simulacro de conspersâ farinâ.
27. De simulacro de pannis factis.
28. De simulacro, quod per campos portant.
29. De ligneis pedibus.
30. *De eo, quod credunt, quia fœminæ lunam comedant, quod possint corda hominum tollere juxta paganos.*

Ex toto hoc superstitionum Neo-Christianis prohibitarum catalogo, eæ solùm Lapidibus nostris applicari possebant, quæ de Philacteriis & Ligaturis, fortè &, quæ de Cornibus & Cochleis loquuntur.

Familiaria Ethnicis fuisse Amuleta & Philacteria ex Thomasino de Donariis & Tabellis votivis, qui Plutar-chum & Varronem testes adducit, aliisque scriptoribus vulgatum est. Suspendebantur è collo non infantium modo, sed & adulorum, è liminibus domorum, è postibus lecticarum ac parietibus conclave, ad fascinum, morbos, incantationes, incendia, aliisque mala, sub Deorum Averuncorum (quos tamen ab ipsis Amuletis distinguitos særissimè adhibebant) auspicio avertenda: repræsentabant illa res quandoque turpiculas & obscenæ, formas Deunculorum, avium, piscium, bipedum, quadrupedumque animalium, serpentum, quin & vasorum factorum

rum aliorūmque inter sacrificia utensilium. De Amuletis Ægyptiorum fusè tractat Athanasius Kircherus *in Oedipo Ægyptiaco* diversis locis, specialiter verò *Tomi II. parte II. Syntagmate XIX. cap. I.* & seqq. ibidémque multiplices eorum imagines, sibi ex variis Virorum Illustrium Musæis communicatas, & æri aut ligno incisas exhibit. Capite quarto scarabæos prophylacticos quatuor describit ab Ægyptiis summè olim æstimatos, ita, ut cum aliis Amuletis in coronam colligatos collo, capiti aut brachiis imponeantur. Hos, ut aspexi, non multùm absimiles deprehendi bufunculis conchiti inclusis, quorum plures in Monte nostro collegi, unùmque Tabula II. exhibui, hoc solo discrimine, quod Scarabæi Ægyptiorum ventrem in planam superficiem elaboratum, & characteribus Gnosticis, vel Ægyptiis aliisque signis Hieroglyphicis insignitum habent. Bufunculi (Scarabæos possem dicere, adeò ad Kircherianorum formam in capite præsertim accedunt) absolutam undique concham, & ex alterâ parte rudem & impolitum Lapidem repræsentant. Isidem sub variorum animalium formâ ab Ægyptiis expressam cultámque laudatus Kircherus demonstrat. Eandem non in Ægypto solùm, sed & Græciâ, Phœniciâ, Lybiâ, Lusitaniâ, Italiâ, & Germaniâ divinis honoribus ritibusque ornatam docet Laurentius Pignorius *in Expositio Mensæ Isiacæ cap. 2. pag. 5.* Ubi illud pariter observandum venit, quod in *Anacephalæosi Oedipi sui Ægyptiaci cap. I. pag. 554.* asserit: Animalia quæ Ægyptii in Symbolorum vel Hieroglyphicorum fabricam assumperunt, non peregrina & extera, sed patria, domestica & ipsis familiariter nota fuisse, idque variis argumentis probat: Primo, quod Ægyptii raro vel nunquam Philosophandi gratiâ patrum solum egredi soliti, ut qui teste Strabone & Herodoto reliquas gentes velut barbaras ignaras, & Sapientiae suæ indigas reputarent: Artes quoque & Disciplinas veramque Philosophandi rationem nullibi nisi in Ægypto, sicut primâ terrarum, sic primâ quoque rerum productrice quærendas existimarent. - - - Secundo nullam quoque Animalium extra Ægypti limites

limites degentium singularem cognitionem habuisse Aegyptios, sed eorum tantum, quos fœcunda Mater Aegyptus illis producebat. Quod inde luculenter apparet, quia cum Aegyptii toti essent in Animalium virtutibus, indole, ingenio, sympatheticis & antipatheticis eorum affectionibus aliisque Naturæ dotibus perscrutandis, omnes eorum nutus, teste Plutarcho, & gestus minimasque actiunculas ad superstitionem usque observarent, imò maximam in hisce cognoscendis secretioris Philosophiae partem ponerent, certè earum virtutum, proprietatumque observationem, nisi in animantibus maxime obviis, iisque familiaribus minimè fieri potuisse, verisimile est. Quodsi ita, sanè nulla alia animalia, præterquam Aegyptia, quorum virtutes & proprietates ex quotidiana inspectione cognitæ erant, ad Symbolorum & Hierogrammatum structuram assumpta fuisse patet; cum nullam extenorum animantium cognitionem intimam babuerint. Addit insuper: Quodsi in multis antiquis fragmentis figuræ Cervorum, Elephantum, Galorum, Ursorum similiūmque incisæ reperiantur, nequaquam Aegyptiorum, sed Græcorum fragmentis accensenda esse. Ex quibus suspicari licet, ex Utriusque Gentis superstitioso artificio confectas esse animantium tam domesticorum & patriorum, quam exoticorum formas in Lapidibus nostris expressas, quas pro Amuletis & Philacteriis, cæterorum paganorum impio ritu, etiam in Germaniam ac Franciam nostram propagato adhibebant. Accepi præterea ex monte nostro Statunculas quasdam verè (ut ceptæ de superstitionis artefactis hypothesi conformiter loqui pergam) ad speciem prophylacticas. Formam fere eandem habent quam Serapes Aegyptiorum & Theraphim Judæorum, quæ Idola fuisse à Rachele, Patri suo Laban furto sublata, & à Judæis Aegyptiorum superstitionem imitantibus assumpta, eruditissimè docet laudatus sacerdos Kircherus Tom. 1. Oedip. Aegypt. Syntag. IV. pag. 259. & seqq. Erant autem Serapes Aegyptiorum figuræ sine ullâ membrorum eminentiâ veluti fasciis quibusdam involutæ, partim ex appropriato lapide, partim metallo, ligno aut testâ confectæ. Cum enim superstitiones reliquis Gentibus Aegyptii indignationem & offensam Deorum suorum metuerent, si mutila-

tilarentur eorum simulacra , tali ratione & modo con-
struebant, quo ab omni rupturâ aut mutilatione immu-
nia, integritate suâ , Deorum per Sacrificia attractorum
assistantiam & influxum continuò conservarent , quod
minimè futurum rebantur , si vel minimum membro-
rum vel incuriâ vel malitiâ hominum corrumperetur.
Quod vel maximè timere poterant in statuis ejusmodi
prophylacticis, quas secum, quoque pergerent , por-
tabant, ubi ex continuo usu & circumlatione, si mem-
bra exsuffitia essent , facilè contingere poterat, ut brachi-
um, manus, pes digitusve frangeretur. Eas proinde ta-
li sculpturæ apparatu formabant, ut solo, eoque vel ami-
ne munito capite extantes, reliqua corporis parte veluti
constrictâ fasciis, infantum vel Mumiarum Ægyptiarum
more fierent. Statunculæ meæ lapideæ non infantem
fasciis constrictum, sed Turbinitem vel Cochleam oblon-
gam exhibent, prominentē in unâ alterâve Idoli capite, cu-
jus locum in aliâ vel character, vel aliud signum hierogly-
phicum occupat , quod alio loco spectandum dabimus.
Nec abludit ab horum formâ id, quod Tab: II. videre est,
& ad Penatum Ægyptiacorum similitudinem aliquam
propè accidere videtur. Quos in usus Cochleæ servierint,
divinare non libet. An Cornuum nomine Cornu Ammo-
nis intelliġi debeat, dubito, de quibus tamen forsan ali-
quando fusiūs, Cl: Langius in *Histor: Lap: figur: Helvet: lib: 4.*
cap. 1. ex Plinio refert, Lapidem hunc inter sacratissimas
Æthiopiæ gemmas relatum, colore aureo Arietini Cornu
effigiem reddere, & prædivina somnia repræsentare, dum
capiti incubantium subjicitur : Ammonis Cornu appellari,
vel quod in solo arenoso circa templum Jovi Ammoni
à Baccho in gratiarum actionem ob inventum ductu
Arietis, quem Jovem fuisse existimârat, in Lybiâ fontem
exstructum, occurrat, vel, ut inventores hujus Lapidis ipsum
imposito Deastri cuiusdam nomine nobilitarent, vel deni-
que ex ipso cultu erga Jovem Ammonem. Fuit igitur
jam antiquitùs à male credulâ Gentilitate ad superstitiones,
quidni à Francis Ethnicis ad eosdem impios usus adhibitus?

Gram-

Grammitas nostros & Lapidés litteratos dum considero, Telesmata occurunt, non Turcis solum, Arabibus & Ægyptiis, sed & Hebræis, quorum characteres potissimum in Tab: VII. exhibemus, frequenter usitata. De constructione & usu Telesmatum videatur Kircherus Oedip: Ægypt: Tomi III. part. I. claf: V. Potissimum hujus fabricæ artificium in eo erat, quod ex Alphabeto Arabico juxta ordinem litterarum hebraicarum, potestate pronunciationis & valore numerorum æquipollentium disposito, varia formarent Nomina Dei, quæ singula in suos numeros resolvebant, singulos Numeros & litteras Præsides sibi Angelos habere fabulabantur, quos in elementa, planetas, signa Zodiaci, totius denique mundi membra influere estimabant; ex quorum combinationibus & laboriosis coacervationibus (quod Tabulas Kircherianas insipienti patet) sua formabant Telesmata, inscribebant, & insculpebant gemmis, membranis, sigillis, fasciis, vexillis &c. quæ ad varia vitæ humanæ commoda procuranda, aut mala avertenda, imò ad ultionem de hostibus sumendam, dannaque inferenda mirificâ vi pollere, impiè sibi aliisq; persuadebant.

Atque utinam malefica hæc ad pessimos usus construendi Telesmata supersticio apud Christianos hodie non recrudesceret! Qui insanum artis cabalisticæ studium apud Hebræos etiam perpendit, mecum non inficiabitur, confecta ab illis & in pretio habita fuisse Telesmata. Quid enim aliud Prophylacticas illas contrâ febres aliisque morborum genera, contra incendia, contra tempestates & fulmina schedas, quam Telesmata dixeris, & certa continua-tæ ad nostra usque tempora superstitionæ vanitatis documenta? Abutebantur hunc in finem Divinis Nominibus & Cognominibus, quæ varie in Sacris Codicibus expressa, suis ipsi observationibus, calculationibus, scribendi pingendive modis ad effectus extraordinarios impetrandos intor-quebant, ut ex iis, quæ laudatus Christfels de Lapidibus nostris ad Tab. VII. ex Scriptoribus Hebraicis succinctè at-tulit, colligitur, & intimus Doctrinæ judaicæ inspecto-

80 LITHOGRAPHIÆ WIRCEBURGENSIS

Religiosissimus Censor Kircherus cit. p. i. Tom. III. class. IV. doctissimè demonstrat simul & confutat. Inspice nunc B. L. Lapi des nostros characteribus Hebraicis insignitos in quibus cum Dei Nomen Sacratissimum diversimodè expressum legis, nunquid venire in mentem potest, judaica hæc Amuleta fuisse, in montem istum vel judæorum superstitiones suas cum Eivelstadio migrarent, occultare volentium industriâ, aut alio quocunque demùm casu defossa? Nec obstant obvii in litterarum & vocabulorum figuris errores, metatheses, characteres ignoti & peregrini, ex quibus vel mysterium aliquod, vel imperitiam sculptoris, vel exoticum secreti studium in gente perfidâ judicabis. Opinabantur aliqui ex sepulchris Eivelstadianis lapi des nostros Hebraizantes, ut ita loquar, in montem nostrum delatos: Verùm Telesmatis & Amuletis propiores sunt, quàm sepulchralibus Epitaphiis. Insculpunt iis Judæi quandoq; unum ex signis Zodiaci conveniens Mensi, quo natus in mundum defunctus fuit. Si de stirpe Leviticâ sanguinem traxerat, pelvis apponunt cum malluvio, si de genere, ut somniant, Aaronico, manus efformant, inciduntq; methodo sequenti complicatas: Pollicem pollici, Indicem indici, & medios digitos complicatos apprimunt, annularibus & auricularibus elevatis, quo gestu dum benedit populo, insidentem digitis Dei Spiritum sibi fingunt, nec intueri, ne cæcitatem percutiantur, manus præsentia Numinis sacratas præsumunt. Simile nihil hucusq; deprehensum est, præter notas stellarum & characteres sæpè dictos, qui ad Philæteria aut Telesmata rectius, quàm ad monumenta defunctorum spectare videntur.

Atque ita vix aliquid à me prætermissum aut dissimulatum esse arbitror, quod ad Lapidum nostrorum originem ab Arte antiquâ petendam vel proponi vel excogitari possit. Nunc pro Naturâ Iconolithorum tam mirabilem effectrice loquendum est: quod priusquam aggrediar, per brevem apologiam interponere compulsus sum, ad famam meam ab imposturæ notâ, & à modernæ Artis novitate Lapi des Wirceburgenses vindicandos.

CAPUT



CAPUT DUODECIMUM.

Lapides nostri Idiomorphi non sunt recenti arte manūque facti & suppositi, ut quidam fin gere, & palmare commentum, sparsis quaquaversūm fabellis & narratiunculis publico venundare, non verentur.

REtuli in prooēmio rarissimam figurarum in Lapidibus nostris novitatem, nec Herbipoli, nec inter exterōs, quantum ex pluribus diversarum Nationum Lithographis, eorumque commentariis discere licuit, visam aut cognitam, Viris Litteratis ansam dedisse, nescio quid, de suppositione & imposturā suspicandi. Hos inter ille ipsissimus fuit, qui post habitam à me aliisque amicis frequentem montis & effossonis inspectionem, diligēnsque circumstantiarum huc pertinentium examen, mecum de rei veritate jam certo & penitus convicto, in locum monstrorum ejusmodi feracem profectus, suāque manu non unum figuratum lapidem effossum, non modò testatus est, sed & de eorum origine sententiam rogatus, dixit, credere se Iconolitha ista arte facta esse, sed antiquā, & Gentilismi Veteris reliquias, Episcoporum Germanicorum & Carolomanni Ducis studio, Christianæ plebi, superstitionis Ethnicorum ritibus adhuc addictæ eretas, ac in hunc montem abjectas; de quo cap. 4. disserui. Securo igitur tranquilloque animo calamoque ceptam de hoc argumento dissertationem prosequebar, quam jam penè ad calcem perduxeram, cum inopinatus ad me rumor defertur, spargi per urbem passim, atque apud Magnates præcipue ac Eruditos, Lapides ad unum omnes, quos Virorum Sapientum judicio edito tractatu exponere yellem, recenti manu & arte exsculptos, atque per

intervalla, inde tanquam ex vetustissimo tumulo erutos, mibi
 fraudis ignaro, & cæcā curiositate avidè abrepto venditos esse:
 Decepsum me, pari infelicitate mundo illudere, dum merces pu-
 tridas & novitias pro genuinis & antiquis, non sinè tacito Pru-
 dentum risu venales exponerem. Obstupui vehementer, cum
 fabulæ hujus & atrocissimæ calumniæ authores intellige-
 rem esse Duumviros, vel par antagonistarum potius,
 quorum nominibus certis modò de causis parco, omni
 alias à me officiorum genere cultos, & aliquamdiu So-
 cietatis Academicæ collegas. Cur, inquiebam, si quod
 prudens in materiâ ancipiti dubium occurrit, si iterum
 suspecta esse cepit Lapidum genesis, cur mihi, aut si ani-
 mum in me præoccupatum aversabantur, cur aliis toties
 ad controversias Litterarias expendendas congregatis pro-
 ponere verebantur? Cur argumenta pro antiquitate La-
 pidum istorum in cœtu publico allata, oppositis fortiori-
 bus non eliserunt, & occultæ fraudi larvam detraxerunt?
 Cur dissimulârunt tamdiu, & nunc demum litem acer-
 bam movent, cum opus sub ultimâ manu & in vestibulo
 est, ut in publicum progrediatur? Nimirùm studio hono-
 ris mei, imò urbis & patriæ se incitatos dicunt, ut nunc cursum
 vanissimi laboris mei sistant, cum præcipitio proximus, famâ pe-
 ricliter. Supprimendum opus, quod exteri fannis excipient, &
 præproperum Authorem vel supine ignorantiae, vel manifestæ
 imposturæ arguent. Si ita est; cur clam me aguntur omnia?
 Cur præsentem & sæpius familiariter colloquentem non
 admonent, edocent, dehortantur? Si suppositio ipsis
 tam certa & aperta est, cur machinas occultas substruunt?
 Cur delatione & demonstratione publicâ non ostentant?
 Cur viam modumque adhibent, Viro cordato & honora-
 to tam indignum, tam inusitatum? Attende, obsecro,
 B. L. rei contra me gestæ succinctam seriem. Paucis ab-
 hinc septimanis alter Duumvirûm, montem hactenus ju-
 stis de causis occultatum, ipsique bonâ fide & Amici-
 tiæ ergo sub rosâ detectum, me inscio, & quod scire
 potuit debuitque, invitissimo propalat: Itur in locum
magno

magno strepitu, constituuntur fossores, multis inspectantibus eruti Lapidès, coram oppidanis inter pocula, falsitatis, suppositionis, & imposturæ accusantur, & non sine dictériis condemnantur. Non multò post alter Dumvirūm, artificii, quod in paternâ fortassis officinâ didicit, specimen facturus, Lapidibus tractabilioribus characteres hebraicos cum cultello, hebræis in circumcisione usitato, formásque Dracunculi alati, Muris, Leonis, Mali granati, &c. insculpsit, nonnullos eorum in diversis montis famosi prominentiis suā manu supposuit, unūmque ex his & alterum Lapicidæ puero, hunc in finem magnis pollicitationibus conducto, & subornato, mihi vendendos commisit. Redit mox fraudis minister puer, venditæ imposturæ pretium exhibet, applauditur, & pro re benè gestâ liberale prœmium offertur.

Te nunc Benevole Lector appello, ad tuam æquitatem provoco, Te arbitrum constituo. Quis machinationum tot clandestinarum scopus fuit, nisi, ut sumptus, labores, operam, famámque meam hoc astu velut iætu unico prosternerent & profligarent? Et respondisset fortè tam callidis conatibus optatus eventus, nisi vigili oculo, propitióque Numine patefacta fraus, ne adolesceret, in cunis suffocata fuisset.

Sed indulgeamus aliquid consiliis & votis æmulorum nostrorum: demus spurios istos artis novitiæ partus genuinis lapidibus nostris permixtos, inventos, & Lithophilis obtrusos esse; An ideo, quidquid Iconolithorum à me sex mensium spatio inventum est, imposturam sapit? Nulla ætas, nulla Provincia est, quæ falsarios passa non sit, & monetæ corruptores. Sunt, qui Nummos Romanos, Græcos, Ægyptios, aliósque, gemmás quoque scultas tam dexterè imitantur, ut peritissimos Antiquarios decipient; idem de picturis & statuis judicium esto: An ideo Nummi omnes, quibus vel in quotidiano commer-

82 LITHOGRAPHIÆ WIRCEBURGENSIS.

cio utimur, qui in agris, villis, vineis, urbium & sepulchrorum ruderibus, in Romanorum Græcorumque priscis stationibus reperiuntur, an gemmæ, picturæ, statuæque omnes, quæ in Technico-thecis Regum & Principum asservantur, non antiquæ artis monumenta, sed adulterina impostorum artefacta sunt, antiquam elegantiam peritæ fraudis imitatione mentientia? Sanæ mentis nemo id affirmare, nec ideo suppositorum numero genuinos lapides nostros accensere ausit, quod invidæ artis industriâ paucos aliquos effictos & Lithophilorum manibus obtrusos intelligat. Hoc ut pluribus rationibus demonstrem, Te præprimis B. L. monitum velim, figuræ omnes, quas in Tabellis huic Dissertationi insertis spectandas exhibeo, longè antea à pictore delineatas, & Chalco-grapho demandatas esse, quām Duūmviri isti de movendâ controversiâ cogitarent, aut antiquitatem Lapidum suspectam haberent, nihil proindè conspectui tuo considerandum dedi, quod novus iste Praxiteles scalpro & ingenio suo queat vindicare.

Longè antiquiora sunt, vivuntque cives in oppido vicino honestissimi, qui jurati testantur, jam ante annos multos proles suas, dum ludibundæ in monte isto vagarentur, Lepidæ figuratos attulisse domum, non sine parentum admiratione, qui tamen ignari, quo in pretio Litteratis sint saxeæ ista prodigiæ, nonnulla curiositatis gratiâ asservârunt, plurima neglexerunt. Quis ille præterlapsis temporibus artifex fuit, qui sumptus & operam impedit, ut clam pueris ludum faceret? Scilicet quod priscæ fidei & integritatis indigenis in mentem non venit, peregrini & advenæ audaci temeritate moliuntur, non ut pueris, sed Viris ex omni ordine Gravissimis, imò toti Franconiae imponant. Quibus enim rationibus poterunt persuadere, ingentem Lapidum effosorum copiam artificiosâ falsarii cujusdam fraude tantillo tempore confectam, & in hunc locum omnibus obvium, oppidano-

rum

rum in vineis contiguis æstatis, autumni, Veris, imò & hyemali tempore hærentium oculis expositum ita clanculo deportatam esse, ut nunquam furtivi vespillonis umbram aut vestigia observarent. A mense Junio præterlapsi anni 1725. usque ad Novembrem per intervalla & vix non per otium, conducti à me operarii, montem perlustrârunt, rigidissima anni currentis hyems & densæ nives suspenderunt negotium, donec solutâ glacie, mitior tellus cœlumque, ligoni aditum in viscera permitteret. Effossa sunt sex mensium spatio figuratorum lapidum circiter duo millia, ijs non annumeratis, qui vel diluvianis accensentur, & ingenti copiâ sese ostendunt, vel qui monte jam patefacto à tenuioris fortunæ incolis lucri causâ promiscuè eruti, venales circumferuntur. Testantur præterea scultores nostrates, Zoolitha & Lithophyta plurima in saxis solidissimis, siliceâ aut marmoreâ duritie præditis adeò exactè bellèque animantium aut plantarum formas referre, ut vel uni exsculpendæ unius & alterius diei labor continuus vix sufficiat, id quod experientiâ propriâ Novitus ille suppositorum lapidum Artifex forsan didicit. Finge nunc, & crede, si libet, sex mensium spatio ingentem Iconolithorum numerum tanto labore, nec minore pretio ab unico fossore ignaro confectum, & eo fine in monte defossum, ut unus ego in fraudem inducar. An absurdius commentum Cretensium mendacissimus excogitavit unquam, & auditoribus obtrusit? Fossores meos, quorum operâ hoc in negotio unicè usus sum, quod attinet, tres sunt germani fratres, pauperculæ viduæ filii, quorum natu-maximus ætatis annum decimum nonum nondum explevit, reliqui pulsiones sunt. Hi artis sculptoriæ prorsus rudes, quod D. Parochus, & Magistratus oppidi, de educatione eorum, modòque vivendi, séque alendi quām optimè informati testantur, mercenariam operam lapicidis in montibus vicinis locabant, & accepto pro diurno in eruendis saxis, aut glebâ, fragmentisque removendis labore, modico stipendio, se matréisque suam utcunque sustentabant: à me

Y

autem

autem casu fortuito conducti, & liberaliore laboris pretio illecti, relictis fodinis sese totos eruendis minore difficultate lapidibus meis impenderunt, modo quidem, quo poterant, occultissimo, ne & alii spe paris lucri incitati se socios laboris adderent, lucrūmque diviso, inter plures operæ pretio, diminuerent. Horum artibus quò minus adscribi possint lapides nostri Idiomorphi, facit figurarum in plerisque exacta ad Naturæ prototypon imitatio, plantarum exoticarum, & peregrinorum animantium in his terris vix Litteratis visorum & eleganter expressorum frequentia, characteres & vocabula diversarum linguarum modis tam diversis, nunc inversi, nunc transpositi, nunc debito ordine collocati, & quæ alia sunt saxorum istorum portenta, tum etiam puerorum fossorum ætas, imperitia, simplex integritas, in quam technæ tales minimè cadunt. Si dicis aliorum artificio effictos, fossorum manibus monti illatos, ac rursus effossos, mihique venditos; Næ tu opulentum & industrium tibi impostorem fingis, qui in fraudem, simplici puerorum loquacitate facillimè manifestandam, sumptus laborésque immodos, incerto eventu impenderit, & hodiedum impendat, ut diversissimis operariis montem jam notissimum scrutantibus suppetant ea, quæ vendant inquilinis & exteris, ac ita non soli mihi, sed & quam plurimis aliis, licet ignari, illudant. Cur variant modo Duūmviri, & sculptos nunc proclamant, quos paullò ante figulorum opificio, factâ per formas (tam diversas nempe) impressione, igne coctos, & quasi lateres tostos esse volebant? Cur à Sententiâ Paganismi magno strepitu & non sinè ambitiosâ historicæ observationis jactantiâ quaquaversùm prolatâ recesserunt tam subito, convicti nimirùm lapidum multitudine, quam minimè sperabant: scilicet à Lusu Naturæ Duumvirûm alter ad Paganismi reliquias, ab his ad imposturam delabitur, factus denique iterum Ludio, quod priùs esse detrectabat?

Ipsa montis inculti constitutio iniquæ cavillationis faltitatem, rubigine, ut ita loquar, gramineâ, quâ incrustatus
cer-

cernitur, ad oculum demonstrat. Est, ut cap. 2. dixi mons sterilis, virgultis hinc indè ex Betulâ & Abiete præsertim enascentibus hispidus, musoso & annoso gramine fruticibus & radicibus arctè implexis, reticulari veluti loricâ testus & armatus, nec ab hominum memoriâ ligonem aut harpaginem passus (cacumen excipio, pro terrâ habili vinetis importandâ sæpius aperiri solitum, sed saxorum figuratorum minimè ferax) tellure sub viridi clypeo intactâ, & virgine. Itaque densus iste ramosusque terræ cortex priùs perforandus, dilacerandus, ac removendus est, priusquam in glebam lutosam penetrâres, in quâ lapides nostri, si non generantur, saltem cujuscunque demum artis & operis pervetusta monumenta delitescunt: si proindè falsiorum nuperimorum dolo & studio lapides noviter sculpti ac dicto in loco reconditi sunt, deprehensa fuissent recentis fossionis vestigia, laceri corticis spectabiles fissuræ, hiulcum solum, & similia laboris etiam à mense tentati peractique documenta. Nihil istiusmodi haec tenus observatum est ab iis, qui repetito sæpiùs itinere, mutatis pro arbitrio fossoribus usi, jam hoc, jam alio in loco, prout opportunum videbatur, penetrârunt in montem, laborantium manibus vigili oculo intenti, ne, quod pariter jactitatum fuerat, in ipsâ fossionis occupatione lapides sub veste absconditos clanculum projicerent. Horum Nomina testimoniâque, ut ex Gratio Eorum Annutu possem, si hoc loco apponerm, erubescerent obtrectatores mei, & serâ audacis cepti pœnitentiâ ducti, recidere in caput authorum telum calumniæ non sine vulnere sentirent, præsertim, cum institutâ inquisitione convicti, & ex propriâ confessione, suppositionis rei declarati sint.

Verùm nunc cæcutiunt omnes, soli ipsi plûs Argo oculti sunt: vident soli, quia soli invidet. Supposititii lapides omnes sunt, quia Duumvirûm alter spuriū artis suæ fabrilis, dicam, an sculptoriæ opus malâ fraude suppo-

86 LITHOGRAP. WIRCEBURG. SPECIMEN PRIMUM.

suit; Tot Testibus omni exceptione majoribus, nedum verbis meis fides non habetur, quia Litteraturæ Franco-nicæ restaurator, si superis placet, & Polyhistor non dixit, qui id solum credi, & pro oraculo haberi vult, quod, & quia ipse dixit: *autem ipsa*. Occurrit opportunè mihi Plauti Curelio, in quo Comœdus dixit, descriptsque omnia, quæ de Viro nimiâ philautiâ occupato dicere sapientes possent.

*Date viam mihi, noti, atque ignoti, dum ego hic officium meum Facio, fugite omnes, abite, & de viâ secedite,
Ne quem in cursu capite, aut cubito, aut pectore offendam aut genu &c.*

Sed parcus ista modò. Arroganti epistolâ Praxites supradictus bellum indixit: commentariolum minatus est, quibus lapides meos *suppositios* demonstrabit; erravi: non meos, sed quos suâ manu finxit & supposuit, suos scilicet. Sic homo obscuri hucusque inter Litteratos nominis, & Scientiarum Tyrocinia nondum egressus, auroram claritatis suæ in calumniâ ac imposturâ verè erubescendâ quærerit. Execto firmo pede Schediasma, imò Satyram, quid enim mitius è calamo animoq; tam amaro promanabit? sed vitio mihi non vertet ipse, nec quem patronum & adjutorem, si non authorem litis intentatæ & motæ habet, si orbi diducto velo ea postmodùm lacesitus & provocatus aperiam, quæ nunc tacitus prætermitto. Non possum tamen, quin symbolo gemmæ, quâ epistolam comminoriam obsignavit, aliud opponam personæ ipsius magis conveniens. Rosam sibi audax Novator elegit floridam & spinosam, cum Lemmate: *Non tangor impunè:* Rosam sculpere debuisset, sed foliis deciduis marcidam, relicto calvo sterilique stolone, solis spinis armato, subscriptâ Epigraphe: *Supereft vis sola nocendi.* Expositionem lemmatis aut ipse sibi faciet, aut ego in extortâ justâ veritatis & innocentiae defensione orbi explicabo.

COROL.

CAPUT DECIMUM TER- TIUM.

Afferuntur rationes æquè graves pro Origine
Lapidum nostrorum figuratorum, Causis
Naturalibus, non verò Arti tribuendâ.

Pse mihi viam præclusisse videor, Natales Lapidum Wirceburgensium è Naturæ penu de promendi, dum plerasque causarum Naturallum, quibus celebriores Lithographi fossilium monstrorum partus tribuere solent, Idiomorphis saxis nostris minimè applicari posse, superiùs ostendere conatus sum. Quodsi tamen Caput quartum, ubi Reliquias Paganismi rejecimus, attentè examinaveris, Artem non minùs ac Naturam inter Iconolithorum tam prodigiosorum genearchas non computari, ac de utrâque idem suspenso judicio, me existimare affirmabis, præsertim cum ea, quæ de Amuletis & Telefmatis cap. xi. attigi, facillimè evertantur, si vel ipsi Lapedes non in solo typo, quem absentibus communicare potuimus, sed quales, quaque formâ eruuntur, spectandi præsentibus porrigantur. Unde facilis conjectura fit, non ad scalpra statuariorum, nec ad figulorum rotas, nedum ad insidiosas æmulorum, ut mitissimè dicam, manus configiendum esse, ut fossilium Animantium, Plantarum, Stellarum, aut similiūm figurorum genesin detegamus. Noverunt Lithographi, &, si spectare corām aut possent aut vellent, tūm in domesticâ Lithophylacii mei supellecstile, tūm in famosissimorum Scriptorum tabulis æneis exhiberem ea, quæ extra Franconiam Natura Thavmatura operata aut imitata est. Peritis & oculari experientiâ edoc̄tis loquor, quibus nec mirum, nec insolens videbitur id, quod ager Wirceburgensis peperit, si iis comparetur, quæ in Helvetiæ,

88 LITHOGRAPHIÆ WIRCEBURGENSIS

Hungariæ, Austriæ, Saxoniæ, Episcopatûs Eichstettensis, Hassiæ, Thuringiæ &c. montibus, Fodinis, antris & spe-cubus tantâ multitudine reperiuntur, quin ulti Inventori Lithophilo Artis in saxis istiusmodi elaborandis impensæ suspicio inciderit. Exemplis illustrare assertum possem, sed quia brevitati studeo, nec textum verborum meorum, more multorum, suppositis notis, & exscriptis Authorum suffragiis & longis digressionibus, ad procurandam Dissertationi in modum codicis infarti spissitudinem, famamque multæ lectionis aucupandam, amplificare volui; ad Eruditorum, quibus talia nec nova, nec peregrina sunt, assensum confidenter provoco.

Invenitur in Monte Eivelstadiano Lapidibus nostris de artificio suspectis permixta ingens Chamarum, Pectinum, & Pectunculorum, Tellinarum, Musculitum, Ostracitarum, Conchitarum, Cochlearum, Turbinatum, Nautilorum, Cornuum Ammonis diversarum specierum, copia, eodem terræ sinu, eâdem terræ glebâ recondita, quæ alii Diluvianis reliquiis, alii projectis oceani, per occultos fluminum è sinu suo orientium canales, terram permeantis excrementis, alii aliis Naturæ petrificantis operæ attribuunt: Cur in istorum analysi ad causas naturales recurrimus, fratres verò gemellos, figuratos, inquam, Lapi-des cæteros eodem è gremio effossos Novercæ Arti adjudicamus? Quis parentum tam diversorum sobolem genuinam alteram, alteram spuriam & adscititiam uno in sinu & acervo ita commisicit?

Inveniuntur non paucorum insectorum, plantarum, fructuūmque figuræ solitariæ, & suis matricibus involutæ, è quibus, ut ex ovo pullus, exclusæ apparent, docentque, quod genus unde domo. An fortè ut gypseæ formæ cera, ut argillaceæ metalla, sic liquefactæ subterraneis pyrophylaciis, aut radiis solaribus, aut imbrum alluvione, petræ infusæ sunt, & excavatam Arte glypticâ cancrorum, lacertarum, cochlearum domiportarum imaginem induerent? Quis malum Armeniacum Tabula VI.

ex-

expressum tam dexterè ex lapide prorsùs arenoso formavit, ut nucleus suis membranulis & cortici involutum, & à reliquâ fructûs massâ separatum, illæso cortice infreuerit?

Inventa sunt æstivo tempore in monte isto insecta viva, planè exotica & incognita, aranei vultûs humani trucem formam referentes, quales Ulysses Aldrovandus figur. XV. de insectis sub nomine phalangii sive Tarantulæ describit: In Tab. XXI. fundulum intueri licebit, exactissimè etiam quoad colorem cæteraque attributa cum Telinulis nondum penitus petrefactis expressum: Domunculæ vesparum cerosæ, non lapideæ, & alia id genus multa, quæ ibidem petrefacta, effodiuntur. An viva illa animalcula etiam arti accensebis? Et cui alteri quām maleficæ, si è naturalium animantium classe excludas?

Inveniuntur eodem in loco frequentes siliceâ duritie lapides, quibus fluor seleniticus & cristallinus coloris lutei petricosus inhæret, in guttas & globulos, in columellas & gyros, variis cavitatibus hiantes eundem planè in modum induratus, quo summâ hyeme deciduæ è tectis nivium liquefcentium stillæ, aut in cryptâ subterraneâ Homburgi ad Mœnum succus destillans petrificus in cu-neos, vel glaciales vel saxeos congelatur: &, quod causæ naturalis opificium manifestius commendat, fluor idem quandoque in bufunculum, alibi in lacertam, sed dimidiâ sui parte perfectam desinit, ut operis incepti fastidio correpta Natura, aut aliunde impedita desiisse videatur, Atque hæc ipsa materia Iconolithorum nostrorum plastica, hæc fortassis origo & semen existimari potest. Non possum hîc præterire ea, quæ Cl. Helwingus part. I. Lithograph. Angerburg. pag. 35. refert, argumentum hoc meum non mediocriter illustrantia: Reperi, inquit, in Angliâ propè Harvich, ad littus Oceani, penè ad milliaris distantiam, lapidum numerum ingentem, nam totum illud spatium, sicut alia littora arenam, loco istius petrefacta corpora, parva, magna, monstrat in maximâ quantitate & abundantia. Non potui differentiam,

quam proclivis ad generandum *Ancilla summi (Natura)* ibi ministrat, satis admirari. Nam licet omnes ex luto certo pingui, quod agitatione maris rotundam istam, quam præferebat, figuram edidicerat, essent fabricati, diversi tamen coloris, magnitudinis, consistentia, mixturae erant infinitæ. Aliqui duritatem perfectissimam acquisiverant, & nihil erat, quod ipsos non assimilabat lapidibus illis, qui in plateis Londinensibus reperiuntur, quidam autem incipiebant primùm indurescere, & quorundam pinguedo erat tam mollis, ut digitorum vestigia, quando impri- mebantur, relinquenter. Narrat postmodum, quâ ratione ipse molli huic glebæ characteres varios impresserit, acus infixerit, spatio horarum 12. tam fortiter induratas, ut sine effracto lapide evelli non possent. Pergit, & ait: *Observavi etiam à siccitate solis & soli limum istum in quibusdam geniture sue speciebus fissuras parvas, & in majoribus maiores accepisse, & postea salis quandam efflorescentiam cum liquore lapi- descente mixtam locum & rimaturam expleuisse, unde marmo- ris mirè variegantis species in pluribus reperiebatur.* Confer nunc hæc Lithographi expertissimi dicta cum iis, quæ cap. II. de Indole & plexu lapidum nostrorum comme- moravimus: dubitabis sanè an littoris Harwicensis poti- us, an Montis nostri glebam describere Helwingus volu- erit. Inveniuntur in eo Britannici maris littore *varia pe- trefacta corpora, parva, magna,* inveniuntur eadem in Mon- te nostro; *Lutum pingue est, alicubi induratum, alibi indure- scere incipiens, alibi pinguedo mollis,* quæ omnia solo nostro conveniunt. Invenit ibidem marmoris mirè variegantis spe- ciem; idem cum summo intuentium stupore & hic depre- henditur, ubi politi Conchitæ & poecilospermi lapides detracto cortice marmor exhibit, rubei, subflavi, cine- rei coloris, in quo venarum & macularum multicolorum locum subeunt, concharum, pectunculorum petrifica- torum nigræ, albentes & flaventes lineæ, cæterorum mar- morum striatam varietatem superantes. *Petrefacta illa littoris Harwicensis corpora Naturæ opera agnovit Hel- wingus,* licet suâ ipse manu artéque figuræ quasdam cu- riosi-

riositatis studio impresserit: Tu quoque è numero Natufalium effectuum petrefacta nostra non eliminabis, licet Antagonistarum manus non curiositatis, sed cavillandi studio, suis quædam simulacra scalpellis formaverint.

Quid si pro vindicandis Naturæ lapidibus nostris, in sententiam anonymi à Büttnero in Coralliographiâ subterraneâ ex Cl. Spenero non sine aculeo perstrictam descendens dicerem, hanc esse naturam lapidum nostrorum, sic figuratos nasci, esse Lapidès Sui Generis ab Authore Naturæ sic conditos, qui non minorem lapidibus, quam vegetabilibus & animantibus varietatem pro liberali Omnipotentiæ Effectricis fœcunditate indiderit.

Opinionis hujus piæ magis & expeditæ, quam eruditæ & physiologicæ rationem aliquam peto, ex Conchitis & Pectinitis, qui tanto numero passim, etiam non inquirentibus occurunt, ut amplissimis mœniis & palatiis extruendis abundantissimam materiam, eamque pretiosam & solidam, quia marmoream, suppeditant, quos marinis partibus, quo minus adscribas, obstant doctissimi Langius & Luidius iis argumentis, quibus diluvianos acriter impugnant. Cornua Ammonis per Franconiam milena & millena in lapidicinis effodiuntur; solus ego ad ducentas elegantissimarum figurarum & specierum diversissimarum etiam ad multarum librarum pondo cum & sine juncturis, articulationibus, concamerationibus possum, nec omnia acephala, sed capitata, rostrata, oculata. Nec ullus est, quod sciam, legerimvè, qui tot diversas testas, pisces, aut insecta viva vel extincta, quorum formam exhibent, sive in gyrum convoluta, sive explicata, ex quocunque mari vel lacu extraxerit, dederitvè spectanda. Et, quare obsecro, inter tot cornuum Ammonis & Nautilorum millia, non in monte solùm Eivelstadiano, sed in singulis lapidicinis ac vineis frequentissimè se se offerentium, nec unicum quidem cum armaturâ crustæ, testæ, corticis aut squammarum & tegumentorum vestigiis hucusque licuit reperire? Cur Pectinitæ, Pectunculi, Chamæ, cæteraque conchylium lapidescentium ag-

mina iis nativis armaturis semper destituuntur? si pisces illi aut insecta marina monstrofa fuerunt, quo vento, quâ procellâ, ex quo Oceano in Franconiam delata, qui in cornua Ammonis undulata, sed diversis capitibus, striis, sulcis, tuberculis ornata, rarissimo nec hactenus viso prodigio indurata à me servantur? Quis in Conchitis arctissimè conclusis & effractis insecti alicujus reliquias unquam conspexit? Quis Pectunculitas in internâ suâ parte naturâ suâ alias læves, tot striis sulcîsq; non secùs ac in extimâ facie suâ inaravit?

Quis Lithographorum perspicacissimorum Cornuum Ammonis tam diversorum genesin ad hanc usque diem ita dilucidè & irrefragabili calamo detexit, quin graviissima supersint argumenta, quæ eorum è diluvio universali originem dubiam faciant, & incertam? de tot Conchitis pelagiis & anonymis nec à *Listero* nec *Bonnano* descriptis & depictis, quorum haud mediocrem etiam apparatus mons noster alit, sintnè singuli profapiæ maritimæ adhuc sub judice lis est. Cum conchylia illis similia è maribus vel ejecta, vel ab urinatoribus extracta, nec meum nec aliorum conspectum hucusque subierint, licet selectissimorum testaceorum utriusque etiam Indiæ aliquot millia aliquando habuerim. An non igitur dicendum foret mecum, quod sint lapides generis & indolis suæ, non minus ac gemmæ, marmora, magnetes, pyritæ aliisque mundani lithophylacii prodigia & ornamenta? Quid si & idem de lapidibus nostris figuræ tām singularis edixeris?

Sed manum de Tabulâ. Tabellas meas Examini Virorum sapientum subjcere volui, eorūmq; sententiam in re novâ & ancipiti experiri, non meam dicere; Eruditis scribo, in re tam controversâ erudiendus doctissimis responsis, quæ vel à typo, vel à calamo expesto. Lumen Lithographi illustres, ut spero, affudent, argumento quām insolenti, tām obscuro: Huic faculam quoque meam superaddam, & quid Wirceburgensis Ager continuato fossorum opere imposterum detexerit, & quidquid penitus sentiam, palām facere, & declarare

non gravabor.

CAPUT

CAPUT DECIMUM QUARTUM.

Synopsis Tabellarum reliquarum, in primo hoc
Lithographiæ Wirceburgensis specimine
exhibitaram.

Postquam hactenus de Lapidibus figuratis Agri Wirceburgensis in genere, ac de nonnullis, licet breviter in specie differui, insertis hinc inde ad fidem verbis faciendam Tabulis, superest, ut reliquas, ad promissum ducentorum & ultra Iconolithorum numerum complendum, conspectui & exanimi Tuo sistam. Id verò Te B. L. monitum præprimis velim, in feligendis ac disponendis lapidibus non observatum à me ordinem, quem Zoologi & Lithographi per varias regnorum Naturæ classes, ipsaque animantia & vegetabilia in suas species redigenda adhibere non ingeniosè minus, quam eleganter consueverunt. Ut methodum fortè non adeo perfectam probatamque tenerem, temporis brevitas, operis maturati, quandoque alternantibus munera meorum publicorum curis ac laboribus interrupti acceleratio, &, quæ præcipua causa fuit, lapidum, nondum in tantâ multitudine, quam illos hodie possedeo, coäcervatorum paucitas, è quibus selectum pro arbitrio facere non licuit, sed prout effodiebantur, in hunc, quem exhibeo, qualemcumque ordinem collocare, & pictori delineandos, chalcographo laminis insculp endos tradere coactus sum. Omissis igitur tabulis septem, quas in præcedentibus paginis videndas dedi, à Tabulâ octavâ exordior.

Exhibit illa in lapidibus (qui omnes ad vivum & juxta nativam suam magnitudinem, exceptis paucissimis, imò etiam crassitiem, quantum fieri penicillo potuit, ac

A a 2

totam

totam formam delineati sunt) insecta Terrestria, Exanguia, Apoda majora & minora, nimirum Limaces, Cochleas domiportas, & Lumbricos Terrestres.

Tabula IX. Insecta minora terrestria tam polypoda, quam oligopoda, non alata, ut Formicas, Forbicines, Scolopendras terrestres &c.

Tabula X. Insecta minora terrestria, aptera, sive alis carentia, & oligopoda, nempe Araneorum diversas species, cum & sine telis.

Tabula XI. Insecta minora aptera, sed polypoda, Eru-
carum scilicet multiplices figuræ.

Tabula XII. Animalcula sive insecta majora pedata non caudata, tam terrestria, quam amphibia, Bufones terrestres, Ranunculum viridem, Bufones aquaticos & Ranas palustres.

Tabula XIII. Animalcula sive insecta majora terrestria pedata & caudata, Lacertas, interque eas unam bicipitem, Salamandram.

Tabula XIV. Insectorum analytrorum, nudis & dete-
ctis alis volantium, Muscarum, Apum, Crabronum, Libellarum, Vesparum varias species.

Tabula XV. Similium insectorum alatorum Papilio-
num videlicet diversas species.

Tabula XVI. Ejusdem classis Perlas, Libellas, aliásque peregrinas & planè exoticas.

Tabula XVII. Insectorum alatorum, & à potiori Coleopterorum, sive alis opertis præditorum, Locustarum nimirūm & Gryllorum seriem.

Tabula XVIII. Insecta alata vaginipennia sive coleopte-
ra, Scarabæos, Cantharides, Cervos volantes.

Tabula XIX. Insecta tam terrestria pedata & caudata,
quam animalcula aquatica exanguia, crustracea, pedata
& caudata, ut Scorpiones, Astacos, sive Cancros fluvia-
tiles, Squillas &c.

Tabula XX. Animalcula marina crustacea rotunda &
pedata, ut Cancros marinos, Paguros, Oestros marinos.

Tabula

SPECIMEN PRIMUM. 95

Tabula XXI. Varios pisciculos tam fluviatiles, quam marinos, eosque monstrosos, Fundulum præprimis cum Tellinulis nondum penitus petrefactis repræsentat.

Atque haec sunt Lithographiæ Wirceburgensis Primitiæ, quas, ut ederem, & Patriæ illustrandæ, & studii nobilissimi amor me incitârunt. Fateor, retraxi sæpè manum ab opere cepto, abstractus & officiorum meorum diurnis nocturnisque laboribus fatigatus, qui necessarium lucubrationi in Patriâ novâ, ab exteris moroso examine discutiendæ otium vix indulserunt. Accessit inconsulta & importuna Duumvirûm non contradicendi, quod Viris Litteratis de re obscurâ disputantibus in votis est, sed conatus meos insultis dictériis evertendi prurigo, quorum alter extrâ chorum & ordinem saltans, falcem alter messi alienæ immittens, Dissertationem de rebus non suis, nec studia, doctrinam aut negotiationes eorum concernentibus, sed unicè meam, & physicam, innoxiam prorsùs nulli non modò non molestam, sed ob Argumenti in Franconiâ detecti novitatem desideratam, & meis sumptibus procuratam, in progressu retardâssent, nisi devicto, quod ingerere moliebantur, laboris tædio id sæpè volvissim animo:

Tu ne cede malis, sed contra audentior ito.

Non cessi, ut imposita primo specimini coronis demonstrat. Nec porrò cedam, æquè promptus ad asserendam causæ æquissimæ veritatem, ac paratus fui ad Lithophylacium hoc Franconiæ novum Orbi demonstrandum.

Viris verò Litterarum & scientiarum politiorum ac reconditarum Cultoribus & Patronis libens summâ, quâ omnes colo, observantiâ, me, calamumque meum submitto: Illorum judiciis, si sensis, si rationibus meis præponderaverint, palmam concedam, acquiescam. Sin veriora occurrent mihi, in securufo forsitan Lithographiæ Wirceburgensis specimine, majore Iconolithorum appa-

B b ratu,

96 LITHOGR. WIRCEB. SPECIMEN PRIMUM.

ratu, meliore ordine digesto, novisque iisque rarissimis
exoticorum figuratorum lapidibus instructo eà moderatione,
quæ Christianis Philosophis, immò Ethnicis benè
moratis in usu & pretio fuit, exponam, ut Dissertatio
tùm prima, tùm altera amica sit, sine felle & Alöe
inquisitio veritatis.




Admonitio ad Bibliopegum.

Tabula I.	inseratur ad pag. 39.
II.	- - - ad pag. 42.
III.	- - - ad pag. 49.
IV.	- - - ad pag. 54.
V.	- - - ad pag. 58.
VI.	- - - ad pag. 63.
VII.	- - - ad pag. 65.

**Reliquæ ab VIII. usque ad XXI. inclusivè juxta ordinem
numerorum suorum consequenter ponantur**

ad pag. 96.






TAB.IX.




















TAB. XIII.






TAB. XIV.



























TAB XIX.
















COROLLARIA MEDICA IX

- I. **C**orpus humanum vivum, quanquam suâpte
indole ad corruptionem subeundam proclive
admodum sit ac propensum, ægrotaret tamen
rariùs, ubi causæ & laesiones abessent mora-
les.
- II. Cujus asserti veritatem habes vel ex simplici & obviâ illâ
experienciâ, quod frequentiores multò in homine, quam in
brutis animantibus obveniant morborum insultus.
- III. Animi scilicet tranquillitas sicut sanitatis, ita ejusdem per-
turbatio plurimorum morborum fons & origo est.
- IV. Experiuntur hoc propemodùm inter homines ii, qui levio-
ris animi, & temperamenti sunt moderatioris.
- V. Subjectum verò temperamenti nobis nec sunt solæ partes
fluidæ, nec solidæ tantùm, sed utræque simul.
- VI. Novum nihil est, ut ex uno temperamento transitus se qua-
tur in aliud.
- VII. Quorum primum connatum, alterum adscititum voci-
tatur.
- VIII. Communicatur subinde idem temperamentum, quod
habent parentes, hereditariâ traductione ipsis etiam eorum
liberis.
- IX. Id quod luculenter monstrat exactissima quandoque libero-
rum cum parentum moribus, corporisque lineamentis simi-
litudo, & morbi, ut vocantur hereditarii.
- X. Animi mores habitui temperamentorum in plerisque pluri-
mum correspondere, experimur quotidie.
- XI. Unde, que v. g. in sanguineo ad actiones subeundas depre-
henditur alacritas, ea contra in phlegmatico vel melanco-
lico v. g. in languorem abit & tarditatem.

COROLLARIA MEDICA

- XII. *Est nempè magna animi motuum cum habitu temperamentorum communio.*
- XIII. *Innuimus suprà, requiri primariò ad inviolatam sanitatis tutelam animi tranquillitatem; nec mirum, hæc enim quousque viget, sedatè & tranquille in corpore circa motus peraguntur omnia.*
- XIV. *Directorium instrumentum, quo causa & effectus corruptionis præservatur, nihil, nisi bonum & utile asservatur, noxiūmque exterminatur, statuimus esse motum tonicum, generalem nimirūm & particularem:*
- XV. *In hoc se- & excretionis opere, consequenter corporis ab imminentे corruptionis noxā præservatione, consistit sanitas & vita.*
- XVI. *Inde est, quod naturā etiam in vero sanitatis statu perpetuam humorum commotionem, sequestrationem, & tandem particularum santicarum è corpore exclusionem & instituat, & necessariam habeat.*
- XVII. *Omnes partes corporis molliores, porosae, musculosæ potissimum ordine naturali semper actu tensæ sunt.*
- XVIII. *Hæc tamen tensio immutabilis nequaquam est, sed habet perpetuas leves vicissitudines.*
- XIX. *Alteratur quippè facile & frequenter à rebus illis extraordinariis, quales inter alias sunt v. g. calor & frigus, cæteræque res, sic dictæ, non naturales.*
- XX. *Et imprimis quidem à vehementiore caloris impetu, ejusque vi continuatâ oritur spumeatoria sanguinis agitatio, & hanc demum in plethoricis perfacile subsequa extravasatio, ac hemorrhagiarum enormium eruptio.*
- XXI. *A frigoris excessu serum inviscatur, lympha coagulatur, sanguis inspissatur, & ad stases mox secuturas disponitur.*
- XXII. *Dicitur autem stasis, ubi adest subsistentia motus.*
- XXIII. *Differt hinc à congestionē, quæ evenire potest rei etiam in motu existenti, factâ solummodo propter urgentem impulsu majori viarum ac meatuum dilatatione.*
- XXIV. *Causa, cur fiat congestio, est plerumque apparatus humorum superfluorum ad imminutoriam corundem evacuationem tendens.*
- XXV.

COROLLARIA MEDICA.

- XXV. *Venas & arterias Anastomosi jungi probabile non est, quomo do enim fierent se- & excretiones?*
- XXVI. *Sed sanguis ex arteriis tenuioribus in porosam substan- tiam partium exprimitur, ubi per poros dein transprimitur, secreto interim, quod est alimentitum, excreto vero, quod excrementitum est, ac demum in venas circulationis lege reprimitur.*
- XXVII. *Quod affluxus sanguinis ad unam partem praे aliâ co- piosius sive impellatur sive excludatur, fit per motum toni- cum particularem.*
- XXVIII. *Quando nimis pars aliqua jam fortius tenditur, ut hoc modo contentus sanguis exprimatur, jam remittitur, & flaccidior relinquitur, ut facilius in eam queat irrumpere.*
- XXIX. *Frustraneum proinde esset incusare hic velle spirituum vel presentiam vel fugam, vel passivam partis debilitatem & subsidentiam, quæ ceu commenta meritò rejicimus.*
- XXX. *Eiusdem motus tonici ope & beneficio advertimus paroxismos febrium, intermittentium præcipue, plurimum ad ministrari atque ad salutarem finem destinari.*
- XXXI. *Sunt enim paroxysmi febribus, ut cum RR. supponi- mus, nihil aliud, nisi iteratum molimen motuum tonico- rum ad materiam sonticam circa primas vias aut alibi hæ- rentem corrigendam & excutiendam.*
- XXXII. *Præternaturalis & violentior motus tonici exacerbatio dicitur spasmus & convulsio.*
- XXXIII. *Differit vero motus tonicus, spasmodicus, & convul- sivus à se invicem, non aliter ac genus à specie.*
- XXXIV. *Observantur hæ motum turbæ & tragœdiae semper vehementiores pertinacioreisque esse, si natales debeant causis & intentionibus moralibus.*
- XXXV. *Quemadmodum ex auctiore & nimiâ motus tonici in- tensione oritur, ut diximus, convulsio, ita ejus abolitio & defectus atonia audit & paralysis.*
- XXXVI. *Quæ ultima vulgo observatur duplex, hujus enim altera dicitur perfecta, sive consummata, in qua pars af- fecta sine sensu & motu frigescit ac flaccescit; Altera vero imperfecta, in qua adhuc aliquis saltem formicationis vel auræ tantum sensus intercurrit.*

COROLLARIA MEDICA.

XXXVII. *Ubi simul in rem præsentem annotamus, prostat exempla paralyticorum, quibus sanitatem, ad quam juvare nullatenus poterant medicamenta, restituit desperatus animi motus.*

XXXVIII. *Cujus utriusque motus naturalis æquè ac præternaturalis causa non deprehenditur alia, quam anima agens vitaliter, nisi etiam quandoque extraordinario, excluso spirituum motu, eorumque influxu, refluxu aut transitu.*

XXXIX. *Ad naturam itaque, id est, ad animam hoc est in corpore organizato agentem vitaliter, Medicum decet attendere.*

XL. *Istius namque Energia corporis conservatur sanum, ejus vero synergia, sive actione, quam ad medicamenta concurrit, ægrotis etiam sanitas restituitur.*

XLI. *Atque exinde videtur natus canon hodiè potissimum vulgarissimus, Medicum naturæ, autocraticè potissimum agentis Ministrum, spectatorem, & imitatorem, non vero Magistrum, non seductorem aut contradictorem agere oportere.*

XLII. *Et profectò quid sagacius, quid facilius, quam illam selectari, illius motuminibus insistere, quam, sibi etiam soli relictam, novimus quam sapissime curare morbos.*

XLIII. *Nec dices naturam aliquando succumbere, id enim si fiat, illud vel nimiae & excessivæ materiæ peccantis quantitatæ, vel incorrigibili ejusdem qualitati tribuendum est, hoc enim modo quidquid etiam agat & conetur Operatrix Natura, prævalenti tamen noxiæ efficacie tandem impar fiat necesse est.*

XLIV. *Quanquam negari haud possit, & hanc ipsam, ut ut vigilis subinde à naturali ordine aberrare, atque in motibus suis sive excedere, sive deficere.*

XLV. *Qui Naturæ errores quo sunt graviores, & à motibus activis remotiores, eò graviora quoque in corpore symptoma oriri perpetuum est.*

XLVI. *Quapropter coöoperatoris Medici intersit plurimum, matrum imprimis inter motus facere discriminem, & num autocratici illi sint, an erronei probe nosse discernere, ac, ubi erronei*

COROLLARIA MEDICA.

erronei probè nosse discernere, ac, ubi erronei fuerint, eos prudenter corrigere, in viam consuetam Naturam modestè & placide revocando, ejus commotiones nimias mitigando, placando, demulcendo, ejus languorem instaurando, excitando, animando.

XLVII. Calleat prætereà accuratè distinguere inter actionem & passionem, inter symptomata & Synergiam, inter morbum & motum, qui à solicitâ Natura finaliter agente propter morbum suscipitur & instituitur.

XLVIII. Observet itidem patientum circa motus vitales consuetudinem, eorumque specialem idiosyncrasiam; quibus Natura viis jam antehac fuerit assueta, studiosè scrutetur, atque cuius etatis, sexus, constitutionis ac indolis sint patientes sedulò examinet.

XLIX. Quod postremum in hunc finem monitum volumus, ut pateat, gravioribus longè turbis motuumque anomaliis expositos vivere delicatulos, sensibilioresque, præ robustioribus animoque vegetoribus.

L. Ista singula, si cum ratione respiciat Medicus, si in porrigenis medicamentis tempus, anni opportunitatem, modum, & mensuram sexui, etati, proportionatam ritè perpendat & observet, & patientibus suis ab ipso satisfiet, & præfixus, quem intendit, quémque votis exoptat, felicissimè obtinebitur

F I N I S.





Errata properantis Typi B.L. sic emenda.

203. Paginâ 11. Princeps lege Principes.
p. 28. plustica l. plastica.
p. 33. inducere l. induere.
p. 36. quibns l. quibus.
p. 39. errorum l. corum.
p. 40. ac l. à.
S p. 43. ui l. ut.
p. 45. ant l. aut.
p. 47. idiomégor l. idiomégor.
p. 49. authorcm l. authorem.
p. 78. accidere l. accedere.
p. 86. COROLL. I. CAPUT.
p. 88. et l. ut.

E I N I S











ANNOCC. MDCCLXV.

Kinder.

DR.

II

BERINGER

LITHOGRAPH

WURZEB

3

4

5

6

7

8

9

10

ANNOCC. MDCCLXV.

Kinder.

DR.

II

BERINGER

LITHOGRAPH

WURZEB

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

101

102

103

104

105

106

107

108

109

110

111

112

113

114

115

116

117

118

119

120

121

122

123

124

125

126

127

128

129

130

131

132

133

134

135

136

137

138

139

140

141

142

143

144

145

146

147

148

149

150

151

152

153

154

155

156

157

158

159

160

161

162

163

164

165

166

167

168

169

170

171

172

173

174

175

176

177

178

179

180

181

182

183

184

185

186

187

188

189

190

191

192

193

194

195